


O LE EKALEZIA A IESU KERISO O LE AU PAIA O ASO E GATA AI • FEPUARI 2018

# Liahona



**Faatumauina o le Filemu i  
se Lalolagi o le Tele o Lotu  
Eseese, i. 24**

**O Le Ala ua Talanoa mai ai le  
Molimau a Peteru e uiga ia Keriso ia i  
Tatou, i. 18**

**O se Vaaiga i le Tele o Voluma Fou o le  
Talafaasolopito o le Ekalesia, i. 30, 32**



“E TUSA LAVA PO O LE A  
LE LELEI O LOU TAUSIA  
O LAU FOLAFOLAGA IA  
MANATUA PEA O IA,  
**NA TE MANATUA  
PEA OE.**”

PERESITENE HENRY B. EYRING

*Mai le Savali a le Au Peresitene Sili, itulau 4.*



- 30 Au Paia: O Le Tala o le Ekalesia a Iesu Keriso o le Au Paia o Aso e Gata Ai**  
Saunia e Elder Steven E. Snow  
*Aoao atili e uiga i le talafaasolopito fou e tele voluma o le Ekalesia.*
- 32 Au Paia: O Le Tala o le Ekalesia—Mataupu 1: Ole Atu i le Faatuatua**  
*O tulaga e le masani ai na aumaia le aiga o Samita i Palamaira; o lagona le maotonu na taitaia Iosefa e tatalo.*

## MATAGALUEGA


- 8 Tusigāmanatu o le Konafesi o Oketopa 2017**
- 11 Auaunaga i le Ekalesia: O Se Faamalologa O Se Amataga Lea, E Le o se luga**  
Saunia e Richard M. Romney
- 12 Aoao Atu i le Ala a le Faaola: O A Ni Mea e Mafai Ona Ou Faia Ina ia Aoao Atu Atili e Pei o le Faaola?**  
Saunia e Tad R. Callister
- 16 I le Pulelaa: Na Faaali Mai e le Atua Ia Te Au**  
Saunia e Rachel H. Leatham
- 38 O Ata o le Faatuatua: Feinga Fanguna**
- 40 O Leo o Le Au Paia o Aso e Gata Ai**
- 80 Seia Tatou Toe Feiloai: O Le Talalelei E Aofia Ai Upumoni Uma**  
Saunia e Peresitene Dieter F. Uchtdorf

## O SAVALI

- 4 Savali a le Au Peresitene Sili Manatua Pea o Ia**  
Saunia e Peresitene Henry B. Eyring
- 7 Mataupu Faavae a Faiaoga Asiasi Faamasani ia te Ia ma Lona Aiga**

## TALA FAAALIA

- 18 “Pe Se a La Outou Upu ia te Au Po o Ai?”: O Le Molimau a Peteru ia Keriso**  
Saunia e Terry B. Ball  
*Ao tatou oo ina alolofa ma malamalama ia Peteru, o le a sili atu lo tatou saunia ma mafai ona taliaina lana molimau faapitoa ia Keriso.*
- 24 Saolotoga o Tapuaiga: Maatutilimanu o le Filemu**  
Saunia e Elder D. Todd Christofferson  
*I se lalolagi o manatu feteenai, e mafai ona tatou lotogatasi i la tatou sailiga o le filemu e ala i le taliaina o le tele o tapuaiga eseese ma faatumauina le saolotoga o tapuaiga.*



**I LE FAAVAA**  
Ata na tusia e Joshua Dennis.



44

#### 44 "O Le a la Laveaiina i Tatou"

Saunia e Reid Tateoka

*I le faaiuga o se mafuie matautia i Iapani, na lagona e faifeautalai le aao puipui ma taitai o le Alii na tausia i latou i le saogalemu.*

#### 48 O Lau misiona i totonu o Lou Aiga

Saunia e Andrea Gómez Lagunes

*Na ou manatu o lau misiona o le a faaiu pe a uma lou taotoga, ae peitai na faatagaina au e nofo. O lenei ua tatau lava ona ou sailia pe aisea.*



*Vaai pe mafai ona e mauaina le Liahona o loo natia i le lomiga lenei. Faaiteite: O a taleni e mafai ona e faasoa atu i isi?*

**50 O Iesu Keriso: O La Tatou Punavai o le Filemu**  
Saunia e Elder M. Russell Ballard  
*E mafai ona aumaia e le lalolagi le fiasia le tumau, ae ua ofoina mai e Iesu Keriso le filemu e faavavau.*

**54 O Le Filemu i le Lalolagi ma le Filemu ia Keriso**  
Saunia e Sarah Hanson  
*E mafai faapefea ona e iloaina aooaga sese a le lalolagi mo le filemu?*

**56 E le Mafai Ona e Faasaina le Mea o i Lou Loto**  
Saunia e Blossom Larynoh  
*Ina ua faasaina le alu i se Ekalesia AAG i Kana, na ou iloaina na manaomia ona malosi lau molimau.*

**58 Pe Faapefea Ona Ou Faaleleia lo Ma Va ma le Atua**  
Saunia e Elder Massimo De Feo  
*E aapa patino mai le Alii ia i tatou uma taitoatasi. Filifili nei e atiina ae se sootaga malosi atu ma Ia.*

**60 Tuuina Atu o Ou Popolega i le Atua**  
Saunia e Ninoska Nawrath  
*Ina ua aveina lau uo i le falemai mo le ogaoga o le atuatuwale, na lofituina au i le popole. O le a se mea e mafai ona ou faia e fesoasoani ai?*

**62 Pepa Lautele o I Ai se Savali: Ola e Faavavau**

**63 O Lea Mataupu i Luga o Lea Mataupu: 1 Nifae 3:7**



56



74

**64 Fesili ma Tali**  
*"E mafai faapefea ona ou fai atu i a'u uo e aua le talanoa ma le alofa po o le le talafeagai e uiga i isi?"*

**66 Tu Atu mo le Ekalesia**  
Saunia e Tracie Carter ma Maryssa Dennis  
*Na mananao Easton ma lana uo fou o GianMarco e aoo atu le la vasega e uiga i le Ekalesia!*

**68 Faasusulu Atu Lou Malamalama: Faasoina atu o Meaalofa**  
Saunia e Marissa Widdison

**70 O Le Fuafuaga o le Fiasia**  
*O le a fesoasoani lenei tamaitusi e valivali ia te oe e aoo ai e uiga i le fuafuaga a le Tama Faalelagi!*

**72 Ua Molimau Aposetolo e uiga ia Keriso**  
Saunia e Elder Dallin H. Oaks

**73 Taumafai Pea!**  
Saunia e Elder Peter F. Meurs  
*E tusa lava pe taufaafefe, o le faasoina atu o au taleni ma le molimau e mafai ona fesoasoani e maua ai e isi le fiasia.*

**74 Kata o Upusii o le Konafesi**

**75 O La Tatou Itulau**

**76 Tala o Tusitusiga Paia: Atamu ma Eva**  
Saunia e Kim Webb Reid

**79 Itulau e Valivali**

O Le Lomiga Faamaonia Faa-Samoa a le Ekalesia  
a Iesu Keriso o le Au Paia o Aso e Gata Ai

**Susuga a le Au Peresitene Sili:** Thomas S. Monson,  
Henry B. Eyring, Dieter F. Uchtdorf

**O Le Korama a Aposetolo e Toasefululua:**

Russell M. Nelson, Dallin H. Oaks, M. Russell Ballard,  
Jeffrey R. Holland, David A. Bednar, Quentin L. Cook,  
D. Todd Christofferson, Neil L. Andersen, Ronald A.  
Rasband, Gary E. Stevenson, Dale G. Renlund

**Faatonu:** Hugo E. Martinez

**Assistant Editors:** Randall K. Bennett, Carol F. McConkie

**Fautua:** Brian K. Ashton, Bonnie H. Cordon, LeGrand R.  
Curtis Jr., Edward Dube, Sharon Eubank, Donald L.  
Hallstrom, Douglas D. Holmes, Erich W. Kopischke

**Pule Faatonusili:** Richard I. Heaton

**Faatonusili o Mekasini a le Ekalesia:** Allan R. Loyborg

**Pule o Mea Tau Pisinisi:** Garff Cannon

**Pule Faatonutonu:** Adam Olson

**Pule Faatonutonu Lagolago:** Ryan Carr

**Lagolago o Lomiga:** Francisca Olson

**Au Tusiutisi ma Faatonutonu:** Maryssa Dennis, David  
Dickson, David A. Edwards, Matthew D. Flitton, Lori Fuller,  
Garrett H. Garff, LaRene Porter Gaunt, Jon Ryan Jensen,  
Charlotte Larcabal, Michael R. Morris, Eric B. Murdock,  
Sally Johnson Odekirk, Joshua J. Perkey, Jan Pinborough,  
Richard M. Romney, Mindy Anne Selu, Marissa Widdison

**Pule Faatonusili Tusiata:** J. Scott Knudsen

**Faatonusili Tusiata:** Tadd R. Peterson

**Au Mamanu:** Jeanette Andrews, Fay P. Andrus,  
Mandy Bentley, C. Kimball Bott, Thomas Child,  
David Green, Colleen Hinckley, Eric P. Johnson,  
Susan Lofgren, Scott M. Mooy, Emily Chieko Remington,  
Mark W. Robison, Brad Teare, K. Nicole Walkenhorst

**Faatonu o le Puletaofia ma Fatufatuga:**

Collette Nebeker Aune

**Pule i le Gaosiga:** Jane Ann Peters

**Au Gaosi:** Ira Glen Adair, Julie Burdett, Thomas G. Cronin,  
Bryan W. Gygi, Ginny J. Nilson, Derek Richardson

**Tailolomi:** Joshua Dennis, Ammon Harris

**Faatonusili Lolomiga:** Steven T. Lewis

**Faatonusili o le Tufatufaga:** Troy R. Barker

Mo le okaina o mekasini, alu i le store.lds.org po o le  
faletusi Tutotonu i Pesega. Telefoni 64127. Totogi o le  
Mekasini: \$0.55 (Samoa) i le kopi. Totogi mo le Tausaga  
Atoa \$6.60 (Samoa).

**Auina atu tusitusiga ma faafesili i luga o le  
initonetu** i le [liahona.lds.org](http://liahona.lds.org); pe meli mai i le *Liahona*,  
Rm. 2420, 50 E. North Temple, Salt Lake City, UT 84150-  
0024, USA; po o le i-meli: [liahona@ldschurch.org](mailto:liahona@ldschurch.org).

*O Le Liahona* (o lona uiga i le Tusi a Mamona o le "tapasa"  
po o se "faatonuala") e lomia i le faa-Alepania, Aminia  
(Sasae), Pisilama, Palekeria, Kemupotia, Sepuano, Saina,  
Kalaotia, Siekisolovakia, Tenimaka, Take, Igilisi, Esitonia,  
Fiti, Finelani, Farani, Siamani, Eleni, Hanikeri, Initu, Iselani,  
Initonesia, Italia, Iapani, Kiripati, Korea, Lativia, Litunia,  
Malakasa, Masela, Monokolia, Nouei, Polani, Potukale,  
Romania, Rusia, Samoa, Saina (ua faaifigofieina), Silovenia,  
Sipaniolo, Suetena, Swahili, Tagaloka, Tahiti, Tai, Toga,  
lukureini, Urutu, ma Viatename. (E eseese lava gagana.)

© 2018 Puletaofia e le Intellectual Reserve, Inc. Ua taofia  
aia tatau uma. Lomia i le lunaite Setete o Amerika.

**Faamatalaga o le Puletaofia:** Vagana ua faailoa atu,  
e mafai e tagata taitoatasi ona kopiina anomea mai le  
*Liahona* mo lo latou faaogaina patino, ma le saili tupe  
(e aofia ai mo valaauga o le Ekalesia). O lenei aia tatau  
e mafai ona faaleaogaina i soo se taimi. O anomea o  
mea faitino e le mafai ona kopiina pe afai o loo faailoa  
mai se faasa i le laina o loo i ai ma le faatufugaga.

O fesili mo le Puletaofia e tatau ona faatuatusi mai  
i le Intellectual Property Office, 50 E., North Temple  
St., FL 13, Salt Lake City, UT 84150, USA; email:  
[cor-intellectualproperty@ldschurch.org](mailto:cor-intellectualproperty@ldschurch.org).

**For Readers in the United States and Canada:**  
February 2018 Vol. 42 No. 2. O Le Liahona (USPS 311)  
Samoan (ISSN 1045-0947) is published monthly by The  
Church of Jesus Christ of Latter-day Saints, 50 East North  
Temple, Salt Lake City, UT 84150. USA subscription price  
is \$10.00 per year; Canada, \$12.00 plus applicable taxes.  
Periodicals Postage Paid at Salt Lake City, Utah. Sixty days'  
notice required for change of address. Include address label  
from a recent issue; old and new address *must* be included.  
Send USA and Canadian subscriptions to Salt Lake  
Distribution Center at address below. Subscription help  
line: 1-800-537-5971. Credit card orders (Visa, MasterCard,  
American Express) may be taken by phone. (Canada Post  
Information: Publication Agreement #40017431)

POSTMASTER: Send all UAA to CFS (see DMM 507.1.5.2).  
NONPOSTAL AND MILITARY FACILITIES: Send address  
changes to Distribution Services, Church Magazines,  
P.O. Box 26368, Salt Lake City, UT 84126-0368, USA.

# FAAOPOPOGA I LE INITONETI



Faitau tusiga ma auina atu la oe  
lava tusiga i le [liahona.lds.org](http://liahona.lds.org).



Sue savali musuia, e mafai ona  
faasoa atu (i le gagana Pereta-  
nia, Potukale, ma le Sipaniolo) i le  
[facebook.com/liahona](https://facebook.com/liahona).



Auina mai finagalo faaalua i le  
[liahona@ldschurch.org](mailto:liahona@ldschurch.org).



Ia lesitala i le [store.lds.org](http://store.lds.org).  
Po o le asiasi i se faletusi autu, fesili atu i  
taitai o le uarota, pe valaau i le  
1-800-537-5971 (I.S. ma Kanata).

AKONA MAILE GETTY IMAGES

## AUTU I LE LOMIGA LENEI

*E tau mai e numera le itulau muamua o le tusiga.*

- Aiga**, 10, 48, 75
- Alofa Mama**, 7
- Aoao atu**, 12
- Atamu ma Eva**, 76
- Ata o le faaolataga**, 70
- Atuatuvaile**, 54, 60
- Auauna atu**, 7, 11, 42, 68
- Faamanatuga**, 4, 58
- Faamanuiga**  
**faapanerika**, 38
- Faaouga**, 7, 41, 60, 64, 66
- Faiaoga o aiga**, 40
- Faigata**, 44, 48, 54, 56, 60

- Filemu**, 24, 50, 54, 60
- Galuega faafaifeautalai**,  
44, 48, 56, 66
- Iesu Keriso**, 4, 12, 18, 50,  
54, 58, 62, 70, 72
- Iosefa Samita**, 32
- Konafesi aoao**, 74
- Lotomauualalo**, 12
- Malumalu**, 75
- Molimau**, 16, 18, 56,  
66, 73
- Papatisoga**, 75
- Salamo**, 4, 50
- Samoa**, 64

- Saolotoga o tapuaiga**, 24
- Suesue i tusitusiga**  
**paia**, 43
- Talafaasolopito o aiga**,  
43, 48
- Talafaasolopito o le**  
**Ekalesia**, 30, 32
- Taleni**, 38, 68, 73
- Tama Faalelagi**, 58, 62, 70
- Tusi a Mamona**, 75
- Upumoni**, 80
- Usiusitai**, 16, 63, 79
- Valaauga o le Ekalesia**,  
11, 12, 58



Saunia e  
Peresitene  
Henry B. Eyring

Fesoasoani  
Muamua i le Au  
Peresitene Sili

## MANATUA PEA O IA

**P**e mafai ona e vaai faalemafaufau faatasi ma au i le perofeta o Moronae o loo tusitusia upu faaiu o le Tusi a Mamona i luga o papatusi auro? Sa na o ia lava. Na ia vaaia lona atunuu, ona tagata, ma lona aiga ua pauu. O le laueleele na avea ma “taamilosaga faia pea lava pea e tasi” o le taua (Mamona 8:8). Ae peitai na i ai lona faamoemoe, aua na ia vaai i o tatou aso! Ma mai mea uma semanu na te tusia, na ia valaaulia i tatou ia *manatua* (tagai i le Moronae 10:3).

Na fiafia lava Peresitene Spencer W. Kimball (1895-1985) i le aoaoina atu e faapea o le upu e ono sili ona taua i le lomifiloi atonu o le *manatua*. Aua na tatou osia ni feagaiga ma le Atua, na ia saunoa ai, “o le mea e sili ona tatou manaomia o le manatua” o na feagaiga.<sup>1</sup>

E mafai ona e mauaina le upu *manatua* i tusitusiga paia uma lava. Pe a lapataiina e Nifae ona uso, na masani lava ona ia valaaulia i latou ia manatua afioga a le Alii ma ia manatua le ala na faasaoina ai e le Atua o latou tama na muamua atu (tagai i le 1 Nifae 15:11, 25; 17:40).

I lana lauga maoae faamavae, na faafitu ona faaoga ai e le Tupu o Peniamina le upu *manatua*. Na Ia faamoemoe o le a manatua e lona nuu “le silisili o le Atua . . . ma lona agalelei ma lona tali-tiga” ia i latou (Mosaea 4:11; tagai foi 2:41; 4:28, 30; 5:11–12).

Ina ua faatoa faia e le Faaola le faamanatuga, na Ia valaaulia Ona soo ia tagofia ia faatusa “e fai ma faamanatuga” o Lana taulaga (Luka 22:19). I tatalo taitasi o le faamanatuga e te faalogo ma ou faalogo i ai, o le upu *pea* e mulimuli i le upu *manatua* (tagai MF&F 20:77, 79).

O lau savali o se valaaulia, pe o se faatoga, ia manatua. O fautuaga nei e tolu i mea e mafai ona e manatua i vaiaso taitasi pe a e tagofia faatusa paia o le faamanatuga. Ou te faamoemoe o le a latou fesoasoani ia te oe, e pei ona latou fesoasoani ia te au.

### Ia manatua Iesu Keriso.

Muamua, manatua le Faaola. Manatua pe o ai o Ia ao i ai i le lalolagi, pe na faapefea ona Ia fetalai atu i isi, ma pe na faapefea ona Ia faaalua le agalelei i Ana faatinoga. Manatua pe o ai na Ia mafuta i ai ma po o a mea na Ia aoao atu. Sa “femaliuai ma agalelei” le Faaola (Galuega 10:38). Sa Ia asiasi i ē mama’i. Sa naunautai o Ia e fai le finagalo o Lona Tama.

O le mea sili, e mafai ona tatou manatua le tau sili na Ia totogiina, ona o Lona alofa mo i tatou, ina ia soloiesea le pisia o a tatou agasala. Ao tatou manatuaina o Ia, o le a faateleina lo tatou manao e mulimuli ia te Ia. O le a tatou mananao ia sili laititi atu le agalelei, sili atu le faamagalalo, ma sili atu le naunau e saili le finagalo o le Atua ma faia loa.

### Manatua Mea E Te Manaomia Ona Faia ia Sili Atu

E faigata ona mafaufau i le Faaola—Lona mama ma le atoatoa—e aunoa ma le mafaufau foi i lo tatou pona ma le le atoatoa i le faatusatusa atu ia te Ia. Na tatou osia ni feagaiga ia usiusitai i Ana poloaiga, ae peitai e masani ona tatou le ausia lenei tulaga faatonuina mauuluga. Ae na silafia e le Faaola o le a tupu lenei mea, o le mafuaaga lena na Ia tuuina mai ai ia i tatou le sauniga o le faamanatuga.

O le faamanatuga na amata mai lava i le faatinoga i le Feagaiga Tuai o le ofoina atu o taulaga, lea na aofia ai se tautauina atu o agasala (tagai i le Levitiko 5:5). Tatou te le o toe ositaulagaina ni manu, ae e mafai pea ona tatou tuueseina a tatou agasala. Ua taua e tusitusiga paia lenei mea o se taulaga o “se loto momomo ma le agaga salamo” (3 Nifae 9:20). O mai i le faamanatuga faatasi ai ma se loto salamo (tagai i le MF&F 59:12; Moronae 6:2). Ao e faia, o le a e mauaina le faamagaloga o agasala ma



o le a e le se ese mai i le ala lea e toe taitai atu i le Atua.

### Manatua le Alualu i Luma o Loo E Faia

Ao e iloiloina lou olaga i le taimi o le sauniga o le faamanatuga, ou te faamoemoe o ou mafauauga e faatotonugalemu e le gata i mea sese na e faia ae ia faapena foi i mea sao na e faia—taimi na e lagonaina ai e faapea na fiafia le Tama Faalelagi ma le Faaola ia te oe. E mafai foi ona e

faaalaina se taimi i le taimi o le faamanatuga e fesili atu ai i le Atua e fesoasoani ia te oe ia iloa nei mea. Afai e te faia, ou te folafola atu o le a e lagonaina se mea. O le a e lagonaina le faamoemoe.

Ina ua ou faia lenei mea, na faamautinoa mai e le Agaga ia te au e faapea ao ou mamao pea mai le atoatoa, ua ou sili atu i le aso nai lo ananafi. Ma o lenei mea e tuuina mai ai ia te au le mautinoa e faapea, ona o le Faaola, e mafai lava ona ou sili atu taeao.

O le upu *Pea* o se taimi umi lava, ma e manaomia ai se taumafaiga tele o le taulai atu. Ua e iloaina mai i aafiaga le faigata tele ona mafauafau manino i se mea se tasi i taimi uma lava. Ae e tusa lava po o le a le lelei o lou tausia o lau folafolaga ia manatua pea o Ia, Na te manatua pea oe.

E silafia e le Faaola ou luitau. Na te silafia pe faapei le mamafatu o mea o le olaga i ou luga. Na te iloaina lou manaomia vave o le faamanu-iaga lena e oo mai i le manatuaina pea o Ia ma le usitaia o Ia—“ina ia [e] maua *pea* lona agaga e faatasi ma [oe]” (MF&F 20:77; faaopoopo le faamamafa).

O lea, Na te toe faafeiloaia foi oe i le laulau o le faamanatuga i vaiaso taitasi, ma toe ofoina atu foi ia te oe le avanoa e molimau ai i Ona luma e faapea o le a e manatua pea o Ia. ■

### AOAO ATU MAI LENEI SAVALI

**E** mafai ona pisi tele le olaga ma faigata ai ona manatua pea lo tatou Faaola o Iesu Keriso. Ae ui i lea, o le faamanatuga, e saunia ai se taimi faapitoa i vaiaso taitasi lea e mafai ai ona tatou mafauafau i Lona soifuaga ma aoaoga. Mo i latou tou te faiaoga o aiga ai, mafauafau pe faapefea ona outou faaogaina nei na taimi filemu, ma talanoaina pe faapefea ona outou faateleina lo outou taulai atu i le Faaola. E mafai faapefea ona e faaogaina na taimi e mafauafau ai i mea e mafai ona e faaleleia ai oe lava ia? O le a le taua o le manatuaina o le alualu i luma e te faia i vaiaso taitasi?

### FAAMATALAGA

1. Spencer W. Kimball, “Circles of Exaltation” (lauga i faiaoga o mataupu falelotu i le Ofisa o Aoga a le Ekalesia, Iuni 28, 1968), 5.



“Manatua le alofa mutimutivale tele o le Alii.”  
Moronae 10:3).

## AUTALAVOU

### Mea e Tolu ia Manatua

O le upu *Manatua* e tele taimi e maua ai i le Tusi a Mamona. Na unaia e Nifae ona uso ia manatua le ala na laveaiina ai e le Atua o latou tama na muamua atu. Na poloai atu le Tupu o Peniamina i lona nuu ia manatua le silisili o le Atua. Ma na faatonuina e Moronae ana tagata faitau ia manatua le tele o le alofa mutimutivale o le Alii.

O le manatuaina o le Faaola e taua—tatou te osi feagaiga lava foi ia manatua o la i taimi uma tatou te tagofia ai le faamanatuga. Ua valaaulia i tatou e

Peresitene Eyring ia manatua nei mea e tolu i le taimi o le faamanatuga:

1. **Manatua Iesu Keriso:** Faitau tusitusa paia e uiga i le ala na auauna atu ai ma faaalua le alofa o le Faaola i isi. E faapefea ona e lagonaina lona alofa? E faapefea ona e auauna atu ma faaalua le alofa i isi e faapei ona faia e le Faaola?
2. **Manatua mea e te manaomia ona sili atu le faia:** Mafaufau i lou vaiaso ua tuanai faatasi ma se loto salamo. Filifili se mea se tasi

e mafai ona e suia, ma tusi i lalo le ala o le a e faaleleia ai lona mea. Tuu lau sini i se mea o le a e vaai soo i ai.

3. **Manatua le alualu i luma o loo e faia:** Ole atu i le Atua e fesoasoani ia te oe e vaai i le alualu i luma lelei o loo e faia. Faamau mau ou lagona.

Tatou te le atoatoa, ae e silafia e le Faaola lona mea. O le mafuaaga lona ua la fai mai ai ia i tatou ia manatua o la. O le manatuaina o la e tuuina mai ai ia i tatou le faamoemoe ma fesoasoani ia i tatou ia mananao ia faaleleia atili. E oo lava i taimi pe ua tatou le manatua ai o la, ua saunoa mai Peresitene Eyring, “Na te manatua pea oe.”

## TAMAITI

### Manatuaina o Iesu

Ua aoao mai tusitusa paia e faapea e tatau ona tatou manatua pea Iesu Keriso. O lona uiga e tatau ona tatou mafaufau e uiga ia te la *i le tele o taimi* ma mulimuli i Lana faaitaiga!

E mafai ona e lolomiina ma valivali lenei ata o Iesu e fesoasoani ia te oe e manatua ai pea o la. Tuu i se mea o le a e vaai soo i ai.

“Afai tou te manatua pea a’u o le a outou maua lo’u Agaga e faatasi ma outou”  
(3 Nifae 18:7).





Faatuatua, Aiga, Toomaga

# Faamasani ia te la ma Lona Aiga

*O le faiaoga asiasi e faa-tatau i le faamasani ma le alofa faamaoni i tamaitai taitoatasi ina ia mafai ai ona tatou fesoasoani e faa-malosia lona faatuatua ma tuuina atu le auaunaga.*



O Rita Jeppeson ma lana faiaoga asiasi na ave ma uo lelei ao latou feiloai ma faasoa talanoaga o le talalelei. Ae o a la asiasiga na aofia ai foi le taaalo faatasi i ni taaloga e faaoga ai upu, lea e fesoasoani i le mafaufau matua a Rita ina ia tumau le mataalia. Aua sa aoao e lana faiaoga asiasi le mea e manaomia ma fiafia i ai Rita, la te gauai atu uma i asi-asiga taitasi. ... E tele nua mea e mafai ona faia e uso i le taimi o se asiasiga, e pei o le savalivali faatasi po o le fesoasoani i se uso i ana galuega.

O Lusi Maki Samita, le tina o le perofeta o Iosefa Samita, sa faaalua ona lagona i le 1842 e faatatau i auala e tatau ai i tamaitai o le Au Paia o Aso e Gata Ai i le faatoa faavaeina lea o le Aualofa ona lagonaina mo le tasi ma le isi. Sa ia saunoa, “E tatau ona tatou faapelepele i le tasi ma le isi, leoleoina le tasi ma le isi, faamafanafanaina le tasi ma le isi

ma faateleina le aoaoina, ina ia mafai ona tatou nonofo faatasi i le lagi.”<sup>1</sup> E moni lava lenei mea seia oo mai i le aso.

Na saunoa Elder Jeffrey R. Holland o le Korama a Apose-tolo e Toasefululua, “Ia ave ma suivaia o le Atua i Ana fanau. . . . Ae, matou te faamoemoe . . . o le a outou atiaaina se amioga o le popole faamaoni mo le au paia ina ia aoaoina i le talalelei, leoleoina ma le tausaiaina o le tasi ma le isi, talanoaina o manaoga faaleagaga ma faaletino i soo se auala e fesoasoani atu ai.”<sup>2</sup>

Na poloaiina e le Alii le fanauga a Isaraelu e ala mai ia Mose e faapea ”o le tagata ese o loo aumau ia te outou ia tusa lava ia ia te outou ma le tagata o le eleele e te alofa atu ia te ia e pei o oe lava ia te oe” (Levitiko 19:34). Atonu o tamaitai tatou e

te faiaoga asiasi i ai o ni tagata “ese” ao tatou amataina la tatou auaunaga, ae peitai ao tatou faamasani ia te ia ma lona aiga, o le a faateleina lo tatou manao ia “tauave avega a le tasi, ina ia māmā” ma ia faia ia “fili faatasi o [tatou] loto i le lotogatasi ma le alofa o le tasi i le isi” (Mosaea 18:8, 21).

#### FAAMATALAGA

1. Lusi Maki Samita, i *O Afafine i Lo'u Malo: O Le Talafaasolopito ma le Galuega a le Aualofa* (2011), 25.
2. Jeffrey R. Holland, “Sui Vaaia i le Ekalesia,” *Liahona*, Nov. 2016, 62.



#### Mafaufau I le Mea Lenei

I totonu o aiga o tamaitai o loo lua asia, o a ni mea o le a tutupu e tatau ona lua iloina ma manatuaina?

#### Auaunaga

**Nai lo le saunia o se savali faapitoa, o le a folasia atu e lenei itulau se mataupu faavae e ese mai i masina taitasi e fesoasoani ia i tatou ia sili atu ona mataalia le auauna atu i le tasi ma le isi. Ao e tatalo ma saili le uunaiga, o le a e silafia le savali faaleagaga ma le auaunaga e manaomia e uso taitoatasi.**

# TUSIGĀMANATU O LE KONAFESI O OKETOPA 2017

*“O le mea ua fai atu ai A’u o le Alii ua Ou fai atu ai; . . . pe i lo’u lava leo po o i le leo o a’u auauna, ua tutusa lava” (MF&F 1:38).*

*A o e iloiloina le konafesi aoao ia Oketopa 2017, e mafai ona e faaaogaina itulau nei (ma Tusigāmanatu o le Konafesi i lomiga i le tuanai ma le lumanai) e fesoasoani ia te oe e suesue ma faaaoga aoaoga talu ai nei a perofeta ma aposetolo soifua ma isi taitai o le Ekalesia.*



**MATAUPU FAAVAE UA FAAMAMAFAINA**

## O Le Tautoga ma le Feagaiga o le Perisitua

**E**osifeagaiga le tagata e umia le Perisitua Mekisateko e faataunuuna ia tiutetauave e faatatau i le Perisitua Arona ma faalautele lona valaauga i le Perisitua Mekisateko. . . .

“O se taui, ua folafola mai e le Atua o le a maua e lē o umia le Perisitua Mekisateko ia ki e malamalama ai mealilo a le Atua. O le a ia atoatoa ina ia mafai ai ona ia tu i luma o le Atua.

O le a mafai ona ia faataunuuna lana matafaioi i le galuega o le faaolaitaga. O le a saunia e Iesu Keriso le ala e afio muamua atu ai i luma o lē o umia le perisitua ma o le a faatasi ma ia. O le a i ai le Agaga Paia i le loto o lē umia le perisitua ma o le a sapaapaia o ia e agelu. O le a famalosia ma faafouina lona tino. O le a avea o ia ma suli i faamanuiaga

a Aperaamo ma, faatasi ai ma lona faletua, avea ma suli faatasi ma Iesu Keriso i le malo o le Tama Faalelagi. O nei mea o ni ‘folafolaga silisili ese lava ma le aoga’ [2 Peteru 1:4]. E leai ni folafolaga sili atu e mafai ona mafaufauina.”

Elder Dale G. Renlund o le Korama a Aposetolo e Toasefululua, “O Le Perisitua ma le Mana Togiola o le Faaola,” *Liahona*, Nov. 2017, 65–66.



**O LE FAATUATUA E FAATOILALOINA LE FEFE**

“O lea, i le tele o mea ua tatou fausiaina ai le faatuatua ma le lototele

i o tatou loto, ua faaomoeina ai e le Alii le tele o mea mai ia i tatou—faapea ai ma augatupulaga pe a mavae i tatou. E manaomia ona latou malolosi atu ma lotototoa atili ona o le a latou faia ni mea tetele atu ma faigata atu nai lo mea ua tatou faia. Ma o le a latou feagai ma le faateteleina o le tete mai o le fili o o tatou agaga. . . .

“Ou te molimau atu e muamua atu le Alii i o outou luma i soo se taimi lava tou te i ai i Lana feau. O nisi taimi o le a avea ai oe ma le agelu e auina atu e le Alii e sapaapai i luga isi. O nisi taimi o le a avea ai oe ma lē e siosiomia e agelu e sapaapaia i luga oe. Ae o le a e maua pea Lona Agaga e afio i lou loto, e pei ona folafola atu ia te oe i sauniga faamanatuga uma. Pau lava le mea o lou tausii i Ana poloaiga.

“O loo i luma atu aso e sili ona lelei mo le malo o le Atua i le lalolagi. O mea faafeagai o le a faamalosi ai lo tatou faatuatua ia Iesu Keriso, e pei foi ona sa i ai talu mai aso o le Perofeta o Iosefa Samita. E faatoilalo e le faatuatua i taimi uma le fefe. O le tutu faatasi e tupu mai ai le lotogatasi. Ma o au tatalo mo i latou e mafatia e faafogaina ma taliina e se Atua alofa. E le tulemoe o la e le moe lava o la.”

**President Henry B. Eyring, Fesoasoani Muamua i le Au Peresitene Sili, “Aua le Fefe e Fai Mea Lelei,” *Liahona*, Nov. 2017, 103.**



**AUAUNA ATU IA I LATOU O SIOMIAINA I TATOU**

“Ou te talitonu o le toatele o tagata o le ekalesia e mafaufau i le auauna atu o se vaega autu o a latou

feagaiga ma le avea ma soo. Ae ou te manatu foi o nisi taimi e faigofie ai ona misi ni avanoa silisili e auauna atu ai i isi ona o loo faalavelaveina i tatou pe ona o loo tatou vaavaai mo auala maoae e suia ai le lalolagi ma tatou le vaai ai i nisi o manaoga sili ona taua e mafai ona tatou taulimaina o loo i totonu o o tatou lava aiga, i a tatou uo, i a tatou uarota, ma i o tatou nuu. E ootia i tatou pe a tatou vaai i mafatiaga ma le tele o manaoga o i latou o loo mamao mai tatou, ae atonu tatou te toilalo e vaai o loo i ai se tagata o loo manaomia la tatou faauoga o loo nofotonu i o tatou autafa i le vasega. . . .

“. . . Atonu na tuu e le Tama Faalelagi i latou e manaomia i tatou ia sili ona latalata ia i tatou, aua ua silafia e sili ona fetau i tatou mo le taulimaina o o latou manaoga.”

**Bonnie L. Oscarson, Peresitene Aoao o Tamaitai Talavou, “O Manaoga i o Tatou Luma,” *Liahona*, Nov. 2017, 25–26.**



“O le a le taimi ma pe faapefea ona oo mai musumusuga mo se lauga o le konafesi aoao?

“Faatasi ai ma ni autu e lei atofaina, matou te vaaia le tuu-faatasiga matagofie faalelagi o mataupu ma autu o upumoni e faavavau i konafesi taitasi uma.”

**Elder Neil L. Andersen o le Korama a Aposetolo a Toasefululua, “O Le Siufogaga o le Alii,” *Liahona*, Nov. 2017, 123.**



### ATOATOA: O SE MEAALOFA O LE ALOFATUNOA

“Ou te talitonu i le atoatoa [o le Atua], ma ou te iloa o i tatou o Ona atalii ma afafine faaleagaga o loo i ai le gafatia faalelagi e avea ai e faapei o la. Ou te iloa foi, i le avea ai ma fanau a le Atua, e le tatau ona tatou faalumaina ma fai upu malolosi ia i tatou lava, e peisea’i a tatou faasalaina i tatou lava o le a avea ai i tatou ma tagata e finagalo le Atua e avea ai i tatou. Leai! Faatasi ai ma se naunautaiga e salamo ma se mana o le amiotonu faateleina i o tatou loto, ou te faamoemoe o le a tatou sailia le faaleleiga faaletagata lava ia i se ala e le aofia ai le maua ai i le gasegase o le ‘asa po o le le fia tausami, lagonaina o le ātu po o le faaleagaina o lo tatou naunautaiga. . . .

“‘loe, o mai ia ia Keriso, ma faa-atoatoaina ia te ia . . . ,’ o loo aioi mai ai Moronae. ‘Alolofa i le Atua ma o outou manatu atoa, mafaufau, ma le malosi atoa, ona . . . o lona alofa tunoa e mafai ai ona outou atoatoa ia Keriso’ [Moronae 10:32; faapoopo le faamamafa]. Pau le tatou faamoemoga mo le atoatoa moni o le taliaina lea e avea ma se meaalofo mai le lagi. E le mafai ona tatou mauaina. O le mea lea, ua ofo mai ai ia i tatou e le alofa tunoa o Keriso e le gata o le faaolataga mai le faanoanoa ma le agasala ma le oti ae o le faaolataga mai a tatou lava faitioga faifai pea.”

Elder Jeffrey R. Holland o le Korama a Aposetolo e Toasefululua, “Ia Atoatoa Ona Lelei o La Outou Amio-I Le Iuga,” *Liahona*, Nov. 2017, 40, 41.



O TALI MO OE

## E Mafai Faapefea ona Tatou Aumaia le Faaola i o Tatou Olaga?

“O le ‘aai ma feinu i le [faamanatuga] o lona uiga o le tuuese mai o tatou olaga soo se mea e le ogatusa ma se uiga faaKeriso ma avea Ona uiga faaleatua mo i tatou lava. O le faauigaga tele atu lea o le salamo: e le gata i le liliu ese mai agasala ua tuanai ae ‘o se liliu atu o le loto ma le agaga i le Atua’ [Bible Dictionary, “Salamo”] ma agai i luma.”

Elder D. Todd Christofferson o le Korama a Aposetolo e Toasefululua, “O Le Areto Ola Na Alu Ifo Mai le Lagi,” *Liahona*, Nov. 2017, 39.




### LUI O LE TUSI A MAMONA APERILA 2017

Talu mai lava le lu’i a Perisitene Monson [ia suesue ma mafaufau loloto i le Tusi a Mamona], sa ou taumafai lava e mulimuli i lana fautuaga. Faatasi ai ma isi mea, ua ou faia ni lisi o mea e uiga i le Tusi a Mamona, o mea na te faamautuina, o mea na te faamaoniaina le sese, o mea na te faataunuaina, o mea na te faamaninoaina, ma mea na te faaalii mai. O le suesueina o le Tusi a Mamona i lena auala ua avea ma se faatinoga malamalama ma musuia! Ou te fautuaina atu ia te outou taitoatasi. [Tagai i le faaiuga o le saunoaga a Perisitene Nelson mo lisi na ia tuufaatasia.] . . .

“[Maufaufau i fesili nei:] Muamua, faamata e faapei lou olaga e aunoa ma le Tusi a Mamona? Lua, o le a se mea o le a e le iloaina Ma le tolu, o le a se mea o le a e le mauaina? . . .

“Ou te iloa o Perisitene Thomas S. Monson o le perofeta a le Atua i le lalolagi i aso nei. Ou te alofa ia te ia ma lagolagoina o ia ma lo’u loto atoa.”

Perisitene Russell M. Nelson, Perisitene o le Korama a Aposetolo e Toasefululua, “O Le Tusi a Mamona: Faamata e Faape’i Lou Olaga e aunoa ma Ia?” *Liahona*, Nov. 2017, 61, 63.



# O SE FAAMALOLOGA O SE AMATAGA LEA, E LE O SE IUGA

Saunia e Richard M. Romney

Mekasini a le Ekalesia

*Tatou te le laa i luga po o lalo i le Ekalesia. Tatou te agai i luma faatasi.*

Na faamaloloina talu ai nei sau uo o se epikopo o lana uarota. I ni nai aso mulimuli ane, i le iloaina na ou auauna atu foi o se epikopo, na ia fai mai ai e fia talanoa ia te au.

“Pe o se lagona masani le mea o loo ou lagonaina?” na ia fesili mai ai.

“O le a le mea o loo e lagonaina?”

“Tuua toatasi, ou te matea. Sa ou aafia i le tele o olaga o tagata, ao lenei ua faafuasei lava, ua uma. Pe o le a ou toe lagonaina ea le aafia faapea?”

O lana fesili na ou toe mafaufau ai i tua i le taimi o lou lava faamalologa. Ou te manatuaina le mauaina o na lava lagona. Na ou misia le matuai aafia lava i le fesoasoani atu i tagata ia faalatalata atili atu i le Faaola ma lo latou Tama o i le Lagi. Na ou misia le uunaia o i latou e saili ma mulimuli i le uunaiga a le Agaga Paia. O le auauna atu o se epikopo na avea o se faamanuiaga matagofie, ao lenei ua uma.

Ae pe moni ea? Ao alu pea sina taimi itiiti, na ou iloaina o le faamanuiaga o le tuuina atu o le auaunaga e le mou ese lava. O se avanoa e tumau. I le avea ai ma soo o Iesu Keriso, pe tatou te le manatua *pea* o Ia? (Tagai i le MF&F 20:77, 79). Pe tatou te le fesoasoani atu *pea* i isi e faalatalata

atili i le Faaola ma lo latou Tama o i le Lagi? Pe tatou te le fesoasoani atu *pea* i isi, ae maise lava o tatou taitoalua ma aiga, e saili ma mulimuli i uunaiga a le Agaga Paia?

Na ou manatua upu nei mai ia Elder Dallin H. Oaks o le Korama a Apose-tolo e Toasefululua: “tatou te le manatu ai ua ‘itiiti lo tatou taua’ pe a faamaloloina i tatou, ma tatou te le manatu foi ua ‘sili lo tatou taua’ pe a valaauina i tatou. E leai se “valaauga tele pe itiiti” i le galuega a le Alii. E na o le “agai i luma po o le solo i tua,” ma o lenei ese-ese e faalagolago lea i le auala tatou te taliaina ai ma faatinoina ai lo tatou faamalologa ma o tatou valaauga. Sa i ai se taimi na ou pulefaamalumu ai i le faamalologa o se peresitene talavou

o se siteki sa auauna atu ma le lelei tele mo le iva tausaga ma o loo olioli nei i lona faamalologa i le valaauga fou ua faato’a la maua ma lona faletua. Sa valaauina i laua e avea ma taitai o le vasega pepe i le latou uarota. Ua na o le Ekalesia lenei e vaaia ai lenei mea o se faamamaluga tutusa!”<sup>1</sup>

Ao ma talanoa ma lau uo, na ma iloaina uma o le auaunaga e le muta pe a faamalolo mai se valaauga, po o le a lava lenei valaauga. Mo soo o Keriso, e le muta lava le auaunaga. E vave lava ona tatou mauaina se valaauga fou, ma tatou toe amata ai ao tatou agai faatasi i luma. ■

## FAAMATALAGA

1. Dallin H. Oaks, “O Ki ma le Pule o le Perisitia,” *Liahona*, Me 2014, 51.





Saunia e  
Tad R. Callister  
Peresitene Aoao o le  
Aoga Sa

## O A NI MEA E MAFAI ONA OU FAIA INA IA AOAO ATU ATILI E PEI O LE FAAOLA?

**A**o ou auuuna atu o se peresitene o le misiona i Toronto, Kanata, na sau se tasi o ou fesoasoani ia te au ma fesili mai, “Peresitene, e faapefea ona aveva au ma se faifeautalai e sili atu?” O lau tali muamua lava o le, “O loo seki lava oe.” Ma o le mea moni lava, na lelei o ia. Ae na ia fesili mai pea, o lea na ou mafafau ai mo sina taimi ona ofoina atu lea o se fautuaga. Faatasi ma le ataata, na ia tali fiafia mai.

Na ou faasoa atu lenei aafiaga faigofie i isi o au faifeautalai. Na vave lava ona o mai isi alii ma tamaitai faifeautalai ia latou faatalanoaga ma fesili mai, “Peresitene, e faapefea ona aveva au o se faifeautalai sili atu?” O lena fesili faigofie mai se tasi o faifeautalai na aumaia ai se agaga o le faaleleia atili i la matou misiona atoa lava.

I lena lava ala, o le a maua ai e faiaoga ni fautuaga aoga pe afai o le a latou fesili atu ma le faamaoni lenei fesili faigofie i le Alii ma o latou taitai: “O le a se mea e mafai ona ou faia ina ia aoao atili atu ai e pei o le Faaola?” Na folafola mai le Alii, “Ia e loto mauualalo; ma o le a taitai ai oe e le Alii lou Atua i le lima, ma tuu mai ia te oe tali i au tatalo” (MF&F 112:10).

### Manatunatu Loloto

Na fesiligia i se taimi J.B. Priestley, o se tusitala Igilisi, pe na faapefea ona aveva o ia ma se tusitala faamanuiaina ona e leai se tasi o ana uo talenia na faapea le faaeaina. Na ia tali mai, “O le eseesea i lo matou va e le o le mafaia, ae o le mea moni e faapea ao . . . latou . . . na ona taaalo lava i manatu ofoofogia o le [tusitusi], na ou manatunatu loloto!”<sup>1</sup>

I le aveva ai ma ni faiaoga, e mafai ona tatou fesili, “Pe o faamalieina ea i tatou i o tatou tomai faafaiaoga o i ai nei, pe o tatou manatunatu loloto ea e uiga i le aoao atu e pei o le Faaola?” Afai o lea, pe ua tatou naunau ea e tuuese le faamaualuga uma ma ia le gata i le faatali mo faatonuga ae ia faapea foi ona saili atu i ai ma le filiga?

### O Le Lotomauualalo o le Ki Lea

O loo tele a tatou faiaoga e silisili ona lelei i lenei Ekalesia, ae o le mea moni, po o le a lava le tele o tausaga o le poto masani ia i tatou, pe fia foi faailoga ua tatou umia, pe o le a le lelei ona alofagia o i tatou e tagata o le vasega, e mafai ona tatou faaleleia uma lava ma aveva atili e faapei o le

Matai Faiaoga, pe afai tatou te lotomauualalo. Atonu o le faamatalaga lelei o se faiaoga e pei o Keriso o le mafaia lea ona aoaoina. O le lotomauualalo o se uiga lena e valaaulia ai le Agaga ma faafaileleina lo tatou manao ia faaleleia atili.

I nisi taimi, ou te feiloai ai i peresitene o Aoga Sa ua le fiafia ona o se tasi po o le sili atu o faiaoga i la latou uarota po o le paranesi e lagonaina le matuai lelei tele po o le faamanuiaina ua latou le manaomia ai nisi faatonuga pe auai i le aufono a faiaoga. O lenei mea ou te faanoanoa ai aua o faiaoga uma lava na ou feiloai i ai e mafai ona faaleleia atili.

Ou te iloina afai e oo lava i le faiaoga e sili ona lelei o le a sau i le aufono a faiaoga faatasi ma se lotomauualalo ma se manao loloto ia aoao, o lea ituaiga o faiaoga o le a mauaina manatu ma uunaiga paia i le ala e mafai ai ona ia faaleleia atili. Ua ou auai i le tele o aufono a faiaoga ma ou te tuua lava ma ni manatu fou po o se manao ia faaleleia atili i se tomai po o se uiga lena e manaomia le faaleleia ma le faaatoatoaina.

## O le Manaomia ia Atiina Ae Tomai Faafaiaoga

O nisi atonu e masani ona manatu i tomai po o auala faafaiaoga na o ni meafaigaluega e maua vave pe faalelalolagi. E ui i lea, pe a atiina ae, o nei tomai e faatagaina le Agaga e filifili mai avanoa eseese lena e sili ona taliaina manaoga o tagata aoao taitoatasi. O ai e sili ona faamanuiaina, o le tagata e taumafai e tipi i lalo se laau i lana naifi faamoe, po o le tagata lava lea e tasi e faaogaina se ili afi? I tulaga uma ia e lua, o le tagata lava lea e i ai le malosi ma le uiga e tasi, ao le lona lua e matuai sili atu le faamanuiaina aua e i ai sana meafaigaluega e sili atu le aoga na te faaogaina. O tomai

faafaiaoga e avea ma meafaigaluega mamana i aao o le Agaga.

O le aoaoina ma le faataitai, faatinoina, suesue, ma le matauina e mafai ona fesoasoani i se faiaoga o soo se maualuga o le tomai e atiina ae tomai na e mafai ona tuuina mai e le Agaga—ma fesoasoani ia i tatou ia aoao atu atili e pei o le Matai. O le tele o nei tomai e mafai ona atiina ae i aufono a faiaoga.

## E Mafai e le Alii ona Foafoina ma Mamanuina i Tatou

Atonu e lagona e nisi latou te le mafaia lava ona aoao atu e pei o le Faaola—o lena taumafaiga e sili atu i le mea latou te mafaia. Atonu na

manatu Peteru o ia ua na o se fai faiva; o Mataio, ua na o se ao lafoga. Ae peitai faatasi ai ma le fesoasoani a le Faaola, na avea i laua taitoatasi o se taitai ma se faiaoga mamana o le talalelei.

O lenei tomai o le Alii e mamanu ma siepi i tatou e le pei o le aafiaga na maua e Michelangelo i le vaneina o le faatagata ua mafaufauina e le toatele o se galuega sili ona mataina na mamanuina e lima o se tagata—*Tavita*.

A'o lei amataina e Michelangelo le galuega, e toalua isi tagata vane faatagata, o Agostino di Duccio ma Antonio Rossellino, na talosagaina e faamaea ia faatagata. Na tutusa lava faafitauli na la oo i ai: o le maa e na



sa’o le maualuga ma le lautele, ae sa matua taetaei lava le maamora. Sa taumafai uma Agostino di Duccio ma Antonio Rossellino, i o la tomai faatufugaga i lenei maa, ae na le faama-nuiaina. Sa matua tele ni faaletonu.<sup>2</sup> Ma sa iu ina fiu i laua. Na vaaia foi e Michelangelo nei lava le atoatoa, ae na ia vaaia foi i tua atu o na taetaei. Na ia vaaia atu i se faatusa o David o loo ola, o loo manava, ma malualii lena e mafua ai ona masani ona fetoi le manava a tagata e vaaia i ai i le ofo i le vaaiga muamua lava i ai.

I se tulaga faapena, na folafola mai ai e le Atua o le atoatoaga o Lana talalelei o le a "folafola atu . . . e vaivai ma e faatauvaa i tuluiga o le lalolagi" (MF&F 1:23). E silasila le Atua i o tatou le atoatoa ma vaivaiga, ae na silasila foi o Ia i tua atu o na le atoatoa. O loo ia te Ia le gafatia e le gata e fesoasoani ai ia i tatou ia manumalo i o tatou vaivaiga ae ia liliuina foi na vaivaiga i ni malosiaga (tagai i le Eteru

12:26–27). E mafai ona Ia fesoasoani e faaleleia ma faaatoatoa o tatou tomai faafaiaoga ma uiga ina ia mafai ona tatou aoao atu atili e pei o le Faaola.

### O Auala e Mafai ai Ona Tatou Aoao Atu Atili e Pei o le Faaola

O nisi nei o vaega autu atonu o loo tatou tauivi uma ai lava ina ia aoao atu atili e pei o le Faaola:

- **Aoao atu i le Agaga**, i le iloaina e faapea o le Agaga lea e tuuina atu le ola ma le autu i a tatou lesona (tagai i le MF&F 43:15).
- **Tulai atu i le aoaoga faavae**, i le iloaina e faapea o le aoaoga faavae e pei ona aoaoina i tusi-tusiga paia ma perofeta soifua o loo i ai le mana i totonu e suia ai olaga (tagai i le Alema 31:5).
- **Avea ma se tagata aoao nau-nautai**, i le iloaina e faapea o le faiaoga lelei o se tagata aoao lelei foi (tagai i le MF&F 88:118).

- **Saili faaaliga**, i le iloaina e faapea, faatasi ai ma valaauga uma e aoao atu e oo mai ai foi le aia tatau e maua ai faaaliga ia faalautele ai le valaauga o se tasi (tagai i le MF&F 42:61).
- **Faaali atu le alofa** e ala i le iloaina o igoa o tagata uma o le vasega, tatalo mo i latou taitoatasi, ma ia i ai se fiafia patino ia i latou taitoatasi (ae maise lava i latou e i ai manaoga faapitua), ma aapa atu i se auala anoa ia i latou e le auai mai (tagai i le Moronae 7:47-48).

### O Se Iloiloga Patino

Na tuuina mai e le Aposetolo o Paulo leni fautuaga: "Ina tofotofo ia outou ia te outou, po ua outou i le faatuatua" (2 Korinito 13:5). E mafai ona toe faaupuina leni vaega mo faiaoga e faapea, "Iloilo outou ia te outou lava, pe ua outou aoao atu i le ala a le Faaola po o lau lava ala." O le amataga o le tausaga o se taimi talafeagai lea e faia ai lea ituaiga o sutesuega. E faapea lava, ua valaaulia outou e tali i fesili o le iloiloga patino o loo auina atu faatasi ma leni tusiga. Ao e faia, o le a fesoasoani atu le Agaga ia te oe ia iloa le mea e tatau ona e tulai atu i ai ina ia avea o se faiaoga e sili atu le faapei o Keriso, ma le ala e mafai ai ona e mauaina ma atiina ae uiga ma tomai e manaomia e faia ai. ■

#### FAAMATALAGA

1. J. B. Priestley, *Rain Upon Godshill* (1939), 176.
2. Tagai i le "Michelangelo's David," [accademia.org/explore-museum/artworks/michelangelos-david](http://accademia.org/explore-museum/artworks/michelangelos-david).



# Alualu i Luma o se Faiaoga e Pei o Keriso: O Se Iloiloga Faaletagata Lava Ia

Mafaufau i mataupu faavae o le aoao atu ma le lelei o loo i lalo. I eria ia e te lagona e mafai ai ona e tuputupu ae, faaoga le avanoa ua saunia e tusi ai mea e te lagona le uunaia o oe e fai.

1. Ou te auai i fonotaga a le aufono a faiaoga faatasi ma se naunau lotomauualalo ia aoao mai ma ia auai (tagai i le MF&F 112:10).	
2. Ou te faamaumauina uunaiga a le Agaga mai lea taimi i lea taimi e fesoasoani ai ia te au o se tagata aoao ma se faiaoga (tagai i le MF&F 76:28).	
3. Ou te amata ona saunia au lesona e le itiiti ifo ma se vaiaso i luma atu (tagai i le MF&F 88:118–119).	
4. E i ai sau paleni talafeagai o aoaoga faafaiaoga ma talanoaga faalevasega (tagai MF&F 88:122).	
5. Ou te augani atu ma le faatauanau mo le Agaga ina ia mafai ona avea au o se meafaigaluega i aao o le Atua (tagai i le MF&F 42:14).	
6. Ou te faaaluina le taimi e mafaufau loloto ai i le poloka o mau ae lei faitauina le lesona po o anomea i fafo atu ina ia mafai ona ou mauaina le faaaliga e ono mafai ona ou maua (tagai i le MF&F 42:61).	
7. Ou te fesoasoani i tagata o lau vasega, ae maise lava le autalavou, e le gata ina ia aoaoina le talalelei ae ia avea foi ma ni faiaoga lelei ina ia avea i latou ma ni faifeautalai, taitai, faiaoga, ma ni matua e sili atu (tagai i le MF&F 88:77).	
8. Ou te tatalo e ala i igoa mo i latou i lau vasega (tagai i le Luka 22:32).	
9. Ou te aapa atu ia i latou o i la'u vasega o e le auai. (tagai Luka 15:1–7).	
10. O le a le luitau sili o le avea ai ma se faiaoga e pei o Keriso, ma e faapefea ona ou manumalo i lena luitau?	

Mo se iloiloga e sili atu le loloto, tagai i le iloiloga patino i le itulau 37 o le *Aoao Atu i le Ala a le Faola*.

# NA FAAALI MAI E LE ATUA IA TE AU

Saunia e Rachel H. Leatham

O lenei faagasologa fou ua faasusulu mai ai olaga o tamaitai naunautai ma a latou savali, na sii mai le tusi *I le Pulelaa: 185 Tausaga o Aoaoga na saunia e Tamaitai o le Au Paia o Aso e Gata Ai* (2017). O mataupu filifilia e maua i le [churchhistorianspress.org/at-the-pulpit](http://churchhistorianspress.org/at-the-pulpit).

Ou te manatu o au o se tasi o teine e sili ona fiafia i le lalolagi atoa, ma o le talalelei ua mafai ai ona ou maua lenei lagona, aua ou te iloaina e moni le talalelei. Ou te iloaina o le Atua lo tatou Tama, ma Lona Alo, o Iesu Keriso, na affio mai i lalo ma aumai le talalelei ma faatuina ma talanoa atu i le Perofeta o Iosefa Samita. . . .

Ou te lagonaina e faapea afai e mafai ona ou ola pea i le faavavau, e le taitai lava ona lava lau faafetai i lou Tama Faalelagi mo faamanuiaga na sa oo mai i lou olaga, mo le faamanuiaga o le alu atu i le lalolagi ma tuuina atu lenei molimau, ma tau atu ia i latou le talalelei ua toefuataiina, le pule na tuuina mai e Keriso i Ana auauna, ma faamanuiaga ua teuina mo i latou o e faalogo ma usiusitai i upu o le upumoni, le olaga, ma le faaolataga. . . .

O nisi taimi ou te mafaufau ai e faapea o i tatou o tagata talavou i le fale e le iloaina atoatoa tiutetauave o loo i o tatou luga. Tatou te le manatua i taimi uma e faapea o i latou o loo taitaia i tatou ua matutua, ma afai e maliliu o tatou matua, o le a pau mai i o tatou luga le faaauauina o la latou galuega; o i tatou o tagata faatuatuaina

o le lumanai o Siona. Pe o tatou faia ea la tatou vaega, ma pe o tatou saunia i tatou lava ina ia mafai ona tatou faia le galuega na faia e o tatou matua?

. . . Pe mafai ona tatou tau atu i isi folafolaga na tuuina mai e le Atua ia i tatou, pe afai o le a tatou tausia Ana poloaiga? Pe ua tatou masani i le talafaamaumau o tagata anamua o lenei konitineti, le Tusi a Mamona? Ma pe o tatou masani i upumoni sili o loo aoaoina i totonu ma i na tusi na e aoaoina i tatou i le matagofie o le galuega o loo tatou galulue ai nei? Ou te fefe ona e le o lava lo tatou masani lelei i mataupu faavae o le talalelei ma tatou te le o filiga e pei ona tataua ona tatou faia.<sup>1</sup>

O le ua tuuina atu i ai mea e tele, e sueina atu i ai mea e tele; ma tou te iloaina, outou uma taitoatasi, o le a le tele ua tuuina mai ia i tatou, ma o le a le tele o le a sueina mai i o tatou lima [tagai i le Luka 12:48; MF&F 82:3]. Pe ua tatou saunia i tatou lava ina ia tatou le toilalo i le faaauuina o o tatou tiutetauave? Tau ina ia tatou ola i upu uma e tulei mai i le fofoga o le Atua [tagai i le Teuteronome 8:3; Mataio 4:4; MF&F 84:44].



## E FAATATAU IA TUAFAFINE LEATHAM

O Rachel Hannah Leatham (1884–1979) na avea ma tamaitai lona lua na faaafia i le lipoti aloaia o le konafesi o le Ekalesia

ina ua ia talanoa atu i se sauniga faaopoopo i fafo o le konafesi aoao i le aso 5 o Aperila, 1908.

O ia o se tasi o le tupulaga muamua o tamaitai e lei faaipoipo na auauna atu faafaifeautalai i se misi-ona mo le Ekalesia. Ina ua 22 ona tausaga, na tofia o ia e auauna atu i le Misiona a Colorado ia Setema i le 1906.

I lona toe foi atu i le Aai o Sate Lekii i le 1908, na ofo atu ai Sister Leatham e galue fua o se tagata taiala i le Fale mo faamatalaga i le Lotoa o le Malumalu. Na tatala le ofisa i le 1902 faatasi ai ma se faamoemoega e saunia faamatalaga sao ma tufaina atu tusi o le Ekalesia ia i latou o e asiasi atu i le Lotoa o le Malumalu.

I lona vaiata, na faia le konafesi aoao i le Tapeneko i le Lotoa o le Malumalu. A tumu le Tapeneko, e faasino atu tagata e auai mai i sauniga i fafo i le Fale Tele e latalata ane. A tumu le Fale Tele, e faapotopoto tagata i le lotoa i talaane o le Fale mo Faamatalaga, lea e fai ai lotu mo sauniga i fafo o le konafesi.

O lenei savali o se tusiga o le saunoaga na tuuina atu e Sister Leatham i le konafesi aoao i le sauniga i fafo i le aso 5 o Aperila, 1908. Ua faalaugatasia faailoga ma mataitusi tetele.

Tau ina tatou ola ina ia mafai ona Ia naunau pea lava pea ia faia i tatou ma Ana fanau, ma faamanuia mai i tatou, ma alofa ia i tatou.

. . . Ou te toe fia fai atu e faapea ou te iloaina e moni le talalelei. E le faapea ona e iloa e lou tama, e le faapea ona na aoaoina ai pea au e lou tina, ae ou te iloaina e moni le talalelei aua na faaalua mai e le Atua ia te au. Na

molimau mai Lona Agaga i lou agaga [tagai i le Roma 8:16], ma o lena molimau o le meaalofa sili lea ona pele a le Atua mo au.

Tau ina ia faamanuia mai le Atua ia i tatou uma lava, ou te ole atu ai i le suafa o Iesu, amene. ■

*Tusiga mai ia Jennifer Reeder ma Kate Holbrook, eds., At the Pulpit: 185 Years of Discourses by Latter-day Saint Women (2017), 133–35.*

#### FAAMATALAGA

1. O tusi a Sister Leatham i masina taitasi i lana peresitene o le misiona na faaalua ai lona filiga. I le aso 25 o Fepuari, 1907, na ia tusi ai, “Na ou taumafai e faia lou tiute ma ua mauaina le faamalieina sili i au galuega” (Colorado Denver South Mission General Minutes, 166).





# “Pe Se a La Outou Upu ia te Au Po o Ai?”


## O LE MOLIMAU A PETERU IA KERISO

Saunia e Terry B. Ball

Polofesa o mataupu faalelotu, lunivesite o Polika laga

**E**pele le Aposetolo o Peteru i e talitonu—atonu ona e foliga mai o ia o se tagata faamaoni ma e tatou te malamalama gofie i ai. E mafai ona tatou malamalama ia te ia. Tatou te fiafia i lona lototoa ao ia tuua “loa” mea uma, tuua ana upega ao fetalai atu le Matai, “Mulimuli mai ia te au, ou te faia oulua ma fai faiva i tagata” (Mataio 4:18–20). Tatou te malamalama i lona le mautonu i le uiga ma le savali o faataoto (tagai i le Mataio 15:15–16). Tatou te lagonaina le fefe i lana tagi, “Le Alii e, ia e faaola mai ia te au,” ao goto ifo ona vae ma lona faatuatua i vai galua i lona po i le Sami o Kalilaia (Mataio 14:22–33). Tatou te faafetaia lona ofo i le Liua (tagai i le Mataio 17:1–13). Tatou te fetagisi faatasi ma ia ona o le maasiasi i lona faafiti faatolu (tagai i le Mataio 26:69–75), faanoanoa faatasi ma ia i Ketesemane (tagai i le Mataio 26:36–46), ma faatasi ma ia i lona olioli ma le ofo i le tuugamau avanoa (tagai i le Ioane 20:1–10).

Atonu na finagalo le au tusitala o le Talalelei ia tatou faia leni sootaga patino ma Peteru. I a latou tala e foliga mai e tele atu ona aafiaga ma talanoaga ma Iesu na latou faasaoina faapitoa lava nai lo se isi o le au uluai Toasefululua.<sup>1</sup> O le toatele o i tatou e faapea ua tuuina atu le tele o le taulaiga ia Peteru i tusi o le Talalelei aua na avea o ia ma failauga ma taitai i le au Aposetolo. Ae atonu o Mataio, Mareko, Luka, ma Ioane o loo talanoa foi i le tele lava o taimi ma e patino lava le sootaga a Peteru ma Keriso aua latou te faamoemoe e faapea ao tatou oo ina alolofa ma malamalama ia Peteru, o le a sili atu ona tatou saunia ma mafaia ona talia lana molimau faapitoa ia Keriso—o se molimau e foliga mai o ia na saunia lava ma le faaeteete e tuuina atu.



*Ao tatou oo ina alolofa ma malamalama i le Aposetolo o Peteru, o le a sili atu lo tatou saunia ma mafaia ona talia lana molimau faapitoa ia Keriso.*

## Sauniuniga a Peteru

Ao faatasi atu Peteru ia Iesu i Lana galuega talai i le lalolagi, o le mau ma le molimau a Aposetolo e faapea o le Matai o le Mesia e foliga mai na maua mai le malamalama, faatinoga, ma aafiaga faafaaliga na tuuina atu ia te ia. O lona uiga, o lana molimau, e pei [o tatou molimau] i le aso, na oo mai i lona malamalama, ana galuega, ma lona loto.

Na iloa e Peteru o Iesu le Nasareta na sili atu nai lo se tagata noa, aua na ia vaai ia te Ia o faapupula le tauaso, faamama le lepela, faia ia savali le pipili, ma faatu mai le oti (tagai i le Mataio 11:4–5; tagai foi i le Ioane 2:11; 10:25; 20:30–31). O lana faamaoniga tonu lava e faapea o Iesu o le Keriso na faamalasia i mea na ia aoaoina ao ia faatinoina faatonuga a le Matai. Na ia lafo lana upega e pei ona faatonuina e le Faaola ma aoina mai se aofai tele o ia (tagai i le Luka 5:1–9; Ioane 21:5–7). Ina ua fetalai atu le Faaola ia te ia e “sau,” na ia savali i luga o le vai (tagai i le Mataio 14:22–33). Ma ao ia tufa atu ni nai falaoa ma i’a i le motu o tagata e pei ona faatonuina e le Faaola, na tupu le vavega o le faateleina i lalo o ona lava lima (tagai i le Ioane 6:1–14).

O na molimau i lona malamalama ma ona lima atonu na faamalasia ai le molimau sili ona mamana na saunia mo Peteru—le molimau na faaalua i lona loto. Ao fesili atu Iesu i Ona soo, “Pe se a le upu a tagata ia te au le atalii o le tagata po o ai?” na latou toe fai atu faaiuga masani o a latou uo. Ona faapatino atu lea o le fesili a le Faaola, ma fesili atu, “A o outou, pe se a la outou upu ia te au po o ai?” (tagai i le Mataio 16:13–15). E aunoa ma se faatali, na faapea atu Peteru:


“O oe o le Keriso, o le Alo o le Atua soifua.

“Ona tali atu ai lea o Iesu, ua faapea atu ia te ia, Amuia oe Simona Paiona; aua e le se tagata na ia faaali atu ai ia te oe, a o lo’u Tama o i le lagi” (Mataio 16:16–17).

O sauniuniga a Peteru ina ia avea ma se molimau faapitoa o Keriso na aofia ai ni nai aafiaga na e fai a si patino faatasi ma Iesu.<sup>2</sup> O na ituaiga o fautuaga ma faatonuga patino e masani ona oo mai pe a ia alu atu i le Faaola ma ni fesili pe soo se taimi lava na silafia ai e Keriso ua ia manaomia nisi aoaoga.<sup>3</sup>

O Peteru foi atonu o le soo lea na sili ona aoaia i soo uma o Keriso.<sup>4</sup> O le mea mataina, na filifili Peteru ia aua le tiga ae nai lo lena ia faaauiu pea le mulimuli i le Matai, ma faaopoopoina i aso uma i lana molimau ma le aoaoina o Ia.<sup>5</sup>

O le sauniuniga a le fai faiva Kalilaia na faai i mea na ia molimauina i le mavae ai o le Faasatauroga. Ina ua faalogo i le tuugamau avanoa, na nanati atu Peteru e vaai mo ia lava ma na alu ese “ua ofo i le mea ua faia” (Luka 24:1–12; tagai foi i le Ioane 20:1–9). Ua faamaumauina e Luka e faapea i se taimi o lena lava aso, na faaali atu ai le Faaola faalilolilo ia Peteru, e ui e itiiti lava lo tatou iloaia o lena mea na tupu (tagai i le Luka 24:34; 1 Korinito 15:3–7). Mulimuli ane i lena lava afaifi, na faaali atu ai le Alii toetu i Aposetolo ma nisi o soo, ma valaaulia i latou e tagotago i manua o Lona tino. Ona Ia fesoasoani lea i lo latou malamalama i le ala ua faataunuu ai e Lona toetu valoaga o loo tusia i le tulafono a Mose ma tusitusiga paia, o loo faapea mai, “O molimau foi outou o nei mea”



*Na iloa e Peteru o Iesu le Nasareta na sili atu nai lo se tagata noa, aua na ia vaai ia te Ia o faapupula le tauaso, faamama le lepela, faia ia savali le pipili, ma faatuina e ua oti.*

(tagai i le Luka 24:36–48; tagai foi i le Mareko 16:14; Ioane 20:19–23). Na malaga mulimuli ane soo e 11 i Kalilaia, e pei ona faatonuina ai i latou e le Faaola, ma o iina i luga “o le mauga na polai atu ai Iesu ia te i latou,” Na Ia faamautinoa ia i latou, “Ua tuuina mai ia te au le pule uma lava i le lagi ma le lalolagi” (tagai i le Mataio 28:7, 10, 16–20).

I nei mea uma lava, o le malamalama o Peteru, o ana galuega, ma le

loto na aoaoaina atili ai ia avea ma molimau o le Keriso toetu, aua na ia vaai i le Alii toetu i ona lava mata, faalogo ia te Ia i ona lava taliga, tagotago ia te Ia i ona lava lima, ma e mautinoa lava na toe lagonaina le faamaoniga a le Agaga i lona loto.

### O le Naunautai o Peteru

E pei lava ona manaomia le taimi, o le aoao atu, ma le aafiaga mo Peteru na malamalama atoatoa ai i le misiona togiola a le Mesia, ma malamalama ai i lana lava misiona o se molimau faapitoo o Keriso sa o se faagasologa faifailemu.

E foliga mai o le iloaina atoatoa o le mea e manaomia mai ia te ia na oo mai ia Peteru ao aoao atu le Alii ia te ia i matafaga o le Sami o Kalilaia. O le

mauaina o le avanoa e tagotago faalua ai i manua o le Faasatauroga i le tino toetu o le Matai ae masalo o loo mafaufau pea po o le a le lana mea e fai, na faapea atu ai Peteru, “Ou te alu, ou te fagota” (Ioane 21:3). O le taimi lea ua le o i ai Iesu ma i latou, e foliga mai ua fuafua Peteru e toe foi i lona olaga tuai ma galuega o le olaga. Na mulimuli atu ona soo.

I le galulue ai i le po atoa, na leai se ia na latou maua. I le lalata atu i le matafaga, ua mautinoa lava ua lelavava ma lotovaivai, na latou vaaia ai se tasi o tu ai iina o se tasi latou te lei iloaina, ua faatonuina i latou e toe lafo a latou upega. Atonu o le manatuaina o le taimi muamua atu na latou usiusitai ai i se fautuaga e faapea ma maua ai se taunuuga sili atu, na latou usiusitai, i le taimi lea e aunoa ma le finau po o se fesili (tagai i le Luka 5:1–9; Ioane 21:3–6). Ao latou toso mai a latou upega ua toe faatumuina foi i se au ia tele, na fai atu Ioane ia Peteru “O le Alii lea” (Ioane 21:7). O le popole tele e faatali mo le vaa e oo atu ai i le matafaga, “ua oso i le vai” Peteru ina ia oo vave atu i le Matai (Ioane 21:7). Ina ua taunuu mai isi, na latou mauaina se meaai o ia ma falaoa o faatali mo i latou (tagai i le Ioane 21:9).

Ina ua maea le meaai, na liliu atu Iesu ia Peteru ma e mautinoa lava na faasino atu i ia lava ia na filifili Peteru e sailia, ma fesili atu i Lona Aposetolo, “Simona, le atalii o Iona, pe sili mai lou alofa ia te au, i o latou nei?” (Ioane 21:15). E mautinoa lava na mafaufau Peteru e ese lava lenei fesili. Ioe e alofa o ia i le Faaola e sili atu i lo ia—po o le fai faiva. Atonu na i ai sina vaega o le ofo i


**“Simona e, le atalii o Iona, pe sili mai lou alofa ia te au, i o latou nei?”**

lana tali, “Ioe, le Alii e; ua e silafia ou te alofa ia te oe,” lea na tali atu ai Keriso, “Ia e fafaga i au tamai mamoe” (Ioane 21:15). Na toe tuu atu e le Faaola le fesili ia Peteru, ma na toe faaleoina mai e Peteru lona alofa mo Keriso, ma na toe poloai atu Keriso “Ia e leoleo i au mamoe” (Ioane 21:16). Na faanoanoa Peteru ao fesili faatolu atu Iesu mo le soo ina ia faamautinoa lona alofa. E mafai ona tatou lagonaina le tiga ma le agaalofoa i le molimau lona tolu a Peteru, “Le Alii e, ua e silafia mea uma lava, ua e silafia, ua ou alofa lava ia te oe” (Ioane 21:17). Na toe poloai atu foi Iesu, “Ia e fafaga au mamoe” (Ioane 21:17).<sup>6</sup> Afai e alofa moni lava o ia i le Alii, ona le toe avea ai lea o Peteru ma fai faiva, nai lo lena o se leoleo mamoe, e tausia le lafu a le Matai.<sup>7</sup> O faatinoga ma le galuega talai a Peteru mai lena taimi agai i luma na faamaonia ai e faapea na iu lava ina ia malamalama i lana tiute ma le misiona ia avea ma se auauna faapitoa ma se molimau o Keriso.

### Molimau a Peteru

Ina ua mavae lena aso i Kalilaia, na agai atu Peteru i luma e faataunuu lana tiute mai ia Keriso faatasi ma se faatuatua, lototoa, ma le malosi maoae. I le avea ai ma se Aposetolo taitai, na ia laa atu i luma i lona valaauga e pulefaamalumu i le Ekalesia. Ao galue lava i le tele o tiute i lona tofiga, e lei tuua e Peteru lona tiutetauave o le avea i taimi uma ma molimau o Keriso, e aofia ai le motu na faapotopoto i le taimi o le sasaina mai o le Agaga Paia i le aso o le Penetekoso (tagai i le Galuega 2:1–41), i le faapaologa o le malumu o Solomona i le mavae ai o se faamalologa faavavega (tagai i le Galuega 3:6–7, 19–26), ina ua molia o ia ma aumaia i luma o taitai Iutaia (tagai i le Galuega 4:1–31; tagai foi i le Galuega 5:18–20), i lana talaiga i le Au Paia (tagai i le Galuega 15:6–11), ma i ana tusi.

I lana tusi na ia mafaufau ai i lana molimau patino i puapuaga o Keriso ma faaleoina lona faamoemoe ia avea ma se “tofusia faatasi i le manuia o le faaalua mai” (1 Peteru 5:1). I le latalata atu i le faaiuga ua ia faailoa mai ma le mautinoa e faapea o ia foi ua tataua ona “vave . . . tuu ese lenei fale apitaga, faapei ona faailoa mai ia te au e lo tatou Alii o Iesu Keriso” (2 Peteru 1:14).



**Na faataunuu e Peteru lona tiute mai ia Keriso i le faatuatua maoae, e aofia ai le tauina atu i se tagata pipili i le malumu, “I le suafa o Iesu Keriso o le Nasareta ina tu ai ia i luga ina savali.”**

I le faia o lenei tautinoga faanoanoa, atonu na mafaufau Peteru i upu a Iesu na fetalai atu ia te ia i le tele o tausaga na muamua atu i matafaga o Kalilaia. O iina, ina ua uma ona poloaiina Peteru ia fafaga i Ana mamoe, na folafola atu ai e le Faaola, “Ua e fusi oe ina o e taulealea, ma e fealuai i mea na e loto i ai: ae pe a e toeaina, e te faaloaloa ou lima, e fusifusi foi ia te oe e se tasi, e ave foi oe i le mea e te le loto i ai” (Ioane 21:18). E pei ona faamatalaina e Ioane, “Ua fetalai atu [Iesu] lea upu e faailoa atu ai le uiga o lona oti e vivii atu ai o ia i le Atua. Ua ia fetalai atu lea mea, ona faapea atu lea o ia ia [Peteru], Ia e mulimuli mai ia te au” (Ioane 21:19). E mautinoa lava i lona soifua matua ao ia mafaufau i le oti, na mafai ai ona maua e Peteru le filemu ma le olioli i le iloaina e faapea na ia mulimuli moni lava ia Keriso i le olaga ma ua saunia e mulimuli ia te Ia i le oti.

Matou te moomoo lava maimau pe ana faasoina nisi gaoioiga a Peteru ma tusitusiga i le Feagaiga Fou. O mea ua faasoina o se oa taua ma e pele ai ia i tatou

lenei fai faiva faatuatua. O le tala, e itiiti lava e pei ona i ai, ua faaalua ai ia i tatou le ala na saunia ai e Keriso Peteru ma le faaeteete ma patino lava ia avea ma se molimau faapitoa o Ia. Ao tatou faitau i le tala, e mafai ona tatou iloaina lo tatou faatuatua ma le malamalama ia Keriso faatasi ma Peteru. O lena tuputupu ae e mafai ona tuuina mai ia i tatou le faamoemoe ma le vaaiga ia tatou malaga patino i le faatuatua. Ao tatou vaaia mea na faamoemoeina e Keriso ia Peteru ua amata ona manino ia te ia ona vaaia lea o le lototoa ma le nautai lea na ia galue e faataunu ai lana tiute mai le Faaola, e taitaiina i tatou e mafaufau loloto “O le a le mea ua faamoemoe mai ai Keriso ia te au?” ma “Pe o lava au mea o fai?” Ao tatou suesueina le molimau a Peteru ia Keriso, tatou te mauaina i tatou lava ua naunau e toe faaleoina ana upu “Ua matou talitonu ma ua matou iloa o oe o le Keriso, le Alo o le Atua soifua” (Ioane 6:69). ■

#### FAAMATALAGA

1. Ao sili atu ona tusia auiliili le molimau, aafiaga, ma aoaoga a le Aposetolo o Paulo i le Feagaiga Fou nai lo o Peteru, o Paulo e le o se tasi o le uluai Toasefululua ma e le o taua i tusi e fa o le Talalelei.
2. Tagai i le Mataio 17:1–13; 26:36–46, 58; Mareko 13:1–37; Luka 8:49–56; 9:28–36.
3. tagai i le Mataio 17:24–27; 18:2–35; 19:27–20:28; Luka 12:31–49; Ioane 13:6–19.
4. Tagai i le Mataio 14:31; 15:15–16; 26:33–34, 40; Mareko 8:32–33; Ioane 18:10–11.
5. E tusa ai ma Peteru ma aoaiga na ia maua soo mai ia Keriso, na matauina ai e Peresitene Spencer W. Kimball (1895–1985), “Na Ia aoaiina Peteru i nisi o taimi ua na ia alofa ia te ia, ma o Peteru, i le avea ai ma se tagata maoae, na mafai ona ia tuputupu ae mai lenei aoaiga. E i ai se fuaiupu matagofie i le tusi o Faataoto e tatau ona tatou manatuaina uma lava: ‘O le taliga ua faalogo i le aoaiga e ola ai, e mau lea faatasi ma e popoto. O le na te teena mea e aoaoina, e faaleaogaina e ia lona lava ola: ao le faalogo i le aoaiga e maua e ia le pote.’ (Faataoto 15:31–32.) O se taitai pote po o se soo

poto e mafai ona faalogo i le ‘aoaiga o le ola.’ Na mafai e Peteru ona faia o lenei mea aua na ia iloaina e alofa Iesu ia te ia, ma o lea na mafai ai e Iesu ona saunia Peteru mo se tulaga e maualuga lava po o le tiutetauave i le malo” (“Jesus: The Perfect Leader [O Iesu Le Taitai Sili],” *Ensign*, Mati. 1980, 5).

6. O nisi e matauina faapea o le faatagaina o Peteru e faamaonia faatolu lona alofa mo Ia, na tuuina atu ai e Keriso ia Peteru se avanoa e faaleleia ai lana faafiti faatolu i lena po faavauvau o le faamasinoga. Tagai, mo se faaitaiga, James E. Talmage, *Jesus the Christ*, lom. lona 3. (1916), 693; Jeffrey R. Holland, “O Le Poloaiga Muamua ma le Sili,” *Liahona*, Nov. 2012, 83–84. Mo se talanoaga o le faafiti ma lesona ina ia aoaoina mai ai, tagai i le Gordon B. Hinckley, “And Peter Went Out and Wept Bitterly [Na Alu i Fafu Peteru ma Tagi Lotulotu],” *Liahona*, Oke 1979, 65–67; Neal A. Maxwell, “O le Tagata Ua Agaleaogaina E Lona Uso,” *Liahona*, Iulai 1982, 62–67. O isi tusitala, na iloaina le eseese ititi lava i le faaEleni o le tusiga, ua fautua mai e faapea o fesili e tolu na tuuina atu taitasi e aoao ai Peteru i vaega ma tiute eseese o lona valaauga. O lea la, na fesili faalua atu le Faaola ia Peteru “pe e te alofa mai ea ia te au?” e faaoga ai le faaEleni *agapao* mo le alofa, o lona uiga o se ituaiga alofa masani lava pe lelei foi, e masani lava ona faapea o le faaleatua pe le faatuaoina ma o isi taimi e faaliliuina o le “alofa mama” (faaitaiga, 1 Korinito 13:1–4; 2 Peteru 1:7; Faaaliga 2:19). O le taimi lona tolu na fesili ai Iesu ia Peteru, “pe e te alofa mai ea ia te au?” Na Ia faaogaina le upu *phileo* mo le alofa, o lona uiga o le faauo, agaalofa, po o le alofa faaleuso. O le mea malie, i le tali atu i fesili taitasi e tolu, na faamaonia atu ai e Peteru lona alofa i le faaogaina o le *phileo*. I le faamaoniga muamua o le alofa o Peteru, na poloaia ai o ia e Keriso ia “fafaga” mai le faaEleni *bosko*, o lona uiga ia fafaga i le vao mua, fafaga lemu, po o le faafaillele, Ana “tamai mamoe” mai le faaEleni *arnion*, o lona uiga o se mamoe laitiiti po o se mamoe pepe. I le faamaoniga lona lua o le alofa o Peteru, na poloaia ai o ia e Keriso ia “fafaga,” mai le faaEleni *poimaino* o lona uiga ia tausia pe leoleoina, Ana “mamoe,” mai le faaEleni *probaton*, o lona uiga o se mamoe matua. I le tali atu i le faamaoniga lona tolu o le alofa o Peteru mo Keriso, na manaomia lona *faafailleleina* o Ana *mamoe matutua*. O lea la o le tuuina atu faatolu o le fesili i auale e tolu na fesili atu ai le Faaola i le soo pe na i ai ia te ia le alofa mama faapea ma le alofa faaleuso mo Ia, ma i isi Ana poloaiga na sosoo ai, na aoaoina ai e le Faaola Peteru e tatau ona le gata i lona faafailleleina ae ia leoleoina foi mamoe laiti ma matutua o Lana lafu.
7. Mo nisi talanoaga i lenei vaega ma mataupu faavae e mafai ona aoaoina mai ai, tagai i le Robert D. Hales, “Pe A Liua Mai Oe, Ona E Faamalosi Ai Lea i Ou Uso,” *Liahona*, Iulai 1997, 99–102.

*Na mafai ona maua e Peteru le filemu ma le olioli i le iloaina e faapea na ia mulimuli moni lava ia Keriso i le olaga ma na saunia e mulimuli ia te Ia i le oti.*







**Saunia e  
Elder D. Todd  
Christofferson**

O Le Korama  
a Aposetolo e  
Toasefululua

# Saolotoga o Tapuaiga: Maatulimanu o le Filemu

*E mafai ona tatou saili atu i le filemu e ala i le galulue faatasi e faasao ma puipui le saolotoga o tagata uma e faia ma faalia se mataupu faalelotu po o se talitonuga o la latou filifiliga.*

*Na tuuina atu nei saunoaga i le taimi o se konafesi a ekalesia soofaatasi na faia i São Paulo, Pasila, i le aso 29 o April, 2015.*

**O**u te matuai talisapaia lava le valaaulia ia faatasi ai ma outou i lenei afiafi i lenei faatasiga soofatasi a ekalesia, lea e tutu soosootauau ai Masalemi, Iutaia, Evagelia, Mamona, faifeau faaleagaga o le atunuu, tagata e leai ni lotu, ma le toatele o isi faatasi ma taitai o le malo ma pisinisi, ua faatasia e talanoaina ma faamamaluina le saolotoga o tapuaiga. E moni lava, o le faatinoina lava o la tatou fonotaga faatasi i lenei faatulagaga faapitoa o se faailoga maoae i lona lava tulaga.

E faapitoa lava lou fiafia i le i ai iinei i Pasila, o se atunuu e tumu i aganuu ma tagata eseese. E ala i le taliaina o lona tulaga eseese, e aofia ai le tele o lotu, ua faamanuiaina ai Pasila ma o le a faaauau pea ona faamanuiaina. Na faailoaina talu ai nei Pasila o se atunuu e sili ona maualalo tapulaa a le malo i lotu.<sup>1</sup> Ou te faamalo atu ia Pasila mo lenei tulaga tulagaese maoae. Ou te faamalo atu ia Pasila mo lenei tulaga taua. Ua i ai nei ia Pasila se tiutetauave e taitai le uunaiga faalelalolagi ia faauliloa lenei saolotoga. E pei ona fetalai Iesu Keriso i le Feagaiga Fou:

“O outou o le malamalama o le lalolagi outou. E le mafai ona lilo le aai [pe i lenei tulaga, o se atunuu] ua tu i luga o le mauga. . . .

“Ia faapea ona pupula atu lo outou malamalama i luma o tagata, ina ia latou iloa la outou amio lelei, latou te vivii atu ai i lo outou Tama o i le lagi.” (Mataio 5:14–16).

Uo faamamaluina, ua manaomia e le lalolagi le malamalama o Pasila ia faasusulu umi ma pupula. O le po nei tatou te faamanatuina ai le mea e tatau ona tatou i ai i lona vaaiga.

### **Tulaga ma Mataupu Faavae Autu**

O le saolotoga o tapuaiga o le maatulimanu o le filemu i se lalolagi o le tele o manatu eseese. Ua ia tuuina mai ia i tatou le avanoa e filifili ai mo i tatou lava mea tatou te mafaufau ma talitonu i ai—ia mulimuli i le upumoni e faapea e talanoa mai le Atua i o tatou loto. Na te faatagaina talitonuga eseese ia galulue faatasi, puipuia e vaivai, ma fesoasoani ia i tatou ia faaleleia o tatou feeseeseaiga. O lea la, e pei ona faaiuina ma le atamai e le Faamasinoga a Europa o le Aia Tatau a Tagata i le tele o tulaga, o le saolotoga o tapuaiga e taua i tagata e faatuatua ma “o se aseta pele mo e le talitonu i se atua, masalosalo, le mautonu ma e le popole.” E faapea ona. ”o vaega o tagata e eseese talitonu e le mafai ona tuueseese mai se lalolagi faalemalo, lea ua matagofie lava le faamanuiaina i ni seneturi, e faalagolago i ai.”<sup>2</sup>

O se saolotoga faamanuiaina e le na o se mea ua taua e tagata faaupufai o malo o le saolotoga “le lelei” e tatau ona faagaloina, e tusa lava po o le a le taua o i ai. Nai lo lona, o se saolotoga “lelei” e sili atu le faamanuiaina—o le saolotoga e ola ai se tasi i lana lotu po o le talitonuga i se siosiomaga aloaia, faalemalo, ma faalauaitete lona e taliaina, faaalologia, ma e tuufaatasia ai talitonuga eseese.

Tatou te faaogaina la tatou saolotoga o tapuaiga ma talitonuga e faatulaga ai o tatou naunautaga autu, ia e le mafai ona i ai se uiga o isi aia tatau faaletagata uma lava pe a leai. E faapefea ona tatou finauina le saolotoga o le tautala atu e aunoa ma le mafai ona tau atu o mea tatou te talitonu i ai? E faapefea ona tatou finauina le saolotoga o le faapotopotoga sei vagana ua tatou faapotopoto faatasi ma isi o e tutusa o tatou manatu? E faapefea ona tatou finauina le saolotoga o faasalalaua sei vagana ua tatou lolomiina faalauaitete pe faasalalau atu po o ai moni lava i tatou?

O le tala fiafia e faapea ua i ai se alualu i luma maoae i le salalau atu o le saolotoga o tapuaiga. Ua ou vaai i lenei alualu i luma i lou lava taimi o le olaga. O se faataitaga se tasi, i le 1948, ina ua faatoa tolu ou tausaga, na taliaina ai e le Faalapotopotoga Aoa o Malo Afaatasi le Folafofaga

Faalauaitete o Aia Tatau a Tagata, lea na valaau atu ai mo “tagata uma [ia i ai] le aia tatau i le saolotoga o manatu, mafaufauga ma tapuaiga.”<sup>3</sup>

Ina ua 21 ou tausaga, na talanoaina ai se aiaiga ia faatua ma le folafolaga a le Malo Afaatasi. O lona aiaiga—ua lauiloa o le Feagaiga Faavaomalo i Aia Tatau a Tagata Lauaitete ma le Malo—na faamalosia le manatu e faapea o tagata uma e tatau ona maua “le saolotoga e maua ai pe taliaina ai se tapuaiga po o se talitonuga o lana lava filifiliga, ma le saolotoga pe na o ia lava pe faatasi ma isi ma i nofoaga lautele pe faalilolilo, e faaleo atu ai lana tapuaiga po o talitonu i tapuaiga, faamamaluina, faatinoga ma i le aoina atu.”<sup>4</sup> Na faamalosia le aiaiga i le 10 tausaga mulimuli ane, i le 1976.

E oo mai i le 2017, ua 169 atunuu ua au faatasi i le aiaiga—ua toeitiiti lava o atunuu atiina ae uma lava i le lalolagi.<sup>5</sup> O le American Convention on Human Rights (le Pact of San José, Costa Rica), lea na taliaina i le 1969 ma na faamalosia talu mai le 1978, e puipuia le saolotoga o tapuaiga i gagana e toeitiiti lava tutusa.<sup>6</sup>

Na lagolagoina e mafuaaga malolosi le alualu i luma na faia ma e tatau ona uunaia i tatou ia faia ia sili atu i lo lona. O le saolotoga o tapuaiga ua malosi lava le fesootaiga ma se vaega tele o le lelei o tulaga tautupe, soifua maloloina lautele, ma le manuia o tagata lautele.<sup>7</sup> I le tulaga lautele, o tagata o tapuaiga ua sili atu ona lelei olaga faaleaiga, sili atu le malolosi faaipoipoga, faaitiiti tulaga o le sauaina ma solitulafono, ua sili atu le maualuga o tulaga o aoaoga, sili atu le naunau e ofofua atu ma saofaga i galuega alofa, sili atu ona lelei uiga faaalua i galuega, ola umi, sili atu le soifua maloloina, tele atu totogi, ma sili atu le maualuga o tulaga manuia ma le fiafia.<sup>8</sup> E manino lava, o le saolotoga o tapuaiga ma le faatinoina o tapuaiga ua faamalosia ai nuu.

### **O le Manaomia mo le Galulue Faatasi**

Ae paga lea, o puipuia ua ofoina mai i le saolotoga o tapuaiga ma talitonuga e masani ona vaivai, le amanaia, ma osofaia. E taumafai uunaiga malolosi e taofia le saolotoga o tapuaiga e tusa lava pe o loo tuputupu ae—e aofia ai atunuu na sili ona puipuia muamua i le talafaasolopito. O nei uunaiga ua sili atu le malolosi ma ua faamanuiaina i le tele o atunuu. O vaega tetele o le lalolagi o le a le mafai ona mafaufauina le ituaiga o faamamaluga ua tatou olioli ai iinei i Pasila.

E ofoofogia lava, i le 2013, e latalata i le 5.5 piliona o tagata—77 pasene o le faitau aofai o le lalolagi—na nonofo



i atunuu e maualuluga ai pe ua matuai faasaina ai lava le saolotoga o tapuaiga, mai le 68 pasene i le na o le ono tausaga muli-muli ane.<sup>9</sup>


E toetiiti lava o atunuu temokarasi uma i Sisifo ua tautino mai e talitonu i mataupu faavae o le saolotoga o tapuaiga. O le faaao-gaina o le mataupu faavae lea e mafai ona maua ai le feteenai. O mea faalavafau i le solotoga o tapuaiga e masani ona tulai mai pe a ta'u atu pe faia e tagata lotu ma faalapotopotoga se mea—pe mumusu e tau atu pe fai se mea—na e feteenai i manatu po o sini a i latou e maualuluga, e aofia ai le tele o tagata faalemalu. E masani lava ona feteenai tapuaiga ma le aganuu ma o lea e le lauiloa ai. Mo lenei mafuaaga, o le saolotoga o tapuaiga, e tusa lava pe masani ona lagona i mataupu faavae, e masani lava ona teenaina malosi i le faatinoga.

I Europa ma Amerika i Matu, na tulai mai ai ni feteenaiga i ni mataupu e pei o le pe tatau i lotu ona mafai ona filifili po o ai e

faafaigaluega (pe le faafaigaluegaina) o ni o latou faifeau, pe mafai e tagata ona laei ofu lotu po o faatusa i le galuega po o le aoga, pe tatau i pule o le galuega ona totoi mo aiga fuafuaina o tagata faigaluega ma le faapauuina o pepe, pe e tatau ona faamalosi tagata taitoatasi e faia galuega na e le talafeagai ma o latou talitonuga, pe mafai ona teenaina pe faaleaogaina se tusi faamaonia faalegaluega pe faaleiunivesite ona o tulaga faatonuina po o talitonuga ma pe tatau ona manaomia ona taliaina e faalapotopotoga o tamaiti aoga faalotu tamaiti aoga e ese talitonuga.

O Pasila, ma lona tele o tapuaiga, o loo tauivi foi ma tulaga faapena, e pei o pisinisi e tapunia i aso Sa, le faia o ofu faalelotu, ma puipuiga ua ofoina atu i aga faaPasila-Aferika. Matou te faafetai o le tele o nei mataupu ua foia ma manuia ai le tulaga o le saolotoga o tapuaiga. O le fofu vave ma sao o nei mataupu e aofia ai le faatinoina saoloto o talitonuga o tapuaiga o le a taua tele i le faaaloogia faifai pea o Pasila ma le tele

*I le 1948, na taliaina ai e le Faalapotopotoga Aoao a Malo Afaatasi le Folafolaga Faalauaitale o Aia Tatau a Tagata, lea na valaau atu ai mo "tagata uma [ia i ai] le aia tatau i le saolotoga o manatu, mafauaiga ma tapuaiga." Ina ua 21 ou tausaga, na talanoaina ai se aiaiga ia faatumauina le folafolaga a le Malo Afaatasi. E oo mai i le 2017, ua 169 atunuu ua au faatasi i le aiaiga.*



***Ua fiafia lava le Ekalesia a Iesu Keriso o le Au Paia o Aso e Gata Ai e tutu faatasi ma outou ma isi i lenei taumafaiga taua tele. E ui lava matou te vaai i le itu lelei e faapea o a tatou taumafaiga o le a faia se eseese, e tatau ona tatou faia nei taumafaiga faatasi, talu ai e leai se tasi o i tatou e mafai ona manumalo toatasi i lenei taua.***

o ona lotu. E ala i le faatagaina o tagata lotu ma faalapotopotoga e ola i o latou faatuatuaaga i le tulaga lautele e aunoa ma se faitioina, o le a faaauau ai pea e Pasila ona avea ma se faataitaiga susulu ma faamoemoeina o le saolotoga o tapuaiga i le lalolagi.

Ou te uunaia outou ia pipii mau i saolotoga ua outou atiina ae i aiga ma ia taitai ma le lototoa i le siitiaina o le saolotoga o tapuaiga i le tulaga o le lalolagi. O le manaomia ona puipuia ma faasoina le saolotoga o tapuaiga—i se tulaga lelei ma paleni lena e puipuia ai foi aia tatau autu a isi —e taua tele.

O le Ekalesia a Iesu Keriso o le Au Paia o Aso e Gata Ai ua fiafia lava e tutu faatasi ma outou ma isi tagata i lenei taumafaiga taua tele. E ui lava matou te vaai i le itu lelei e faapea o a tatou taumafaiga o le a faia se eseese, e tatau ona tatou faia nei taumafaiga faatasi, talu ai e leai se tasi o i tatou e mafai ona manumalo toatasi i lenei taua. Ou te toe faaleoina le mea na saunoa ai lau uo o Elder Dallin H. Oaks o le Korama e Toasefululua

talua ai nei lava i se faatasiga e tai tutusa lava ma lenei:

“E taua tele ia i tatou na e talitonu i le Atua ma le moni o le sao ma le sese ona sili atu ona lelei le tutu faatasi e puipuia lo tatou saolotoga o tapuaiga e talai atu ai ma faatino lo tatou faatuatua i le Atua ma mataupu faavae o le sao ma le sese ua Ia faatuina. . . . Pau le mea e manaomia mo le lotogatasi ma se faigapaaga lautele i mea o loo ou fautuina atu o se talitonuga masani e faapea e i ai se sao ma se sese i le amio a le tagata lea na faatuina e se Tagata Paia. O i latou uma e talitonu i lena [mataupu faavae] autu e tatau ona sili atu ona lelei le tuufaatasia e faasoina ma faamalosia le saolotoga e lagolagoina ma faatino ai o tatou talitonuga faalelotu, po o le a lava. E tatau ona tatou savavali faatasi mo se ala i le auala lava e tasi ina ia mafai ai ona faasaogalemuina lo tatou saolotoga ia saili ai o tatou ala eseese pe a manaomia e tusa ai ma o tatou lava talitonuga.”<sup>10</sup>

O le a faigata la tatou galuega ma e

manaomia ai le mataala faifai pea, ae o le mea e sili lea ona taua.

Ou te faaiu i se fuaitau mai le Mataupu Faavae ma Fea-gaiga. Na faaali mai lenei fuaitau i le 1835, i se taimi ao, e ui lava i puipuiga o folafolaga aloaia, na tulieseai ai ou tama na muamua atu mai o latou aiga mo le taliaina o mea na foliga mai i isi o ni talitonuga e fou ma e ese. O lea la o se faamanatu faanoanoa mo lo tatou taimi, ae maise lava pe afai o le tele o tapulaa i le saolotoga o tapuaiga i le aso e oo mai foi i atunuu ia na lagolagoina le mataupu faavae ae o nisi taimi e le faaaogaina ai i le faatinoga.

Ua faapea mai la tatou mau, “E leai se malo e mafai ona ola i le filemu, vagana ua faia ma faamalosa ituaiga tula-fono e mautinoa ai le maua e tagata taitoatasi o le faaaogaina o le saoloto o le mafaufau fuatiaifo.” E mafai e malo “ona taofi le solitulafono, ae lē pulea le mafaufau fuatiaifo; e tatau ona [latou] faasala le tausalaaina, ae lē taofia le saoloto o le agaga” (MF&F 134:2,4).

Tau ina ia tatou saili atu i le filemu e ala i le galulue faa-tasi e faasao ma puipua le saolotoga o tagata uma e faia ma faaalai se mataupu faalelotu po o se talitonuga o la latou filifiliga, pe taitoatasi pe faalenuu ma isi, i le fale po o fafo atu, i nofoaga faitele pe le faalauaiteleina, i le tapuaiga, tausia, faaitaia, ma le aoao atu. ■

Mo le anotusi atoa o lenei saunoaga alu i le mormonnewsroom.org.

#### FAAMATALAGA

1. Tagai i le “Brazil Has Lowest Government Restrictions on Religion among 25 Most Populous Countries,” Iulai 22, 2013, [theweeklynnumber.com/weekly-number-blog](http://theweeklynnumber.com/weekly-number-blog); “Restrictions and Hostilities in the Most Populous Countries,” Fep. 26, 2015, [pewforum.org](http://pewforum.org).
2. Kokkinakis v. Greece, 3/1992/348/421 (May 25, 1993), para. 31; Nolan v. K. v. Russia, 2512/04 (Fep. 12, 2009), para. 61; tagai foi i le *Serif v. Greece*, 38178/97 (Tes. 14, 1999), para. 49; European Convention on Human Rights, Article 9.
3. Malo Aufaatasi, Folafolaga Faavaomalo o Aia Tatau, Tusiga 18, aso 10 Tesema, 1948, [un.org/en/documents/udhr](http://un.org/en/documents/udhr).
4. International Covenant on Civil and Political Rights, Article 18, Dec. 16, 1966, [ohchr.org/EN/ProfessionalInterest/Pages/CCPR.aspx](http://ohchr.org/EN/ProfessionalInterest/Pages/CCPR.aspx).
5. Tagai i le International Covenant on Civil and Political Rights; tagai foi i le W. Cole Durham Jr., Matthew K. Richards, ma Donlu D. Thayer, “The Status of and Threats to International Law on Freedom of Religion or Belief,” i le Allen D. Hertzke, lo., *The Future of Religious Freedom: Global Challenges* (2013), 31–66.
6. Tagai i le American Convention on Human Rights “Pact of San José, Costa Rica,” Nov. 22, 1969 (Inter-American Specialized Conference on Human Rights), [oas.org](http://oas.org); tagai foi i le Juan G. Navarro Floria ma Octavio Lo Prete, “Proselitismo y Libertad Religiosa: Una Visión desde América Latina,” i le *Anuario de Derecho Eclesiástico del Estado*, nu. 27 (2011), 59–96.
7. Tagai i le Brian J. Grim, Greg Clark, ma Robert Edward Snyder, “Is Religious Freedom Good for Business?: A Conceptual and Empirical Analysis,” *Interdisciplinary Journal of Research on Religion*, vol. 10 (2014), 4–6; Paul A. Marshall, “The Range of Religious Freedom,” i le Paul A. Marshall, ed., *Religious Freedom in the World* (2008), 1–11.
8. Tagai i le Patrick F. Fagan, “Why Religion Matters Even More: The Impact of Religious Practice on Social Stability,” *Background*, nu. 1992 (Tes. 18, 2006), 1–19; Robert D. Putnam and David E. Campbell, *American Grace: How Religion Divides and Unites Us* (2010), 443–92.
9. Tagai i le “Suiga Aupito Lata Mai i le Faatapulaaina o Tapuaiga ma Tulaga Faatupu Faalavelave,” 26 Fep., 2015, [pewforum.org](http://pewforum.org).
10. Dallin H. Oaks, “Preserving Religious Freedom” (aoaoga i le Chapman University School of Law, Fep. 4, 2011), [mormonnewsroom.org](http://mormonnewsroom.org).

#### MANATU MO AFIIFI FAALEAIGA

Talanoaina le taua o le saolotoga o tapuaiga faatasi ma lou aiga, e aofia ai pe na faapefea e tagatanuu o lou atunuu ona muamua maua le saolotoga e tapuai ai. O a mea na tutupu na taitai atu ai i le saolotoga o tapuaiga i lou atunuu? Atonu e aofia ai le malo, faatuiese, e oo lava i taua. E mafai ona e fatuina ni fesili auiliili e fai atu i lou aiga e fesoasoani ia i latou e aoao ai e uiga i lenei autu i se ala e sili atu le manaia. Ma le isi, mafaufau e talanoaina fesili nei: E faapefea ona avea le saolotoga o tapuaiga o se faamanuiga i o tatou olaga? O le a ese faapefea o tatou olaga pe ana faapea tatou te le saoloto e faatino la tatou tapuaiga? E mafai faapefea ona tatou fesoasoani e siitia le saolotoga o tapuaiga mo i tatou lava ma isi?





Saunia e Elder  
Steven E. Snow

Pulega Aoao o  
Fitugafulu ma le  
Tausi Talafaasolo-  
pito ma le Tusitala-  
faamaumau a le  
Ekalesia

# Au Paia:

## O LE TALA O LE EKALLESIA A IESU KERISO O LE AU PAIA O ASO E GATA AI

I le 1861, na uunaia ai e Peresitene Polika Iaga (1801-77) tausi talafaasolopito o le Ekalesia ina ia suia la latou ala. “Tusi i se auala faamatala,” na ia fautua atu ai ma “tusi na o le tasi vae sefulu lava,”<sup>1</sup>

O le tala i itulau e sosoo ai ua mulimuli i lena fautuaga. Ou te fiafia lava e faailoa atu se faagasologa fou e fa voluma ua taua o le *Au Paia: O Le Tala o le Ekalesia a Iesu Keriso o le Au Paia o Aso e Gata Ai*. Ua aofia ai le Mataupu 1 i lenei lomiga, ma o mataupu e sosoo ai o le a lolomiina i lenei mekasini i isi nai masina e sosoo ai. O le a maua lenei tusi i se taimi mulimuli ane o lenei tausaga, ma o isi voluma o le a mulimuli mai.

Na saunia le *Au Paia* e tali atu i le poloaiga a le Alii ia “tausia e lē aunoa le talafaamaumau ma le talafaasolopito o le ekalesia” (MF&F 47:3). E le pei o talafaasolopito o le Ekalesia talu ai, o se talafaasolopito e faamatalaina pei se tala ua tusia i se ala e manaia lena o le a mauaina e le autalavou ma tagata matutua foi.

E ui i lea, o le *Au Paia*, e le o se talafatu faasolopito. O se tala moni e faalagolago i faamaumauga o tagata mai le taimi ua tuanai. O faamatalaga ma laina uma o talanoaga e lagolagoina e punaoa o le talafaasolopito. O faamatalaga i le faaiuga o mataupu taitasi e faatatau i faamaumauga ma punaoa faaopoopo. O i latou e mananao e faitau i faamaumauga moni lava, malamalama atili i autu fesootai, ma iloaina nisi lava tala o le a mauaina fesootaiga i tua o tusi ma luga o le initoneti i le [aupaiia.lds.org](http://aupaiia.lds.org).

### O Le Ielino Mauoa O Le Toefuataiga

O nei tusi e le o ni tusitusiga paia, ae e pei lava o tusitusiga paia, e aofia ai upumoni mamana ma tala o tagata e le atoatoa o loo taumafai ia avea ma ni Au Paia e ala i le Togiola a Iesu Keriso (tagai i le Mosaea 3:19). I tuufaatasia, e tau mai e voluma e fa le tala e uiga i le

### O lenei ata o Navu o le a faaalii i le faavaa o le Au Paia voluma 1.



Ekalesia a le Alii o loo taumafai e faataunuu lona faamoe-moega o le faaatoatoaina lea o le Au Paia (tagai i le Efeso 4:11-13).

E matuai ese lava se mamanu, sitaili, ma le au faitau faamoemoeina e i ai i Au Paia nai lo talafaasolopito o voluma eseese e lua na lolomiina e le Ekalesia i le taimi ua tuanai. O le talafaasolopito muamua na amata e Iosefa Samita i le 1830 ma lolomiina i le amataga o le 1842.<sup>2</sup> O le [tusi] lona lua na lolomiina i le 1930 e le fesoasoani tausi talafaasolopito o le Ekalesia o B.H. Roberts.<sup>3</sup> O le oo atu o le talalelei toefuataiina i le lalolagi talu mai lena taimi ma le poloaiga a le Alii ia tausia pea le talafaasolopito “mo le lelei o le ekalesia, ma mo tupulaga fai a’e” (MF&F 69:8).

Ua faamatalaina e le *Au Paia* tala o alii ma tamaitai masani mai aso o le popofou o le Ekalesia seia oo mai nei. Ua ia saunia foi se faamatalaga ma se vaaiga fou i ni tagata e sili atu le iloaina ma mea na tutupu mai le talafaasolopito o le Ekalesia. O le a fesoasoani tala taitasi ia te oe e malamalama ai ma faafetaia le Au Paia o e na muamua atu ia te oe ma faia le Ekalesia e pei ona i ai i le aso. E faapei lava o oe, na i ai o latou luitau ma mea na faamanuiaina ai, ma na latou ositaulaga ia faatuina Siona. A lalagaina faatasi, o a latou tala—ma au tala—e fatuina se lipine matagofie o le Toefuataiga.

## O Lo Tatou Tuanai Paia

Ua faamaumauina e le Tusi a Mamona na tausia e tusitala ni papatusi tetele ma laiti. I papatusi tetele na latou faamaumauina ai le talafaasolopito faalemalo ma taua. Na latou faa-aogaina papatusi laiti mo “mea a le Atua” ia na “sili ona pele,” e aofia ai “talaiga ua paia, po o se faaaliga sa taua tele, po o se valoaga,” (1 Nifae 6:3; Iakopo 1:2, 4). Na faamaumauina papatusi laiti “mo Keriso, ma mo le manuia o o matou tagata” (Iakopo1:4). Ua faamoemoeina le *Au Paia* ia avea o se talafaasolopito o “papatusi laiti”, lea e taulai atu i lo tatou tuanai paia. O lea e aofia ai na o se faataitaiga laitiiti o tala uma lava ia e mafai ona faamatalaina e faaaliga ai pe faapefea ona galue le Alii i olaga o le Au Paia o Aso e Gata ai.

O le *Au Paia* e le na ona faatatau i ni tagata le atoatoa i le tuanai ia na avea ma tagata sili atu i le fesoasoani a le Alii. E faatatau foi *mo* tagata e le atoatoa i le taimi nei o e mananao ia manatua pea o Ia. O le a ia fesoasoani ia te oe e manatua ai le alofa mutimutivale tele o le Faaola i Ona tagata, le ala na Ia faia ai tagata vaivai ia malolosi, ma le ala ua faatasia ai le Au Paia i le salafa o le lalolagi ia faalauteleina le galuega a le Alii. ■

### FAAMATALAGA

1. Brigham Young, i le Wilford Woodruff, Journal, Oke. 20, 1861, Church History Library, Aai o Sate Leki.
2. Tagai i le *History of the Church of Jesus Christ of Latter-day Saints*, lo. B. H. Roberts (1902–12 [vol. 1–6], 1932 [vol. 7]).
3. Tagai i le B. H. Roberts, *A Comprehensive History of the Church of Jesus Christ of Latter-day Saints: Century I*, 6 vol. (1930).

## O A ITUAIGA TUSI O LE A MAUA AI LE AU PAIA ?

O voluma e fa o le a lolomiina i gagana e 14 o ni tusi, i le initoneti i le aupaia.lds.org, ma i totonu o le polokalama o le Gospel Library. O le a maua foi i le tusi-faaeletonika ma ituaiga o tusi faalogologo i gagana filifilia.

## O A MEA O LE A MAUA I VOLUMA TAITASI?

- Voluma 1—e maua i se taimi mulimuli ane o lenei tau-saga—ua faamatalaina le tala o le Toefuataiga, mai i le taimi o tamaitiiti Iosefa Samita i le mauaina e le Au Paia o sauniga i le Malumalu o Navu i le 1846.

- Voluma 2 o le a aofia ai luitau o le Au Paia i le faapopotoina i le itu i sisifo o le lunaite Setete ma o le a faaiu i le faapaiaga o le Malumalu o Sate Leki i le 1893.
- Voluma 3 o le a faamatalaina ai le tuputupu ae i le lalolagi o le Ekalesia, ma faaiu i le faapaiaga o le Malumalu o Bern, Suitiselani, i le 1955.
- Voluma 4 o le a aumaia le tagata faitau i le tuanai talu ai nei lava, ina ua faateleina malumalu i le lalolagi.

O le faaopoopoga i anomea auilili i autu filifilia o le a lolomiina i le initoneti e lagolago ai voluma taitasi.





## Mataupu 1

# Ole Atu i le Faatuatua

*O le mataupu 1 lenei o se faamatalaga fou e fa-voluma o le talafaasolopito o le Ekalesia ua faaautuina Au Paia: O Le Tala o le Ekalesia a Iesu Keriso o le Au Paia o Aso e Gata Ai. O le a maua lenei tusi ua lolomiina i gagana e 14, i le vaega o le Talafaasolopito o le Ekalesia o le polokalama o le Gospel Library, ma i le initoneti i le aupaiia.lds.org. O nai isi mataupu e sosoo ai o le a lolomiina i isi lomiga seia oo ina tuuina atu le voluma 1 i se taimi mulimuli aneo lenei tausaga. O na mataupu o le a maua i gagana e 47 i le polokalama o le Gospel Library ma i le aupaiia.lds.org.*

I le 1815, o le motu Initonesia o Sumbawa sa lauusi ma lanulauava i timuga fou. Sa sauniuni aiga mo le vaiatau vevela o i luma atu, e pei ona latou oo i ai i tausaga uma mo augatupulaga, sa totoina araisa i vaito'a i le atalafoia o se maugamu na ta'ua o Tambora.

I le aso 5 o Aperila, i le mavae ai o le tele o tausaga o le filemu, sa amata ai ona gāpāpā mai le mauga, ma pusa mai ai le lefulefu ma le afi. I le faitau selau o maila le mamao, sa faalogo atu ai le au molimau i leo o mea na pei o ni fana fanua. Sa faaauau pea nai gāpāpā laiti mo aso. Ona oo lea i le afi o le aso 10 o Aperila, na pasae ai le mauga atoa. E tolu ni apeafi tetele na pa faatu i le lagi, ma o ifo faatasi ai i se pasae tele se tasi. Sa tafe mai le lava i lalo i le mauga, ma lilofia ai le nuu ma lona laufanua. Sa agi matagi malolosi i lea itulagi, ma tase'i i luga laau ma talepe i lalo fale.<sup>1</sup>

Sa faaauau pea lea vevesi i le po atoa ma oo atu i le aso na sosoo ai. Sa ufitia le laueleele ma le sami i le efuefu, ma faaputuputu ai i ni faaputuga lua futu le maualuluga i nisi o nofoaga. Sa pei le aoauli o le vaeluapo. Sa sua tutu'i atu sami sousou i matafaga, faaleagaina ai meatoto ma lolovaia ai nuu. Mo le tele o vaiaso, sa pa mai ai maa, efuefu ma le afi mai Tambora.<sup>2</sup>

I le aluga o masina na sosoo ai, na aafia ai le kelope atoa i le pa [o le maugamu]. O lagoto mata'ina na maofa

ai tagata i le lalolagi atoa. Ae o lanu manino na le iloa ai aafiaga matautia o le efuefu o le maugamu a o faataaliolilo ai le lalolagi. I le tausaga na sosoo ai, na liua ai le tau i se tulaga le mataumateina ma faataumaioi.<sup>3</sup>

O le pa o le maugamu na mafua ai ona pa'u le vevela i Initia, ma o le kolera na fasiotia ai le faitau afe o tagata, ma faaumatiaina ai aiga. I vanu lauusi o Saina, sa suitulaga ai e matagi aisa o le taumafanafana se tau mālū masani ma faaleagaina e timuga ma lologa ia meatoto. I Europa, sa faaititia sapolai o meaai, ma taitai atu ai i le matelaina ma le atuatuvaile.<sup>4</sup>

I soo se mea, sa saili ai tagata i ni faamalamalamaaga mo mafatiaga ma le oti na mafua mai i tau na tulagaese lava. O tatalo ma pesega mai le aufailotu na lagonaina i malumalu Hindu i Initia. Sa tauivi le autusitala Saina e saili ni tali i a latou fesili e uiga i tiga ma le oti. I Farani ma Peretania, sa faapa'u'u ai tagatanuu i o latou tulivae, ma le matatau i mala matautia na muai valoia mai le Tusi Paia na i ai i o latou luga. I Amerika i Matu, sa tala'i atu e le aufailotu e faapea sa faasalaina e le Atua le au Kerisiano faalogogata, ma latou ta'u soo atu lapataiga ina ia faaosofia ai lagona faalelotu.

I le salafa o le laueleele, sa lolofi atu ai tagata i lotu ma fono tatalo, ma le naunau ia iloa pe faapefea ona laveaiina i latou mai le faafanoga o fougou mai.<sup>5</sup>

O le pa o le maugamu o Tambora sa aafia ai le tau i Amerika i Matu i le tausaga atoa na sosoo ai. Sa maea le tautotogo i le kiona ma aisa na mamate ai meatoto, ma o le 1816 na manatua pea o le tausaga sa leai ai se taumafanafana.<sup>6</sup> I Veromota, i le tulimanu i matusasae o le Iunaite Setete, sa matua le fiafia ai lava se faifaatoaga e igoa ia

Iosefa Samita le matua i mauga papa mo le tele o tausaga. Ae i lena vaitau, a o vaavaai atu o ia ma lona faletua o Lusi Maki Samita i le mamate o a la meatoto i le kiona sa le muta, sa la iloa ai ua la feagai ma se faatamaiaiga tautupe ma se lumanai le mautonu pe afai la te nonofo ai pea iina.

I le fasefulu-lima, sa le i toe talavou ai Iosefa le matua, ma o le faamoemoe e toe tau amata i se laufanua fou sa taufaamatau. Sa ia iloina ona atalii matutua, o Alevine e sefuluvalu tausaga le matua, ma Ailama e sefuluono tausaga le matua, sa mafai ona fesoasoani ia te ia e faamama le fanua, fau se fale, ma toto ma selesele ia meatoto. O lona afafine sefulutolu tausaga le matua, o Sofaronia, sa lava le matua e fesoasoani ai ia Lusi i ana feau i le fale ma talaane o le faatoaga. O ona atalii laiti, o Samuelu e valu tausaga le matua ma Viliamu e lima tausaga le matua, sa fesoasoani tele, faapea ai ma Katerina e tolu tausaga le matua ma le pepe faatoa fanau o Toni Kalosi o le a i ai se aso e lava ai foi le la matutua e fai ai se la sao.

Ae o lona atalii faaogatonu e sefulu tausaga o Iosefa le Itiiti, sa ese ai lava. I le fa tausaga na muamua atu, sa faia ai se taotoga o Iosefa le Itiiti, e aveesea ai se siama i lona vae. Talu mai lena taimi sa ia savali ai i se tootoo. E ui sa amata ona toe lagona le malosi i lona vae, ae sa i ai se ivi tiga o Iosefa le Itiiti, ma sa lei iloa e Iosefa le Matua pe o le a ola ae o ia e malosi e pei o Alevine ma Ailama.<sup>7</sup>

Sa mautinoa lava le faalagolago o le tasi i le isi, sa tonu ai i le au Samita e lafoai lo latou fale i Veromota mo se fanua lelei atu.<sup>8</sup> E pei foi o isi i le eria, sa tonu ia Iosefa le Matua e malaga atu i le setete o Niu Ioka, lea na ia faamoemoe e maua ai se faatoaga lelei e mafai ona latou faatauina faaaitalafu. Ona ia aami lea o Lusi ma le fanau e o atu, ma sa mafai ai e le aiga ona toe amata.

Ina ua tuua ma malaga atu Iosefa le Matua i Niu Ioka, sa latou savavali atu ma Alevine ma Ailama i lalo i le alatele ae latou te le i faamavae. Sa matua alofa faapelepele Iosefa le Matua i lona toalua ma lana fanau, ae sa lei mafai ona ia faamautuina i latou i le olaga. O mea faalelelei ma saofaga lamatia na tumau ai le mativa o le aiga ma leai ai se fale mautu. Atonu o le a ese mai Niu Ioka.<sup>9</sup>

I le taumalulu na sosoo ai, sa faigata ia Iosefa le Itiiti, ma lona tina, uso ma tuafafine ona asaina le kiona. Sa latou agai atu i le itu i sisifo i se nuu i Niu Ioka na taua o

Palamaira, na latalata i le mea na maua ai e Iosefa le Matua se fanua lelei ma sa faatalitali mai ai mo lona aiga.

Talu ai sa lei mafai ona fesoasoani atu lana tane i lo latou masii atu, sa totogi ai e Lusi se tamaloa e igoa ia Mr. Howard e ave lo latou taavale toso. I luga o le auala, sa lei lelei ona taulimaina a latou meatotino e Mr. Howard ma sa taalo faitupe ma inupia i tupe uma na latou totogi ai o ia. Ma ina ua latou malaga faatasi ma se isi aiga na faimalaga atu foi i sisifo, sa tuli ese ai e Mr. Howard ia Iosefa mai le taavale toso ina ia mafai e afafine o le isi aiga ona nonofo faatasi ma ia a o ia aveina i latou.

I le iloina ai le tiga tele o le vae o Iosefa e savali, sa i ai taimi na taumafai ai Alevine ma Ailama e faafetoai ia Mr. Howard. Ae o taimi taitasi sa ia taia ai i laua ma palalasi i lalo i le au o le sasa.<sup>10</sup>

Ana faapea e tino lelei atu Iosefa, semanu na te taumafai foi e faafetoai ia Mr. Howard. O le tiga o lona vae sa le mafai

ai ona ia galue ma taalo, ae o le malosi o lona loto sa faamalosi ai lona tino vai-vai. Ae lei tipiina lona vae e le fomai ma aveese mea sa aafia o le ponaivi, sa latou mananao e nonoa o ia i lalo pe avatu se uisiki na te inuina e faagase ai le tiga. Ae na o le tasi lava le mea na talosagaina e Iosefa ia fusi o ia e lona tama.

Sa ala o ia ma nofouta i le taimi atoa lava, sa sesega ona foliga ma sisina i le afu. O lona tina, sa masani lava ona malosi tele, sa toetiiti lava a matapogia ina ua ia faalogo atu i ana faataiō. Ina ua mavae lena, atonu sa ia lagonaina ua

mafaia ona ia lavātia soo se mea.<sup>11</sup>

A o etuetu atu Iosefa i talaane o le taavaletoso, sa mafai ona ia iloina sa lavatia [e lona tina] tatali faigata o Mr. Howard. Ua lua selau maila ua latou malaga ai, ma ua matua sili atu lona onosai i amioga leaga a le avetaavale.

Pe toe tusa ma le selau maila mai Palamaira, sa saunia ai Lusi mo le isi aso i luga o le alatele ae ia vaaia Alevine o tamoe atu ia te ia. Sa tau'ai e Mr. Howard a latou meatotino ma atopa'u i luga o le auala ma o le a aluese atu ma a latou solofanua ma le taavale toso.

Sa maua atu e Lusi lea tamaloa i totonu o se pa pia. "E pei ona i ai se Atua i le lagi," sa ia tautino atu ai, "o lena taavaletoso ma na solofanua faapea ai ma meatotino o i ai, e ā au ia."

Sa ia fetilofa'i solo i totonu o le pa. Sa tumu i tamaloloa ma fafine, o le toatele o i latou o tagata malaga pei foi o ia.



***O lenei nofoaga autu mo tagata asiati i Sharon, Vermont, ua faailoga ai le nofoaga na fanau ai Iosefa Samita i le aso 23 o Tesema, 1805. O le maa faamanatu i tua atu e 38 ma le afa futu (11.7m) le maualuga mai le faavae, e tasi le futu mo tausaga taitasi o lona soifuaga.***

“O lenei tamaloa,” sa ia fai atu ai, ma pulatoa atu ia i latou, “ua manao e aveese mai ia te au mea uma e faaaauai ai la’u malaga, ma tuua ai a’u ma la’u fanau laiti e tovalu e aunoa ma se mea.”

Sa fai mai Mr. Howard ua uma ona ia faaalaina le tupe na ia totogia i ai e ave ai le taavaletoso, ma ua le mafai ona toe faaaauaina le malaga.

“E leai so’u aoga mo oe,” sa fai atu ai Lusi. “O le a ou aveina e au lava ia ia solofanua.”

Sa ia tuua Mr. Howard i le pa ma tauto ia toe faatasia lana fanau ma lo latou tama, e tusa lava po o le a le mea e oo mai.<sup>12</sup>

O le auala i luma atu sa palapala ma malulu, ae sa taitai e Lusi ma le saogalemu lona aiga i Palamaira. A o ia vaa-vaai atu i le fanau o fusi lo latou tama ma sogi atu i ona foliga, sa ia lagona le tauia o mea uma na latou puapuagatia ai ina ia taunuu ai iina.

Sa lei pine ae lisi loa e le aiga se tamai fale i le taulaga ma talanoaina auala e maua ai se latou lava faatoaga.<sup>13</sup> O le fuafuaga sili lava na latou filifilia, o le galulue lea seia oo ina lava se latou tupe mo se togogi e faamau ai le fanua i se togavao na lata ane. Sa eli e Iosefa le Matua ma atalii matutua ni vaieli, vaevae ia aupu, ma selesese ia vaomago e faatau atu mo se tupe, ae o Lusi ma le fanau teine sa tao ma faatau atu ni pai, vaiinu o le root beer, ma ie teuteu e maua ai ni meaai mo le aiga.<sup>14</sup>

A o faasolo ina matua Iosefa le Itiiti, sa faasolo malosi atili foi lona vae, ma sa faigofie ai ona savali i totonu o Palamaira.

I le taulaga, sa ia fetau ai i tagata mai le salafa o lea itulagi atoa, ma o le toatele o i latou sa liliu atu i tapuaiga e faamalie ai manaoga faaleagaga ma faamatala ia faigata o le olaga. Sa lei auai Iosefa ma lona aiga i se lotu, ae o le toatele o o latou tuaoi sa tapuai i se tasi o falesa maualuga Peresipiteriane, le falelotu Papatiso, le faletele o le lotu Quaker, po o le nofoaga tolauapi sa faia ai fono tatalo a failauga femalagaai a le Metotisi mai lea taimi i lea taimi.<sup>15</sup>

Ina ua sefululua Iosefa, na fesouaia Palamaira i felafolafoaiga faalelotu. E ui sa laitiiti o ia, ae sa ia fiafia e mafaufau loloto e uiga i manatu. Sa ia faalogo i failauga, ma le faamoemoe e aoao atili e uiga i lona agaga ola pea, ae o latou lauga sa tele ina tuua ai o ia ma le le mautonu. Sa latou ta’u atu ia te ia o ia o se tagata agasala i se lalolagi agasala, e aunoa ma se fesoasoani pe a aunoa ma le alofatunoa laveai o Iesu Keriso. Ma e ui sa talitonu Iosefa i le savali ma lagonaina le le fiafia i ana agasala, ae sa ia le mautinoa pe faapefea ona maua le faamagaloga.<sup>16</sup>

Sa ia manatu o le alu i le lotu e mafai ona fesoasoani ia te ia, ae sa le mafai ona mautu lona manatu i se nofoaga e tapuai ai. Sa le mamuta le finau o lotu eseese e uiga i le auala e mafai ona faasaolotoina ai tagata mai le agasala. I le mavae ai ona faalogo atu i nei finauga mo se taimi, sa le fiafia lava Iosefa i le vaai atu i tagata o faitauina le Tusi Paia lava e tasi ae e eseese uma a latou faaiuga i lona faaiuga. Sa ia talitonu o loo i ai lava i se mea le upumoni a le Atua—i se nofoaga—ae sa ia lei iloina pe faapefea ona ia mauaina.<sup>17</sup>

Sa lei mautinoa foi e ona matua. Sa o mai Lusi ma Iosefa le Matua mai ni aiga Kerisiano, ma sa talitonu uma i le Tusi Paia ma Iesu Keriso. Sa auai Lusi i sauniga lotu ma e masani ona ia alu ma ave lana fanau. Sa ia sailia le lotu moni a Iesu Keriso talu mai le maliu o lona uso i le tele o tausaga na muamua atu.

I se tasi taimi, ina ua mavae le ma'i tigaina ai a o lei fanau Iosefa, sa ia popole nei ona maliu a o lei mauaina le upumoni. Sa ia lagonaina se eseesega o le pouliuli ma le tuuatoatasi i le va o ia ma le Faaola, ma sa ia iloaina na te le o saunia mo le isi olaga.

O le taoto ai i le po atoa ma leai se moe, sa ia tatalo i le Atua, folafola atu ia te Ia afai Na te tuu o ia e ola, o le a ia sueina le lotu a Iesu Keriso. A o ia tatalo, sa fetalai mai le siufofoga a le Alii ia te ia, faamautinoa mai ia te ia afai na te sailia, o le a ia mauaina. Sa ia asia le tele o lotu talu mai lona taimi, peitai na te lei mauaina se tasi e moni. Na oo lava ina ia lagonaina e peiseai e le o toe i ai le ekalesia a le Faaola i luga o le lalolagi, ae sa ia saili pea, ma le talitonuga o le alu i le lotu sa sili atu lava nai lo le alu i se lotu.<sup>18</sup>

E pei o lona toalua, sa galala Iosefa le Matua mo le upumoni. Peitai, sa ia lagona o le le auai i se lotu sa sili

atu lona nai lo le auai i le lotu sese. O le mulimuli ai i le fautuaga a lona tama, sa suesue ai e Iosefa le Matua ia tusitusiga paia, tatalo ma le naunautai, ma talitonu ua afio mai Iesu Keriso e laveai le lalolagi.<sup>19</sup> Ae ui i lea na le mafai ona ia faaleleia mea na ia lagona e moni ma feteenaiga ma lagona le lelei sa ia vaaia i lotu na siomiaina o ia. I se tasi po sa ia miti ai e faapea o faifeau fefinau e pei lava o ni povi, e tagiaue a o latou suaina le palapala ma o latou seu, ma faateleina ai lona popole i le laitiiti o le latou malamalama e uiga i le malo o le Atua.<sup>20</sup>

O le vaaia o le le faamalieina o ona matua i lotu i le lotoifale sa avea ma se le mautonu atili ia Iosefa le Itiiti.<sup>21</sup> Sa lamatia lona agaga, ae sa leai se tasi na mafai ona avatu ia te ia ni tali faamalieloto.

Ina ua sefeina a latou tupe mo le silia ma le tausaga, sa lava se tupe i le au Samita e totogi ai le selau eka o le vaomatua i Manchester, i saute o Palamaira. O iina, i le va o galuega i le avea ai ma ni tagata faigaluega totogi, latou te viliina ni pu i laau mapo (maple trees) e ao mai ai le meli suamalie, toto se faatoaga, ma faamama le fanua e toto ai meatoto.<sup>22</sup>

***O lenei fale laau, o loo tu latalata i Palamaira, Niu Ioka, o se fale e tutusa ma le fale o le au Samita na fausia iina ina ua see ese mai Vermont. O le Togavao Paia o loo i tua atu.***



A o ia galueaina le laueleele, sa faaauau pea ona popole Iosefa laitiiti e uiga i ana agasala ma le tulaga o lona agaga. Sa amata ona filemu le faatasiga faalelotu i Palamaira, ae sa faaauau pea ona tauva faifeau mo tagata liliu mai iina ma i le itumalo atoa.<sup>23</sup> I le ao ma le po, sa matamata atu ai Iosefa i le la, masina, ma fetu o taamilo i le lagi i ni faatulagaga ma le mamalu ma sa faamemelo atu i le matagofie o le lalolagi sa tumu i le ola. Sa ia tilotilo atu foi i tagata na siomia ai o ia ma maofa i lo latou malosiaga ma atamai. Sa foliga mai o loo molimau mai mea uma o loo i ai le Atua ma na Ia foafoaina le tagata i Lona lava faatusa. Ae faapefea la ona oo atu Iosefa ia te Ia?<sup>24</sup>

I le taumafanafana o le 1819, ina ua sefulutolu tausaga o Iosefa, sa potopoto ai failauga Metotisi mo se konafesi i ni nai maila mai le faatoaga a Samita ma salalau atu i le salafa o le nuu maotua e faaosofia aiga e pei o le aiga o Iosefa ia agai atu i le liuaina. O le tulaga manuia o nei failauga sa popole ai isi faifeau i lea vaipanoa, ma sa lei pine ae faateleina tauvaga mo tagata liliu i lotu.

Sa auai Iosefa i sauniga, faalogo i lauga faagaetia loto, ma molimauina le alalaga o tagata liliu i le olioli. Sa ia manao e fonō atu ia i latou, peitai na tele ina ona lagona le pei ua ia i ai i le ogatotonu o se tau o upu ma manatu. “O ai o nei vaega uma ua sa’o; pe, ua sese faatasi ea i latou uma?” sa ia fesili ai ia te ia lava. “Afai e i ai se tasi o i latou ua sa’o, o ai lea, ma e faapefea ona ou iloaina?” Sa ia iloaina sa ia manaomia le alofatunua ma le alofa mutimutivale o Keriso, ae i le toatele naua o tagata ma lotu na feteenai i fesili faalelotu, sa ia le iloa ai po o fea e maua ai.<sup>25</sup>

I le faamoemoe ai e mafai ona ia mauaina ni tali—ma le filemu mo lona agaga—sa foliga mai ai ua see ese atu mai ia te ia. Sa ia tuufesili pe mafai faapefea e se tasi ona maua le upumoni i le lotolotoi ai o le vāvāō.<sup>26</sup>

A o auai ai i se lauga, sa faalogo atu Iosefa o sii mai e se faifeau le mataupu muamua o le Iakopo i le Feagaiga Fou. “Ae afai ua leai se potu i so outou,” sa ia fai mai ai, “ina ole atu ia i le Atua, o le foai tele mai i tagata uma, ma le le toe tautaua.”<sup>27</sup>

Sa alu Iosefa i le fale ma faitau le mau i le Tusi Paia. “E leai lava se mau o tusitusiga paia na oo mai i le lotu o se tagata ma le mana tele nai lo o lenei mau i lo’u lotu i lea taimi,” na ia manatuaina mulimuli ane. “Sa foliga ua ulu mai ma se mana tele i lagona uma o lo’u lotu. Sa ou mafaufau ma saga mafaufau pea i ai, i lo’u iloa afai e i ai se tagata ua ia manaomia le potu mai le Atua, o a’u lava.” Sa ia suesue muamua foi i le Tusi Paia ma le manatu o loo i ai uma tali. Ae o lea ua ta’u atu nei e le Tusi Paia ia te ia e mafai ona ia alu atu sa’o i le Atua mo ni tali patino i ana fesili.

Sa tonu ia Iosefa e tatalo. Na te lei tatalo leotele muamua lava, ae na ia faatuatua le folafolaga a le Tusi Paia. “A ia ole atu ma le faatuatua, aua lava le masalosalo,” na aoao mai ai [le mau].<sup>28</sup> O le a faafogaina e le Atua ana fesili—e tusa lava pe tau panupanu. ■

O se lisi atoa o galuega ua taua e maua i le Iglisi i le aupai.lds.org.

O le upu *Autui* faamatalaga ua faaalai ai faamatalaga faaopoopo i le initoneti i le aupai.lds.org.

#### FAAMATALAGA

- Raffles, “Narrative of the Effects of the Eruption,” 4–5, 19, 23–24.
- Raffles, “Narrative of the Effects of the Eruption,” 5, 7–8, 11.
- Wood, *Tambora*, 97.
- Wood, *Tambora*, 78–120; Statham, *Indian Recollections*, 214; Klingaman and Klingaman, *Year without Summer*, 116–18.
- Wood, *Tambora*, 81–109; Klingaman and Klingaman, *Year without Summer*, 76–86, 115–20.
- Klingaman and Klingaman, *Year without Summer*, 48–50, 194–203.
- Joseph Smith History, 1838–56, volume A-1, 131; Lucy Mack Smith, History, 1844–45, book 2, [11]–book 3, [2] **Topic:** Joseph Smith’s Leg Surgery
- Lucy Mack Smith, History, 1844–45, book 3, [3] Stilwell, *Migration from Vermont*, 124–50.
- Lucy Mack Smith, History, 1844–45, book 3, [4] Bushman, *Rough Stone Rolling*, 18–19, 25–28. **Topic:** Joseph Sr. and Lucy Mack Smith Family
- Lucy Mack Smith, History, 1844–45, book 3, [5]; Joseph Smith History, 1838–56, volume A-1, 131–32.
- Lucy Mack Smith, History, 1844–45, book 3, [2], Joseph Smith History, 1838–56, volume A-1, 131.
- Lucy Mack Smith, History, 1844–45, book 3, [5]–[6], Lucy Mack Smith, History, 1845, 67; Joseph Smith History, 1838–56, volume A-1, 132 **Autu:** Lucy Mack Smith
- Lucy Mack Smith, History, 1844–45, book 3, [6]–[7].
- Lucy Mack Smith, History, 1844–45, book 3, [7]; Tucker, *Origin, Rise, and Progress of Mormonism*, 12. **Topic:** Joseph Sr. and Lucy Mack Smith Family
- Cook, *Palmyra and Vicinity*, 247–61. **Topics:** Palmyra and Manchester; Christian Churches in Joseph Smith’s Day
- Joseph Smith History, circa Summer 1832, 1–2, i le *JSP*, H1:11–12.
- Iosefa Samita—Talafaasolopito 1:5–6; Joseph Smith History, 1838–56, volume A-1, [1]–2, in *JSP*, H1:208–10 (draft 2). **Autu:** Religious Beliefs in Joseph Smith’s Day
- Lucy Mack Smith, History, 1844–45, book 2, [1]–[6]; “Records of the Session of the Presbyterian Church in Palmyra,” Mar. 10, 1830.
- Asael Smith to “My Dear Selfs,” Apr. 10, 1799, Asael Smith, Letter and Genealogy Record, 1799, circa 1817–46, Church History Library.
- Lucy Mack Smith, History, 1844–45, miscellany, [5]; Anderson, *Joseph Smith’s New England Heritage*, 161–62.
- Iosefa Samita—Talafaasolopito 1:8–10; Joseph Smith History, 1838–56, volume A-1, 2, in *JSP*, H1:208–10 (draft 2). **Autu:** Religious Beliefs in Joseph Smith’s Day
- Lucy Mack Smith, History, 1844–45, book 3, [8]–[10]; Joseph Smith History, circa Summer 1832, 1, in *JSP*, H1:11. **Autu:** Sacred Grove and Smith Family Farm
- Autu:** Awakenings and Revivals
- Galuega 10:34–35; Joseph Smith History, circa Summer 1832, 2, i le *JSP*, H1:12.
- Neibaur, Journal, May 24, 1844, available at josephsmithpapers.org; Iosefa Samita—Talafaasolopito 1:10; Joseph Smith, “Church History,” *Times and Seasons*, Mar. 1, 1842, 3:706, in *JSP*, H1:494.
- Joseph Smith, Journal, Nov. 9–11, 1835, in *JSP*, J1:87; Iosefa Samita—Talafaasolopito 1:8–9; Joseph Smith History, 1838–56, volume A-1, 2, in *JSP*, H1:210 (draft 2).
- “Wm. B. Smith’s Last Statement,” *Zion’s Ensign*, Jan. 13, 1894, 6; James 1:5.
- Iosefa Samita—Talafaasolopito 1:11–14; Joseph Smith History, 1838–56, volume A-1, 2–3, in *JSP*, H1:210–12 (draft 2); James 1:6.





## O ATA O LE FAATUATUA

*I le ave'a ai ma se vane laau, na tausia e Feinga lona toalua, le la fanau e toatolu, ma le isi toatolu o loo la tausia. Sa le faigofie pea mea uma, ae e ala mai i le faamuamua'ina o le Atua, na lava lava mea e tausia ai i latou.*

**CHRISTINA SMITH, LE PUE ATA**

### Feinga Fanguna

*Tongatapu, Toga*

Ina ua 'faatoa uma ona ma faaipoi-poi ma lou toalua, o Anau, ou te vaneina ni nai mea laiti ma alu atu i le maketi e faatau atu. O nisi aso ou te foi mai ai ma se tupe, o isi aso e leai ai se mea e taulia.

I lou faamanu'ia faapeteriaka, ua folafolaina ai ia te au e faapea o le a faamanu'ia au e le Atua i galuega ou te faia i ou lima ma o le a ou faaogaina lau taleni e fesoaoani ai i tagata. Ua faataunuuina nei folafolaga.

Ua faamanu'ia i matou i le tele o auala. E manatu o matou aiga matou te mauoa. Matou te le mauoa, ae ua matou maua mea uma matou te manaomia aua matou te faamuamua'ina le Atua.

#### **AOAO ATILI**

Tagai mo nisi mea e uiga i le malaga a Feinga o le faatuatua i le [liahona.lds.org](http://liahona.lds.org).

Saili mo nisi tala o le faatuatua i le Media Library i luga o le [LDS.org](http://LDS.org).

Aoao pe faapefea ona e ave'a ma se tasi e sili atu le ola tutoatasi e ala i galuega a le ola tutoatasi a le Ekalesia i le [srs.lds.org](http://srs.lds.org).



**N**a ou tau atu ia te ia e faapea o le mea lea na faatoa tupu e le o se mea na tupu faafuasei aua na ou mauaina se uunaiga.

## NA OU MULIMULI I LE UUNAIGA MUAMUA

I se tasi aso Sa ina ua foi mai i le fale mai le lotu, na toeitiiti uma le aoauli atoa o ou moe.

Na pogisa i le taimi na ou ala ai i luga. Na ou amataina lau fuafuaga faalevaiaso i se tatalo e fesili atu pe faapefea ona sili atu lau auaunaga i le Alii. Na ou lagonaina le uunaiga e alu e asiasi i aiga. Ua ta le 8 i le afaifi, o lea na ou faapea ifo ai ia te au lava o le a ou alu i le aso Lua e sosoo ai, ae na faateleina le malosi o le uunaiga e alu i lena lava po.

Na faamanatu mai ai ia te au le fautuaga na ou faalogo o tuuina mai e Elder Ronald A. Rasband o le Korama Aposetolo e Toasefululua i le nofoaga autu e aoao ai faifeautalai i Lima, Peru, ao ou faiaoga ai iina: “Mulimuli i le uunaiga muamua.” Na vave lava ona ua valaau i lau soa o faiaoga o aiga, ae e lei tali mai o ia. Na ou filifili e alu pea.

Na ou tuua le fale ma vaaia se ositaulaga talavou i lau uarota o savali i lalo o le auala. Na ou agai atu ia te ia ma fesili atu pe mafai ona ia sau ma te o. Sa ioe mai o ia. I le aiga muamua, na tatala mai ai e le uso le faitotoa. Na ou tau atu ia te ia na ou lagonaina lou manaomia ona vaai ia te ia. Na ia ataata mai ma tau mai ia i maua o le a faia sona taotoga i le aso e sosoo ai ma o le a faafetaia se faamanuiaga. Na ou tuuina atu ia te ia se faamanuiaga, ma na ma tuua loa mo le ma asiasiga e sosoo ai.

Na ta le 8:40 i le afaifi ae ma tau-nuu i le fale o le aiga e sosoo ai. Na latou tetei i le vaaia o i maua aua ua fai si tuleva o le afaifi. Na ma ulufale atu i le fale ma iloa ai na mai le tama. Na ou ofo atu e tuuina atu ia te ia se faamanuiaga.

Ao ma foi atu i le fale, na ou faasoa atu i lau soa talavou le Moronae 7:13: “O mea uma e valaau mai ma faatoasina mai ia faia mea lelei, ma alofa i le Atua, ma auauna atu ia te ia, ua musuia e le Atua.”

Na ou tau atu ia te ia e faapea o le mea lea na faatoa tupu e le o se mea na tupu faafuasei aua na ou mauaina se uunaiga. Na ia fai mai e talitonu i ai o ia aua ae ou te lei oo atu ia te ia, na ia tatalo ia iloa pe faapefea ona iloina le Agaga.

Ou te le iloina pe o le uunaiga e alu e asiasi i aiga sa sili atu ona aoga mo au aiga pe mo lenei ositaulaga talavou, ae ou te faafetai na ou faalogo. Ou te iloina o faamanuiaga silisili e oo mai ao tatou mulimuli i le uunaiga muamua a le Agaga. ■  
Kenny Quispitupac, Lima, Peru

## E MANAOMIA E TAGATA UMA SE UO

**N**a ou agai atu i faitotoa o le lotu ma le manatu manino e tasi i lou mafaufau: “Afai ou te le mauaina se uo i le lotu i le aso, ou te le toe sau lava.” Na ou auai i le lotu ma se uo i ni nai taimi muamua, ae o le taimi muamua lenei ua ou auai o se tagata sailiili na o au ma *mo* au lava. Na ou lagonaina lou manaomia ona auai i le Ekalesia, ae na i ai ni nai matau ma ni popolega.

Ina ua ou ulufale atu i le lotu, na faafeiloai au e se talavou matua faatasi ma se ataata lapoa ma se faatalofa agalelei lava. Sa ia faailoa mai o ia o Dane McCartney. Na ou vaai muamua ia Dane, ina ua ia taumafai atu mo le au soka a le kolisi na ou taalo ai foi. Na mou atu lou popole ina ua ia valaaulia au e nofo faatasi ma ia i le taimi o sauniga a le Ekalesia. Sa ia valaaulia foi a’u matou te fai ‘aiga faatasi ma lona aiga mulimuli ane. Ou te lei maua lava se avanoa e lagona ai le tuuatoatasi i lena aso. Na aapa mai Dane ma lona aiga ia te au ma fesoasoani e taliina le tele o au fesili. Sa ou auai i le Ekalesia i ni nai vaiaso mulimuli ane.

Pe ana faapea na ona faauo mai lava o Dane ia te au i lena aso, masalo ou te tuua lava le lotu i le mavae ai o le sauniga faamanatuga ma le toe sau, ma mafaufau e faapea na ou taumafai ae o lena lotu e le mo au. Ao mautinoa lava le taua o le faauo, o le aveva ma se *uo* e aofia ai le sili atu nai lo na ona agalelei. O le alofa ma le lagolago o le au McCartney sa taua i lou liua.

Ua 14 tausaga talu ai. Talu mai lena taimi na ou auauna atu i se misiona faafaifeautalai, faaipoipo

i le malumalu, ma ua faamanuiaina i se fanau aulelei e toalima. Na ou auauna atu foi o se epikopo ma se peresitene o le siteki. Ua ou fefautuaai faatasi ma tagata o e na le toe o mai i le lotu ona sa latou lagonaina le tuuatoatasi ma leai ni uo i le lotu. E nutimomoia lou loto mo i latou. Ou te moomoo maimau pe ana aapa atu

**N**a faaalua e Dane ia te au e faapea o le aveva ma se uo e aofia ai le sili atu nai lo le na ona agalelei.

se tasi ia i latou e pei ona faia e le au McMartney ia te au.

Ou te faafetai i lo’u Tama Faalelagi ona sa faauoina au e Dane i lena aso. Ou te faamoemoe o le a tatou lototetele uma lava e aveva ma ni uo ia i latou o e ua sailiili i le Ekalesia, e fou mai i ai, pe ua toe foi mai i ai. ■

Tim Overton, Arisona, ISA



## O SE FAAMANUIAGA O LE FAAMAFANAFANAGA

I na ua manino lava o lou tama o le a maliu i le kanesa, na fai mai lou tina ma le lotovaivai, “Ou te manatu o le a tatou le mauaina la tatou vavega.” I le taimi lena, na ou lagona ai e faapea o le a maua e lo matou aiga ni vavega, e tusa lava pe afai o le faasaoina o le ola o lou tama e le aofia ai.

Na oo mai se tasi o vavega i se tasi o taeao ina ua fesili mai lau uo o Beth ia te au po o a au fuafuaga mo le aso. Na ou tau atu ia te ia na ou fuafua e faaalu le aoauli e faatasi ai ma lou tama i le falemai, ae na faaletonu lau fuafuaga ona o le tausī tama. Na ofo mai Beth ma le agalelei e vaai lau fanau ina ia mafai ona ou faaaluina se taimi faatasi ma lou tama. Na ia ofo mai foi e aveina atu le meaai o le po mo lou aiga. Sa ou matuai fiafia lava.

Ina ua ou taunuu atu i le falemai, na lei se malosī o lou tama e pupula ai ona mata pe taumafaina se meaai. Ae e lei lava lava ae ona mauaina se faateleina maoae o le malosī. Sa ia matuai mataala lava mo le sili atu ma le tolu itula, ma na ma talanoa ma na oo lava ina savavali faataamilo i le falemai mo ni nai taimi. E lei

ni isi asiasiga na o mai i le taimi lea. Na faamanuiaina au i le mauaina o lenei taimi e faatasi ai na o au lava ma ia.

Na ma talie ma na ma fetagisi faatasi i lena aso. Na faasoa mai e lou tama ia te au ona lagona e uiga i le tuua o lenei olaga i le lalolagi ma le mea e sili ona taua ia te ia—o lana molimau i le talalelei a Iesu Keriso. O lena aoauli o se tasi

o manatuaga e sili ona pele o lo’u olaga. Na ia maliu i le tolu aso mulimuli ane.

Faatoa ou iloaina ina ua mavae se vaiaso o lona falelauasiga e faapea o le taimi mulimuli na ou talanoa ai ma lou tama o le aoauli lea na tausī ai e Beth lau fanau. Faatasi ai ma loimata na tafe ifo i ou foliga, na ou auina atu ai se imeli ia Beth



Na ou ootia i le Nuunaia ai e le Atua o Beth ia avea ma se faamanuiaga na ia tatalo ai ia ou mauaina.

e faafetai atu ai ia te ia mo lana auau-naga ma faamatala atu le taua tele ia te au.

Na tali mai Beth, “E i ai sau moli-mau e faapea e finagalo le Atua e faasafua mai ia i tatou faamanuiaga o le faamafanafanaga ma le alofa tunoa—ae maise lava pe a tatou feagai ai ma se mea faigata. Sa ou tatalo mo le faamafanafanaga mo oe ma lou aiga i lenei taimi.”

Na ou ootia i le uunaia ai e le Atua o Beth ia avea ma se faamanuiaga na ia tatalo ai ia ou mauaina. Ou te iloaina e tuuina mai e le Atua ia i tatou faamanuiaga o le faamafanafanaga i taimi faigata i o tatou olaga. ■

Sarah Bieber, Calgary, Alberta, Kanata



I talaane o au tusitusiga paia na i ai ni igoa se fa na faatoa ou aveina talu ai nei i le malumalu.

## O FEA LAU OA?

I na ua uma ona auina atu lau fanau i le aoga, na amata ona ou mafaufau e uiga i le aso o totoe. Na tele au mea e fai, ae na tataua ona ou faigaluega i le sifi po i le falemai, o lea na le lava ai sou taimi. E mafai ona ou galue i le fanua, galue i se ie soosoo mo le aso fanau o lou tei tama, pe faamalosi tino foi. Ona ou manatuaina lea o se upusii mai ia Peresitene Ezra Taft Benson (1899-1994):

“Pe a tatou faamuamua le Atua, o isi mea uma lava o le a oo atu i o latou tulaga tatau po o le aveese foi mai o tatou olaga” (“O Le Poloaiga Sili—Alofa i le Alii,” *Liahona*, Iulai 1988, 4).

“Tusitusiga paia le tali!” Sa ou mafaufau ai. Na ou saofai i lau kesi

ma faaaauu lau suesuega o tusitusiga paia mai le aso talu ai:

“Aua tou te toloai oa mo outou i le lalolagi, o i ai le mogamoga ma le ele e faaumatia ai, o i ai foi tagata gaoui e eli atu ma gaoui ai:

“A ia outou tolo’ā’i oa mo outou i le lagi.

“Aua o le mea ua i ai lo outou oa, e i ai atoa foi ma o outou loto.” Mataio 6:19-21

“O fea lau oa?” Sa ou mafaufau ai. I talaane o au tusitusiga paia na i ai ni igoa se fa mai le aiga o lou toalua na ou aveina talu ai nei i le malumalu. O matua o lou toalua o tagata muamua ia o o latou aiga na auai i le Ekalesia. Na ou faaalua le lua tausaga talu ai e galue ai i le laina a le tama o lou toalua ua maliu. Na ou filifili e alu i le FamilySearch e vaai pe ua faamaumauina sauniga e faapea ua uma ona fai.

Na vaai atu i faailoga o le malumalu i lana laina. I lou ofo tele, o ni nai igoa na ou saunia mo sauniga o le faamauga e lei faamaumauina faapea ua uma ona fai. Atonu na sese le mea na ou tuua ai kata, ma e lei faia lava faamauga! O le taimi lava na ou lolomiina ai igoa, na oo mai se manatu manino lava i lou mafaufau, “Ua mafai nei loa ona e faataunuu au fuafuaga o le aso.”

Na ou lagonaina le filemu i le iloaina na ou faamuamua le Alii. Na Ia fesoasoani ia te au e faamuamua mea e sili ona taua. O le olioli faatasi ma lou aiga i le faavavau e mautinoa lava o lau oa sili lea. Ou te iloaina afai ou te tuuina faamuamua le Atua, o le a lelei isi mea uma lava mo lou manuia faaleagaga ma mo le manuia o isi. ■

Ashlee Cornell, Okalahoma, ISA

# “O le a la Laveaiina i Tatou”

## Saunia e Reid Tateoka

O le mafuie lea na taia ai Iapani ia Mati o le 2011 na fuaina e 9.0 i le fua o le Richter—o se tasi o mafuie e sili ona malosi i le faamaumauina o le talafaasolopito. I le taimi lena, sa ou auauna atu o se perezitene o le Misiona a Iapani Sendai, le vaega o Iapani e sili ona latalata i le totonugalemu o le mafuie. E sili atu ma le 16,000 tagata na maliliu ma le faitau selau o afe o fale o aiga ma fale na pauu i le mafuie ma le sunami na mulimuli mai ai.

E ui lava i le mala matuia, e lei i ai sa matou faifeautalai e tasi na maliu. I aso ma vaiaso na sosoo ai, na ou vaaia ai ni vavega i olaga o faifeautalai na matou auauna atu faatasi. Ao lei oo mai le mafuie faapea foi ina ua mavae atu, na faatulagaina e se Tama agaalofa se faasologa o mea na tutupu lena o le a faasaoina ai Ana faifeautalai.

## Taitaiina i ni Nofoga Saogalemu

O fonotaga faaletaitai mo le Sone a Koriyama o la matou misiona na masani ona faia i aso Tofi. Ae ui i lea, o le taimi lena, na fuafuaina ai le

fonotaga mo le aso Faraile, 11 o Mati, 2011—le aso o le mafuie. O fonotaga faaletaitai e masani lava ona aofia ai na o taitai sone ma itu. I lenei taimi, na valaaulia uma lava faifeautalai i le sone i le fonotaga faaletaitai. O lona uiga, i le aso o le mafuie, o faifeautalai a Iapani Sendai na sili ona latalata atu i meatau niukilia ia na faaleagaina e le mafuie ma le sunami na mamao ese lava mai o latou fale mautotogi, ma auai atu ma le saogalemu i le fonotaga faaletaitai i le falelotu o Koriyama. Na siitia atu i latou e le Alii i le nofoaga saogalemu.

O faifeautalai i la matou fonotaga faaletaitai e le pau ia o i latou na taitai atu i le saogalemu ao lei tupu le mafuie. Na vave aoao faifeautalai e faalagolago i le Alii ma i uunaiga a le Agaga. Ina ua tupu le mafuie, na leai se taimi e valaau ai taitai mo faatonuga. O isi faifeautalai na faasaoina aua ua uma ona latou mulimuli i le Agaga, lea na taitaiina i latou i nofoaga saogalemu na saunia e le Tama Faalelagi mo i latou.

Ina ua mavae le mafuie, na toatele faifeautalai na agai atu i nofoaga autu mo le sulufaiga. O nisi sone na

**I le totonugalemu  
o le mala  
matautia, na  
tausia ai e le Alii  
Ana faifeautalai.**

vave lava ona see atu i falelotu, lea na itiiti lava le tulaga faaleagaina ma lea na sili atu ona latou lagonaina ai le filemu mai le Agaga Paia. O ni nai faifeautalai na faamanuiaina na tumau pea i o latou fale mautotogi, e aunoa ma se ea mafanafana, vai, eletise, po o meaai. Ae na saogalemu uma lava.

## Taiaina e Poloka o le Auala

I le amataga, i le le iloaina o le faaleagaina o nofoga o meatau niukilia, na



ATA PUE NA SAUNIA E LE TUSTALA MA MICHAEL REMINGTON



ou taumafai ai e auina atu vave faifeautalai o la matou fonotaga faaletaitai i o latou fale maototogi ina ua mavae le mafuie. Ae na poloka e le Alii le ala mo i latou. Na leai ni pasi po o ni nofoaafi na feoai. O lea na faaauau ai e le Tama Faalelagi ona tausia faifeautalai ma le saogalemu i Koriyama.

Na ou mafaufau o le a manaomia au i le fale o le misiona e lata atu i le totonugalemu o le mafuie. Ae peitai ina ua mavae le valu itula o le tietie atu i auala ua faaleaga ma le poloka o taavale, na matou iloaina ai o la matou ala na polokaina foi. Na iloaina mulimuli ane e faapea o le nonofo ai pea i Koriyama, na sili atu ai ona mafai ona fesoasoani i le aveeseina o isi a matou faifeautalai, o se faagasologa lea na saunia atili ai le faamaoniga e faapea na tausia i matou e le Alii.

Ina ua mavae le mafuie na le toe lava le kesi mo tagata uma. O loli

kesi na mafai ona feoai i luga o auala malepelepe na matuai o lemu lava, lea na taunuu i le tolu itula e faatali ai mo le kesi, pe afai e maua se kesi. Ae na saunia e le Alii mea uma mo i matou i ni ala faavavega. Mo se faaitaiga, ao aveeseina atu tamaitai ma alii faifeautalai i le saogalemu i Niigata i le isi itu o le motu, na matou iloaina ai na matou tietie atu i le 18 itula i se tane kesi e tasi, faatasi ma se fua kesi o loo faaalai mai pea le “tumu.” Ao matou tau lalata atu i Niigata, na faafuasei lava ona pau i lalo le fua kesi i le “gaogao.”

### **Malaga Matautia**

O le mea e sili ai, na faaauau pea e le Tama Faalelagi ona taialaina se faatulagaga lelei o le aveeseina i le saogalemu o faifeautalai i le totonugalemu o se mala matautia. O malaga mamao na i ai i se tulaga lamatia. Na faaauau pea ni mafuie mulimuli

ane. Na tapunia femalagaaiga lautele. O sapolai o vai ma le eletise na faaletonu, ma na toeitiiti lava le mafai ona faatau se kesi po o meaa. Na ma malamalama lelei lava ma Sister Tateoka e faapea e na o maua lava tagata e mafai ona oo atu i alii faifeautalai i se eria mauga ma isi alii faifeautalai e tolua i luga o le mauga i le isi itu o le motu. Na tapunia auala televave, o lenei la malaga mulimuli o le a manaomia ai se malaga atu i le lima po o le ono itula i le itu e tasi i luga o le mauga i auala i tua, o le isi lua i le tolu itula i luga o mauga ma agai i lalo i Tsuruoka, ma le isi fa itula e toe foi ai i le saogalemu.

Na ma o ese vave i le taeao o le aso 16 o Mati ma taunuu i le fale maototogi o Elder Ohsugi ma Elder Yuasa i le 5 i le afiafi. Ina ia aumaia alii faifeautalai mulimuli e tolua, na ma manaomia ai le toe malaga i sisifo, i luga o se tumutumu mauga, ma agai

i lalo o le aai o Tsuruoka. Faatasi ai ma le itiiti ifo ma se afa le tane kesi, na ma iloaina e le mafai ona ma toe foi i tua. Ao ma amata ona malaga atu e aumaia alii faifeautalai mulimuli e toalua, na amata ona toulu le kiona. Na vave lava, ona ma iloaina ua ma i ai i totonu o se afa matautia o le kiona, ma o loo malaga i le itiiti ifo ma le 15 maila (24 km) i le itula. Ua le mafai ona ou vaai atu i laina i luga o le auala.

I le 7:30 i le afiafi, ina ua ma taunuu atu i le tumutumu o le mauga, na taofia i maua e leoleo. Na logoina mai au e se leoleo e faapea o se solo tele i le mauga ua poloka ai le auala ma tapunia ai le auala o le mauga. Na ia tau mai ia te au e faapea e le mafai ona ma toe malaga mamao atu; ua tatau ona ma toe liliu ma ui atu i se isi auala agai i le isi itu o le motu faataamilo i le solo. I le lava o se kesi e faataamilo ai i le solo, na foliga mai ua leai se auala ma te mafai ai ona oo atu ia Elder Lay ma Elder Ruefenacht i Tsuruoka.

### Malaga Faavavega

Ma le faanoanoa tele, na ma toe liliu i tua e pei ona faatonuina e le leoleo. Na ou fai atu i alii faifeautalai i le veni e valaau i tagata uma o le Uarota a Yamagata e vaai pe i ai se tasi e mafai ona tuuina mai ia i matou sina kesi. Na taofi le matou taavale ma tatalo faatauana, ma faalagolago atu i le mana uma o le lagi matou te mafaia. Na matou tatalo mo se isi vavega ma toe liliu atu i le Alii.

Na valaau atu faifeautalai i tagata toaaga uma. Ae na leai se tasi na i ai se kesi. Na leai ni kesi i pamu kesi ma na tapunia. Ona uunaia lea o alii faifeautalai e valaau atu i se uo e faaletoaga mai i le lotu, o Brother Tsuchihashi. Na toe tialaina foi mo

se isi taimi lo matou ala e lo tatou Tama Faalelagi. E mafai ona tuuina mai e Brother Tsuchihashi ia i matou le 20 lita (5 kalone) o le kesi. Ae peitai, ina ia feiloai ma lenei uso lelei, e tatau ona matou malaga mo se isi itula i matu, o le isi itu o le nofoaga na matou mananao e o i ai. O le tele o le kesi o le a fesoasoani ae le lava e mafai ai ona matou malaga faataamilo i le solo tele.

Faatasi ai ma le faatuatua, na matou malaga agai i matu, ma le le iloaina lava pe o le a faapefea ona matou aumaia isi alii faifeautalai e toalua. Na matou taunuu manuia atu i le Aai o Shinjo, lea na matou mauaina ai le 20 lita o le kesi. E lei lava, ae matou mauaina loa se valaau mai ia Peresitene Yoshida, lou fesoasoani, lea matuai popole lava i le taimi lea ona matou te lei foi atu lava. Na ia fesili mai po o fea o loo matou i ai, ma ina ua ou tau atu ia te ia o Shinjo, na faateia o ia ona ua matou matuai mamao ese lava mai lo matou ala. Na leai sona malosiaga e mafai ai ona oo mai ia i matou ma fesoasoani ia i matou e toe foi atu.

Ona ia vaai atu lea i lana faafanua, ma i se leo e tau motumotu mai na ia faapea mai lemu, “O loo i ai se auala i le mauga e tau le iloa lena e mafai ona outou o atu ai mai Shinjo i alii faifeautalai i Tsuruoka.” Na saunia e le Alii se auala mo i matou ina ia i ai tonu lava i le nofoaga matou te manaomia ona i ai ina ia tietie faataamilo ai i le solo tele. Na fetau lelei lava le tele o le kesi na tuuina mai ia i matou e faia ai le malaga i le saogalemu faataamilo i le solo tele e aumaia ai alii faifeautalai.

Ina ua ou faafesootaia faifeautalai taitasi i le mavae ai o le mafuie ma iloa ai pe na faapefea ona tialaina i



### O LE A TAITAIA I TATOU E LE AGAGA

E avea ai o se vaega o le fuafuaga paia a le Atua, ua faamanuaina i tatou i le meaalofo o le Agaga Paia. . . . A o tatou tauasaina vasa o le olaga, e taua le mulimuli i uunaiga a le Agaga Paia. O le a fesoasoani le Agaga Paia ia i tatou e taumamao ai mai mea matautia, ma taitai lelei atu ai i tatou e ui atu i luitau.”

Elder Quentin L. Cook o le Korama a Aposetolo e Toasefululua, “To’a le Tai ma Sitaili Faa-Bristol: Ia Agavaa mo le Malumalu—i Taimi Lelei ma Taimi Leaga,” *Liahona*, Nov. 2015, 42.

latou uma lava i nofoaga saogalemu ao lei tupu le mafuie ma le sunami, na ou matuai lagonaina lava le loto faafetai. E toalua faifeautalai, na pui-puia mai le sunami e ala i le feaei atu i luga o se nofoaga autu mo le saogalemu i le fogafale lona fa, na faaalialo la loto faafetai mo le tausia saogalemu i se taimi o le pagatia maoae.

Na la lagonaina na faamatalaina e upu a Helamana lo la tulaga: “Sa oo ina asiasi mai le Alii lo tatou Atua ia i matou ma ni tautinoga o le a ia laveaiina i matou; ioe, sa oo ina ia fetalai mai le filemu i o matou agaga, ma tuu mai ia te i matou le faatuatua tele, ma faatonu i matou ia matou faamoemoe mo le laveaiga mai ia te ia” (Alema 58:11). ■

*E alala le tusitala i Iuta, ISA.*

# O Lau Misiona i totonu o Lou Aiga

Saunia e Andrea Gómez Lagunes

I na ua ou tatalaina lou valaauga o le misiona, na ou tei i le vaai atu, ua tofia au i le Misiona a Mekisiko Veracruz. Na nonofo lo matou aiga i Veracruz ina ua ou fanau mai, ma o le toatele o lou aiga lautele e nonofo iina. E na o matou lava tagata o le Ekalesia i lo matou aiga, o lea na ou fiafia ai i le mafaufau atu i le avanoa e faasoa atu ai le talalelei i ou aiga.

Ae ui i lea, o le taimi na ou i ai iina, ou te lei auuana atu lava i se eria e latalata i ou aiga. Na ou tuuina atu o latou tuatusi i au soa ina ia mafai ona latou asiasi ia i latou.

I le sefululima masina o lou misiona, na amata ai ona i ai ni faafitauli i ou tulivae. Na faateleina le tiga o lou tulivae ma e i ai taimi na le mafai ai ona tatalia le tiga. Ina ua ou alu i le fomai, o lana faaiuga e faapea pau le fofu o le taotoga. O lona uiga o le a ou toe foi vave atu i le fale. Ou te le talitonu ua tupu lenei mea; ua toe tolu ou masina o totoe o lou misiona.

Na ou filifili e liliu atu i le Alii ma ole atu mo le faamafanafanaga ma, afai e mafai, o se vavega. O se tali i lau tatalo,

na ou lagonaina ai le mafanafana i lou lotu. Na faamalosiua mai le faletua o lou peresitene o le misiona ia te au faatasi ma se alofa faatina ia toe foi atu i le fale ia maua le malosi, ma na ou tusi atu i lou aiga e faailoa atu ia i latou e faapea o le a ou alu atu i le fale i le lua vaiaso.

Ina ua maea lena, na faia sou faatalanoaga e le peresitene o le misiona. Na ia tau mai ia te au e faapea na faafesootai atu o ia e lou tina ma tuuina atu ia te ia se isi filifiliga: E mafai ona sau o ia i Veracruz e tausi au i le fale o se fafine ma se tamaloa o lou aiga i le taimi o lou mai, ona o le a ou le toe faia ni gaoioiga faamisiona mo se taimi. Na tau mai e lau peresitene ia te au e faapea atonu e mafai ona ave a se filifiliga lelei ae peitai e tatau ona ia fesili atu mo se faatagaga.

Ina ua ou iloina mulimuli ane e faapea ua tuuina mai le faatagaga, na ou lagonaina lou fatu ua osooso i le fiafia—e mafai ona ou nofo ma faauma lau misiona! Na ou faia se tatalo o le lotu faafetai.

I le aso o le taotoga, na tau mai e lau peresitene o le misiona ia te au,

**Na tumau pea le fesili a lau peresitene o le misiona ia te au—aisea ua faatagaina ai au e le Alii e nofo ma faauma lau misiona?**

“Sister Gómez, e manaomia lou sailia pe aisea ua faataga ai oe e le Alii e nofo i Veracruz.” Mai lena taimi e agai i luma, na ou naunau e saili le mafuaaga.

O lena lava aso, na tau mai ai e lou tina, lea na taunuu mai i Veracruz, ia te au, “O lou Mama Lita (le tina o lo’u tama) o loo sau i le falemai e vaai oe. O se avanoa lelei lenei e fesili ai ia te ia e uiga i ou tuua.”



“Oka se manatu lelei!” Sa ou mafaufau ai. Ua le mafai ona ou faatali e fesili atu i ou aiga e uiga i ou tuua. Na fesili mai Mama Lita ia te au po o le a le uiga o le avea ma faifeautalai. Na ou aoaoina o ia e uiga i le Toefuataiga ona talanoa atu lea ia te ia e uiga i le fuafuaga o le faaolataga, talu ai o lou tama matua—lona toalua—na maluu i ni nai tausaga i tua atu. Ona sau lea o se fesili na ou faamoemoe o le a ia faia mai: “Pe o le a mafai ona ou toe vaai i lau pele?”

O lana fesili na faatumuina ai au i le olioli, ma na ou tali atu, “Ioe, o le a e toe vaai i ai!” Na feemo fiafia ona mata. Na ofoofogia le faasoaa atu o lona upumoni e faavavau ia te ia. Na toe oo mai nisi fesili, e faatatau uma lava i le fuafuaga o le faaolataga. I lou taimi, na ou faia atu ni fesili na ia te au e uiga i lou aiga ina ia mafai ai ona ou faatumuina lau gafa o le aiga. Na ou lagonaina le ala na faia ai e le Agaga o ia ina ia maua se malamalamaaga i le fuafuaga o le faaolataga.

Mulimuli ane, ao ou asiati atu i le isi vaega o lou aiga, na ou talanoa atu i le tina o lou tina, lea na fesoa-soani ia te au e saili isi igoa o le aiga. Na mafai foi ona ou faasoaa atu le talalelei ia i latou uma lava na ma asia.

Na ou iloaina le mafuaaga na faatagaina ai au e le Atua ia muamua alu atu i Veracruz i lau misi-ona ma ona nofo ai lea iina ina ua uma lou taotoga. Na ou foi atu i lau misiona faatasi ma se fiafia tele mo talafaasolopito o aiga. Faafetai i le tausiga agaalofa a lou

tina, na ou mafai ai ona faauma lau misiona. Na maluu le tina o lou tama i se tausaga mulimuli ane, lea na ou faanoanoa ai lava.

I le isi itu, na ou lagonaina le faafetai ma le fiafia ua mafai ona ou faia ana galuega o le malumalu i le tasi le tausaga mulimuli ane. Ina ua papatisoina au mo ia, na le mafai ona ou taofiofia ou loimata o le olioli. O le a iu lava ina mafai ona ia faatasi ma lana pele, lea na ia faaipoipo i ai i le silia ma le 60 tausaga.

E leai sou masalosalo e silafia e le Alii o tatou loto. Na Ia faatagaina au e nofo i Veracruz e aoa lou aiga ma folafola atu le tala fiafia na aumaia e lo tatou Faola, o Iesu Keriso. Ou te iloaina e faapea i se aso o le a ou mafai ai ona toe vaai i ou matua matutua. O la tatou tiutetauave le faia o galuega a o tatou tuua ina ia i ai se aso o le a tau mai ai e le Atua ia i tatou, “Sau ia ia te a’u, oe ua faamanuiaina, ua i ai se nofoaga ua saunia mo oe i maota o lo’u Tamā.” (Enosa 1:27). ■

*E alala le tusitala i Chihuahua, Meksiko.*







**Saunia e Elder  
M. Russell Ballard**

O Le Korama  
a Aposetolo e  
Toasefululua

# O IESU KERISO

## *O La Tatou Punavai o le Filemu*

*O le filemu mo o tatou loto mafatia e faatoa oo mai ao tatou mulimuli i le Malamalama o Keriso.*

I le faaiuga o se aso atoa o le aoao atu ma faatonuga, na fautuaina ai e le Alii Ona soo ina ia latou sopo atu i le isi itu o le Sami o Kalilaia.

Ao latou malaga atu i lena po, “na to mai lea o le afa, o le matagi tele lava, ona fati mai ai lea o peau i totonu o le vaa, ua tumu ai.

“Ao ia sa i le taumuli, ua tofa ai i le aluga: ona latou fafagu lea ia te ia, ma fai mai ia te ia, Le Aoao e, e te le manatu mai ea ia te i matou a fano?

“Ona tulai lea o ia, ua na vavao atu i le matagi, ua fetalai atu foi i le vai,

Faalologo ia, ina malu ia. Ona mate lea o le matagi, i le ua matua malu” (Mareko 4:37–39).

Pe mafai ona e vaai faalemafaufau i mafaufauga o Aposetolo ao latou vaai atu i elemene uma—le matagi, le timu, ma le sami—ua usiusitai i le poloaiga filemu a le Matai? E ui lava faatoa uma ona valaaulia talu ai i latou i le tofi aposetolo paia, na latou iloaia o Ia ma na latou alolofa ia te Ia ma talitonu ia te Ia. Na latou tuua la latou galuega ma o latou aiga ina ia mulimuli ia te Ia. I se taimi puupuu lava, na latou faalogo ai ia te Ia o aoao mai ni mea faigata, ma na latou vaai ia te Ia o faia ni vavega ofoofogia. Ae o lenei mea

**O LE FILEMU E FAAVAVAU  
UA FOLAFOLA MAI E IESU  
O SE FILEMU O LE LOTO, E  
FANAU MAI I LE FAATUATUA,  
FAATUMAUINA E LE MOLIMAU,  
MA FAAFAILELEINA I LE ALOFA.**

na sili atu i lo latou malamalama, ma atonu na faaalua i o latou foliga vaaia.

“Ona fetalai atu lea o Ia ia te i latou, Se a le mea tou te fefefe ai faapea? Se a le mea tou te le faatuatua mai ai?

“Ona matua matatau lava lea o i latou, ma fetautalatalaai i latou, Po o ai lava lenei, ina ua faalogo lava le matagi ma le vai ia te ia?” (Mareko 4:40–41).

I taimi o le le mautonu ma o nisi taimi e taufaafefe, o le folafolaga a le Faaola i le filemu e le iu ma e faavavau e mafai ai e i tatou ona mauaina le mana faapitoa, e pei lava o Lona mafaia ona faafilemuina peau malolosi atonu na matuai aafia ai lava i latou na faatasi ma Ia i le Sami o Kalilaia i lena po afa ua leva.


**Mauaina o le Filemu i le Loto**

E pei o i latou na soifua i le taimi o Lana galuega talai i le lalolagi, e i ai nisi o faatasi ma i tatou o e vaai mo le filemu ma le manuia faaletino o ni faailoga o le mana faavavega o le Faaola. O nisi taimi tatou te le mala-


malama ai e faapea o le filemu e faavavau ua folafola mai e Iesu o se filemu o le loto, e fanau mai i le faatuatua, e faatumauina e le molimau, e faafaileleina i le alofa, ma faaalua e ala mai i le usiusitai ma le salamo faaaauu pea. O se filemu o le agaga

lea e atagia mai i le loto ma le agaga. Afai e iloaina moni lava e se tasi ma lagonaina lenei filemu i le loto, e leai se fefe mai le lalolagi le mautonu pe fefinauai. E iloaina e se tasi i totonu lava o le loto o le a lelei mea uma e tusa ai ma mea e taua moni lava.

E leai se filemu i le agasala. Atonu e i ai le lagona lelei, tautaua, lauiloa, ma e oo lava i le mauoa, ae e leai se



filemu. “E lei avea lava le amioleaga ma fiafia” (Alema 41:10). E le mafai e se tasi ona maua le filemu pe afai o loo ola i se olaga e le ogatusa ma upumoni faaalua. E leai se filemu i le agaleaga po o le fefinauai. E leai se filemu i le le mafaufau, ola le mama, po o le taliaina o amioaga le talafeagai. E leai se filemu i le mausa o fualaau faasaina, meainu malolosi, po o ponokalafi. E leai se filemu i le faasaua i isi i soo se auala, pe faalelagona, faaletino, pe faalefeusuaiga, aua o i latou e sauaina o le a tumau i le faaletono i le mafaufau ma le agaga seia latou o mai ia Keriso i le lotomaualalo uma ma saili le faamagaloga e ala i le salamo atoatoa.



**E LEAI SE FILEMU I LE AGASALA. ATONU E I AI LE LAGONA LELEI, TAUTAU, LAUILOA, MA E OO LAVA I LE MAUOA, AE E LEAI SE FILEMU. “E LEI AVEA LAVA LE AMIOLEAGA MA FIAFIA” (ALEMA 41:10).**

le Alii o Iesu Keriso lenei folafolaga matagofie i Ona Aposetolo: “Ou te tuuina atu ia te outou le manuia, o lou manuia ou te avatu ai ia te outou” (Ioane 14:27).

Pe na Ia folafola atu i Ona soo pele le ituaiga filemu e masani ai le lalolagi—o le saogalemu, pui-puiga, e aunoa ma le feteenai po o le fefinau? E mautinoa lava o faa-maumauga o le talafaasolopito o le a fautuaina se isi vaega. O na uluai Aposetolo na iloaina le tele o le fai-gata ma le sauaina i le taimi o totoe o o latou olaga, atonu o le ala lea na faaopoopo atu ai e le Alii lenei vaaiga i Lana folafolaga: “Ou te le avatu ia te outou, faapei ona avatu e le lalolagi. Aua le atuatuvaale o outou loto, aua foi tou te matatau” (Ioane 14:27).

“Ua Ou fai atu nei mea ia te outou, ina ia outou maua le manuia ia te *au*;

na Ia faaaauai ai. “E maua foi outou e le puapuaga i le lalolagi: a ia outou loto tetele; ua ou manumalo i le lalolagi” (Ioane 16:33); faaopoopo le faamamafa).

O le filemu—filemu moni, le agaga atoa i le totonugalemu o lou tagata—e faatoa oo mai e ala mai i le faatuatua i le Alii o Iesu Keriso. Pe a mauaina lena upumoni pele ma malamalama i mataupu faavae o le talalelei ma faaaogaina, e mafai ona faamamaina le filemu sili i totonu o loto ma agaga o fanau a lo tatou lo tatou Tama Faalelagi. Na fetalai mai le Faaola e ala mai ia Iosefa Samita, “Aoa mai ia te a’u, ma faalogo mai i a’u upu; savali i le agamalu o lo’u Agaga, ma o le a e maua ai le filemu ia te a’u” (MF&F 19:23).

Ou te faafetai ua mafai ona ou molimau atu ia te outou e faapea o Iesu o le Keriso, le Alo o le Atua. E ala i le mulimuli ia te Ia, i le faatuatua ma le talitonuina, e mafai ai e tagata uma ona maua le filemu matagofie i le loto ua ofoina mai e le talalelei ia i tatou. ■

*Mai se saunoaga i le konafesi aoao ia Aperila 2002.*

I se tasi taimi po o se isi foi ou te talitonu o tagata uma lava e faananau atu mo “le manuia foi mai le Atua, o loo silisili lava i mea uma e manatu i ai” (Filipi 4:7). O lena filemu mo o tatou loto mafatia faatoa oo mai ia i tatou ao tatou mulimuli i le Malamalama o Keriso, lea e “tuuina mai i tagata taitoatasi, ina ia mafai ona iloa e ia le lelei mai le leaga;” (Moronae 7:16), ao ia taitaiina i tatou ia salamo i agasala ma saili le faamagaloga.

### **“Ou Te Tuuina Atu Ia Te Outou Le Manuia”**

Toe lava o ni nai itula ao lei amataina e Ia lena faagasologa mamalu ae e mataga o le Togiola, na faia ai e

**I SE TASI TAIMI PO O SE ISI FOI OU TE TALITONU E FAANANAU UMA LAVA TAGATA MO “LE MANUIA FOI MAI LE ATUA, O LOO SILISILI LAVA I MEA UMA E MANATU I AI” (FILIPHI 4:7).**

# O Le Filemu i le Lalolagi ma le

## FILEMU IA KERISO

*E mafai e Iesu Keriso ona tuuina mai ia i tatou le filemu e faavavau, e oo lava i taimi faigata ma puapuaga.*

### Saunia e Sarah Hanson

se lalolagi o agafesootai, faaupufai, ma fesouaiga faalelotu, o le a le mea e te manaomia ina ia maua ai le filemu? O uo lelei? O se aiga agaalofa? Saogalemu ma le Puipuiga? O nisi taimi tatou te mafaufau ai o o tatou olaga e tatau ona maua ni mea faapenei ina ia mafai ai ona tatou lagona moni lava le filemu. Ae peitai o le olaga o le a le mafai lava ona 100 pasene le atoatoa ma faigofie. E

faapefea la ona tatou taulimaina faigata ma lagonaina le filemu i le taimi lava e tasi?

Ua tau mai e le lalolagi ia i tatou e faapea o le filemu e faatoa mafai ona lagonaina pe a leai se feteeniga. Ae e le moni lene mea! E ala mai i Lana talalelei, e tuuina mai e Iesu Keriso ia i tatou se filemu i le loto lene e sili atu i le filemu ua ofoina mai e le lalolagi. Afai tatou te vaai

atu ia te Ia ma le faatuatua, e mafai ona tatou lagonaina le filemu i soo se tulaga lava.

Na aoao mai le Faaola, “Ou te tuuina atu ia te outou le manuia, o lou manuia ou te avatu ai ia te outou: *ou te le avatu ia te outou, faapei ona avatu e le lalolagi*” (Ioane 14:27; faaopoopo le faamamafa). O nisi nei o auala e ese ai le filemu a le lalolagi mai le filemu a Iesu Keriso.

### O Le Filemu i le Lalolagi

1. E tatau ona oo vave mai le filemu—e le tatau ona tatou faatalitali i ai!

2. E le mafai ona e maua le filemu i taimi o faigata.

3. O le filemu o le leai o se taua.

4. E oo mai le filemu e ala mai i le ola i soo se auala e te manao e ola ai.

5. O le ioeina o ou sese ma vaivaiga e le aumaia ai le filemu.

6. E oo mai le filemu i le na o le tulaui atu lava i ou manaoga.

7. E oo mai le filemu i le sailia o le faamaoniga a isi.

8. E tatau ona tatou taumafai e saunia lo tatou lava filemu.



## Filemu ia Keriso

1. O nisi taimi e tatau ona tatou faatali mo le filemu—ae “aua le fiu... la talitonu i le Atua ma talitonu i mea lelei o le a oo mai.”<sup>1</sup>

2. E mafai ona oo mai le filemu i le totonugalemu o tofotofoga.

3. E mafai ona maua le filemu i soo se tulaga lava.


4. E oo mai le filemu i le ola ai i le talalelei ma ususitai i poloaiga.

5. O le salamo faamaoni e aumaia ai le filemu. “O le matagofie o le upu *salamo* o le folafolaga lea o le sola ese mai faafitauli tuai ma amioga tuai ma faanoanoaga tuai ma agasala tuai. O se tasi o faamoemoega sili ma faamalosiau—ioe, o upu e sili atu ona filemu—i le talalelei.”<sup>2</sup>

6. E oo mai le filemu i le auuna atu ma aveva ma se tasi e tausia le filemu mo isi.

7. E oo mai le filemu ao tatou saili ia aveva ma soo e sili atu o Iesu Keriso.

8. “Le ituaiga o filemu... o le tau folafolaina o le amiotonu... o se meaalofa folafolaina o le misiona ma le taulaga toggiola a le Faaola.”<sup>3</sup>



Afai tatou te faia Iesu Keriso ma taulaiga o o tatou olaga, o le a tatou lagonaina moni lava o Ia ua “fetalai mai le filemu i o matou agaga” (Alema 58:11). O le a tatou oo i ni taimi faigata i lenei lalolagi, ae ua faamanuaina i tatou i le iloaina o loo i ai se tasi e mafai ona tatou liliu atu i ai i soo se tulaga faigata lava. Na fetalai le Faaola, “Ua ou fai atu nei mea ia te outou, ina ia outou maua le manuia ia te au.

E maua foi outou e le puapuga i le lalolagi: a ia outou loto tetele; ua ou manumalo i le lalolagi” (Ioane 16:33). Ona o le Togiola a le Faaola, ua maua ai le filemu i le aso ma le faavavau. ■

### FAAMATALAGA

1. Jeffrey R. Holland, “O Se Faitaulaga Sili i Mea Lelei Atali,” *Liahona*, Ian. 2000, 42.
2. Jeffrey R. Holland, “O Mataupu Tau i le Filemu o le Malo,” *Liahona*, Ian. 1997, 99.
3. Quentin L. Cook, “Filemu o le Tagata Lava Ia: O Le Tau lea o le Amiotonu,” *Liahona*, Me 2013, 32–36

# E LE MAFAI ONA E FAASAINA LE MEA O I LOU LOTO

Saunia e Blossom Larynoh



I na ua faatoa oo mai le Ekalesia i Kana i le 1978, e lei malamalama moni lava le malo i ai ma ona faatinoga. O lena mea na taitai atu ai i le tele o tala feaveai. Ao tuputupu ae le Ekalesia i le isi 10 tausaga, na faapena foi tala feaveai. Ou te manatuaina le faalogo atu o faapea tagata ua auina mai e le Iunaite Setete tagata e vaavaai faalilolilo lo matou malo. O lena mea, faatasi ma tusitusiga uma na faasalalau e faasagatau i Mamona, na mafua ai ona masalosalo tele le malo.

## O le Sa

I le aso 14 o Iuni, 1989, na tapunia ai e le malo fale o le Ekalesia, auina atu faifeautalai i le fale, ma faasaina gaoioiga uma lava aloaia o le Ekalesia. Matou te tauina lena taimi “o le sa.” Ae peitai i le avea ai ma se teine e 18-tausaga le matua, pau le mea na ou iloaina e faapea i se tasi aso na faasilasila mai ai faapea e le toe mafai ona matou o i le lotu. Na oo lava na i ai fitafita e puipuia falelotu ina ia mautinoa na matou le toe o mai.

Talu ai na le toe mafai ona matou feiloai i o matou falelotu, na maua mai le faatagaga mai taitai o le Ekalesia ina ia faia sauniga faamanatuga i o matou aiga. Afai e lei i ai se tasi e umia le perisitua i lou aiga, e uunaia oe e alu i se aiga na i ai se tasi e umia le perisitua. Sa o se taimi fenumiai lea taimi ae o se taimi e matuai faapitoa foi. Na matou fefaasoaai a matou molimau, ma na sili atu ai ona matou vavalalata.

## E Faapefea Ona e Taua Oe Lava o se Mamona?

I se tasi vaitaimi i le taimi o le sa, na tatau ai ona ou tuua lou aiga ae alu i se aoga nofotumau. Ina ua ou taunuu iina, na faalogo se tasi o faiaoga e faapea o au o se Au Paia o Aso e Gata Ai. Na ia talanoa sao mai lava ia te au i tala le lelei e uiga i le Ekalesia. Na tele naua ana upu malolosi na fai. Na masani ona ou mafaufau, “Aisea e te talanoa sao mai ai ia te au ma fai mai nei mea? Ou te talitonu i aoaoga o le talalelei, ae peitai o loo tumau pea le avea o au o se tagata.”

I se tasi aso na ia fesili mai ai ia te au pe mafai faapefea ona ou taua pea au lava ia o se Mamona. Pe ou te lei iloaina le sa? Ia, i la matou aganuu, matou te le tali atu i tagata matutua. Ma o le mea moni e faapea o ia o se faiaoga o lona uiga e le mafai ona ou luita o ia. Ae peitai i lena taimi, na ou iloaina ai na i ai moni lava sau molimau. Ou te le iloaina pe na faapefea ona o mai nei upu mai lou gutu, ae peitai na oo mai le Agaga ia te au, ma na ou tu i luga ma faapea atu, “O le Ekalesia o loo i totonu o lou loto. Ma e le mafai e se tasi ona faasa le mea o i lou loto.”

Ina ua uma lena mea na ia le toe faalavelave mai ia te au.

Ia Novema i le 1990 na faaiu ai e le malo le sa ma faapea mai ua saoloto tagata o le Ekalesia e toe



## O LE SA I KANA

I le aso 14 o Luni, 1989, na faasaina ai e le malo o Kana Le Ekalesia a lesu Keriso o le Au Paia o Aso e Gata Ai. Na tapunia uma fale o le Ekalesia, ae na faatagaina le 6,000 tagata o le Ekalesia e faia sauniga i o latou fale. I le aso 29 o Novema, 1990, na aveesea ai e le malo le sa ma faatagaina ai le Ekalesia e faaauau gaoioiga uma lava. Ua i ai nei le silia ma le 72,000 tagata, se nofoaga autu mo le aoaoina o faifeautalai, ma se malumalu i Kana.

*O Blossom sa o se tamaitai talavou i Kana ina ua faasaina e le malo sauniga Faaleekalesia a le AAG.*



tapuai. E lei i ai ni a matou leitio po o televise i le lotoa o le aoga, o lea na faatoa ou iloaina lava aua o lena faiaoga na faalogo i ai ma vave lava on auina mai se tasi e auina atu au. Ina ua ia vaai mai ia te au, na faapea mai lou faiaoga, “O le sa i la outou Ekalesia ua aveesea! E mafai ona e toe alu i le lotu.

Na fiafia o ia mo au.

### E le Mafai Ona Latou Faasaina le Mea o i Lou Loto

O i latou na tumau i le Ekalesia ma tapuai faatasi i le taimi o le sa na fatuina ni sootaga na sili atu le malo-losi. Na avea i matou o ni tuagane ma ni uso moni lava. E oo lava i le taimi nei, ina ua matou taufai malaga i ala eseese, afai e tupu se mea i se tasi, matou te faalogo uma lava i ai. Matou te lagonaina e pei i matou o ni paionia.

Ou te fiafia e tau atu i tagata e faapea afai e te iloaina e moni ou talitounuga ma e i ai sau molimau i na mea, e mafai ona i ai ou tofotofoga ae e le tatau ona maluelue ai lou faatuatua. Afai e te iloaina e moni se mea ma e te talitonu i ai, e le mafai e se tasi ona aveesea lena mea mai ia te oe. E le mafai ona latou faasaina le mea o i lou loto. ■

*E alala le tusitala i Kalefonia, ISA.*



Saunia e Elder  
Massimo De Feo  
O Le Fitugafulu

# PE FAAPEFEA ONA OU FAALELEIA LO MA

# VA MA LE ATUA

na ua 12 ou tausaga, na amata ona ou mafaufau moni lava e uiga i le ala e mafai ai ona ou aafia i le talalelei.

Sa ou nofo i lau taulaga o Taranto, Italia. Ua na o ni nai tausaga talu ona ma feiloai ma lou uso i faifeautalai ma avea ma tagata o le Ekalesia, ae ua amata ona ou lagonaina le naunau e auai atili. Na amata ona ou lagonaina se naunautauga e tufa le faamanatuga. Ou te manatuaina le savali atu i le lotu i aso Sa taitasi faatasi ma se tatalo i lou loto e faapea o le a valaaulia au e tufa le faamanatuga.

I se tasi o taeao o le aso Sa, na valaau mai ai le peresitene o le paranesi ia te au i lona ofisa. Na ia fai mai, “Massimo, e finagalo le Atua ia te oe ia mauaina le perisitua ma faauuina o se tiakono.”

Ina ua ou faalogo i na upu—“e finagalo le Atua ia te oe”—na taia au e se mea. Na ou lagonaina e faapea e le o se tagata ua fai mai ou te faia se mea, ae o le Atua moni lava ua tuuina mai se tiutetauave. Ina ua vaai mai le peresitene o le paranesi ia te au, na ou lagonaina ua aapa mai le Alii ia te au.

Ao ou amata ona tufa atu le faamanatuga i aso Sa taitasi, na mafai ona ou lagonaina le mana o le faaleatua i lou olaga. Na ou lagonaina le faatuatuaina, na ou lagonaina le auai, ma na ou iloaina e faapea sa ou faia le galuega a le Alii. Sa ou lagona le sili atu o le latalata ia te Ia e ala i le auauna atu ia te Ia.

O lenei aafiaga o le lagonaina o le aao o le Alii e ala mai i ou taitai e faapea foi i au tiutetauave na fesoasoani ia te au e atiae ai se sootaga patino loloto ma Ia. Na ou manao ia sili atu le aafia i le talalelei; ao ou ola i lena auala, na ou lagonaina le faatasi mai o le Atua i lou olaga. O le atiina ae o lenei ituaiga o sootaga ma Ia o se tasi o mea e sili ona taua e mafai ona e faia i lou talavou.



## VAAIA O LE ALII I OU TAITAI

Ao ou feiloai atu i lau peresitene o le paranesi, na maua ai se uunaiga loloto faaleagaga ia te au ina ua ou lagonaina e faapea o le Atua lena, ae le na o lau peresitene o le paranesi, ua tuuina mai ia te au se tiutetauave. E ala i le iloaina o le Alii i lou taitai, na ou lagonaina le latalata atili atu ia te Ia, ma na faaleleia ai lo ma va ma Ia.

Afai e te malamalama o se talavou e faapea a e maua ni valaauga e tuuina atu ia te oe pe o loo e saofai i au vasega i le lotu, o loo e faalogoina upu a le Tama Faalelagi ma Iesu Keriso, ona e mafai ai lea ona vaai i le lotu i se auala ese—o se auala faaleagaga. O le a e manao ia auai i le galuega a le Alii. O le a e mafai ona maua ni aafiaga faaleagaga sili ma o le a lagonaina le latalata atili atu ia te Ia i aso Sa taitasi.

## O LE VAAIA O LE ALII I SAUNIGA

E mafai foi ona tatou atiina ae se sootaga patino ma le Alii e ala i le iloaina o Lona faatasi mai ao tatou auai i sauniga o le talalelei. Pe a tatou auai i sauniga—e pei o le faamanatuga—tatou te iloa ai e “faaalua ai le mana o le faaleatua” (MF&F 84:20). Ina ua ou tufaina atu le faamanatuga, e oo lava i le 12 po o le 13 o tausaga, na ou lagonaina moni lava e faapea sa avea au o se meafaigaluega i Ona aao. Na ou lagonaina le faatasi mai o le mana o le Atua i na sauniga ma na i ai le mana o le faaleatua i lou olaga. O le mauaina o lena aafiaga paia i vaiaso taitasi e ala i le iloaina o le Alii i lenei sauniga na fesoasoani ia te au e faaloloto ai lou sootaga patino ma le ma le Alii.

E le faatapulaaina lenei mea i le na o le *tufaina* o le faamanatuga. E mafai foi ona tatou lagonaina le mana o le faaleatua e ala i le *tagofia* o le faamanatuga i aso Sa taitasi. Pe a tatou tagofia le faamanatuga, e le tatau ona tatou faia o se mea mama pe faia mai lea taimi i lea taimi pe faaleano i ai. E tatau ona tatou mananao, filifili, ma saunia e tagofia le faamanatuga, o na mea uma o le a mafai ai ona tatou lagonaina le mana o le faaleatua i o tatou olaga. E tatau ona tatou faaogaina le faamanatuga o se meafaigaluega mamana faaleagaga e faaleleia ai lo tatou va ma le Atua ma ia saunia ai i tatou lava mo luitau o le olaga i aso taitasi.



## O SE SOOTAGA PATINO LOLOTO

Filifili nei e atiina ae se sootaga patino loloto ma le Alii. O le latalata atili o lou lagona ia te Ia, o le faigofie foi lea ona auauna atu ia te Ia.

E aapa atu le Alii ia i tatou uma patino taitoatasi. Pe a tatou auai i le lotu, tatou te faalogoina Ana upu. Pe a tatou tagofia le faamanatuga, ua tatou faataunuaina Ana sauniga paia. Tatou te manaomia le iloaina o le faatasi mai o le mana o le Atua i o tatou taitai ma i sauniga ina ia mafai ai ona faalelei lo tatou sootaga patino ma Ia. ■

# TUUINA ATU O OU POPOLEGA I LE ATUA

*Ina ua ou iloaina na i ai ni tauiviga ogaoga a lau uo, sa ou taumafai e saili le filemu.*

## **Saunia e Ninoska Nawrath**

Ina ua le alu atu lau uo o Fernanda (e le o lona igoa moni) i le vasega i se tasi aso Faraile, na ou mafaufau po o le a le mea ua tupu. “Pe ua mai Fer? Pe o manuia o ia?” Na ou fesili ai ao ou tamoe atu i nisi o uo i le faaiuga o le aso. “E le o mai o ia,” na tali mai ai se isi uo, “e na ona alu lava o ia i se fomai o le mafaufau,” Ina ua ou fesili atu pe aisea, na ia tau mai ia te au e faapea na afaina Fernanda i le faavauvau ma na faatamaia o ia lava. E lei umi lava ona ou iloaina, ae tuuina atu loa Fernanda i le falemai mo togafitiga, ma na matou le vaaia o ia mo ni nai vaiaso.

E ui lava o i maua o ni uo, na te lei faasoaina mai lena vaega o lona olaga ia te au. Na ia nanaina lena mea mai tagata uma aua na maasiasi o ia. Na ia tau mai ia te au mulimuli ane e faapea



na ia le manao e faanoanoa nisi ia te ia ma lona tulaga. Ae ou te lei faanoanoa ia te ia—na ona ou lagonaina le agaalofa.

O lena aso muamua, na ou taoto ai i lou moega ina ua tuua le aoga, ma sulu lou ulu i le aluga. Na ou lelava lava faalelagona ae na popole tele na le mafai ai ona moe. Na pogisa lou lalolagi. Na ou lagonaina e pei sa ou i ai i le totonugalemu o se afa, ma na tele ni mafauauga ma lagona na featofai i le matagi. Na ou lagonaina le fenumiai, tuuatoatasi, ma, o le mea sili, o le matuai leai o se mana e fesoasoani atu ai.

### E Faapefea Ona Ou Fesoasoani?

O le a le mea e mafai ona ou faia pe fai atu e fesoasoani ai ia te ia? E faapefea e i matou o uo ona tuufaatasi ma tuuina atu la matou lagolago? Na ou le mafai ona maua se ituaiga o fofo e faamafanafana ai au uo po o au lava ia. Na ou tatalo mo le uunaiga ae na ou lagonaina e pei o au tatalo e lei taliina mai.

Ae o le vaiaso na sosoo ai na ou maua ai se uunaiga. Na ou nofo i totonu o lau vasega o le seminare i le taeao ina ua faamanatu mai e lou faiaoga ia i matou le Uluai Faaaliga ma le ala na fesili sao atu ai Iosefa Samita

i le Tama Faalelagi mo le fesoasoani i ona faigata ma popolega. Ona fai mai lea o lou faiaoga, “Afa tatou te saili atu i le Tama ma fesili atu ia te Ia, o le a Ia tali mai ia i tatou. O le a le tuua lava na o i tatou.”

Na ou iloaina i lou faanoanoa, na ou tapunia ai lou loto mai lou Tama Faalelagi. E ui lava na ou taumafai soo e tatalo, ae na le lava—na tele naua lou fefe e maua ai le filemu. Na ou iloaina e faapea na Ia malamalama lelei lava i ou lagona ma e mafai ona Ia fesoasoani ia te au. Ae na ou manaomia ona tatala atu au lava ia te Ia ma talitonu moni lava e mafai ona Ia faia—na ou manaomia le faatinoina o le faatuatua.

O lea sa ou faia ai. Ina ua mavae se taimi, ao ou faaauau ona tatalo ma faitau au tusitusiga paia, ma tauivi e tuu atu i le Faola e tauave au avega, na oo ina ou malamalama e faapea e iu lava ina uma le atuatuvaale o lau uo. E ui lava o le mea moni na faaauau pea le fenumiai faaletino, na ou lagonaina le toa, paleni lelei, i le filemu. Na faaauau ona faamalosiau mai lou tina ia te au ia saili atu i le filemu, ma faapea mai, “O le a manuia lau uo ma e faapena foi oe. Tumau le malos i le talalelei, ma o le a lelei mea uma.”

### Lagolagoina o Lau Uo

Ina ua iu lava ina toe sau Fernanda i le aoga, na mafai ona ou saunia e lagolago malos i o ia, ae pau le mea na mafai ai ona sa ou saili atu ma mauaina e au lava ia le filemu e ala mai ia Iesu Keriso. Na ou taumafai i le mea sili ia avea ma se tagata e faalogo lelei, ia talanoa fiafia, ma faasoa atu le talalelei. Na ou lagonaina le toa pe a ou faamatalaina atu le fuafuaga o le fiafia ma ina ua ou tau atu ia te ia e finagalo lo tatou Tama ia tatou maua le olioli, e ui lava i o tatou luitau. Atonu e alu ai se taimi, ae e mafai lava mo tagata uma o Ana fanau.

Na tele lava ni tulaga i lou olaga na ou lagonaina ai le ita ma le faanoanoa, ae ona o le talalelei ou te manatuaina lava le mea na ou sau ai. Ou te iloaina o au o se afafine o le Atua ma e i ai Sana fuafuaga mo au—ma mo Fernanda. Tatou te savavali uma lava i ni auala eseese, ae o auala taitasi e mo lo tatou lelei aua e alofa o Ia ia i tatou. O auala taitasi, o faigata taitasi, o loo i ai se faamoemoe. Ma afai tatou te mafai ona mauaina le filemu i na faigata, e mafai ona tatou faasoa atu le filemu tatou te mauaina i isi. ■

*E alala le tusitala i Maule, Chile.*



### ATUATUVALE: AUALA E TALI ATU AI

Afai e i ai sau uo o loo puapugatia mai le atuatuvaale, ia fai se taumafaiga faapitoa e faalogo Afai ma ia lagolagoina i latou i o latou tofotofoga. Latou te manaomia lou alofa. Fesili i ou matua mo se fautuaga. Ia mautinoa ua iloa e matua o lau uo (e tusa lava pe le manao lau uo ia la iloaina) ma fesili atu mo le la fautuaga i le ala e mafai ai ona e fesoasoani atu. Afai ua matua le tulaga (e pei o le faatamaia o i latou lava), ma ua iloa e o latou matua ae e le o faia i ai se mea, tau atu i se faiaoga, fautua o le aoga, po o se taitai o le Ekalesia.



**O LE OLA E  
FAAVAVAU FOI  
LENEI,**

**IA LATOU ILOA  
OE LE ATUA  
MONI E  
TOATASI,  
ATO MA LE  
NA E AUINA  
MAI, O IESU  
KERISO LEA.**

Ioane 17:3

# 1 Nifae 3:7

Na poloaiina e le Alii Nifae e alu loa ma fai.



## 1 O LE A OU ALU


“E te faaalua lou faalagologo i le [Atua] pe a e faalogo ma le faamoemoe e aoao mai ai, ia salamo ona e alu loa ma faia soo se mea ua Ia poloai mai ai. Afai e lava lou faalagologo i le Atua e faalogologo ai i Lana savali i lauga uma, pese, ma tatalo i konafesi [taitasi], o le a e mauaina. Ma afai loa e te alu ma faia le mea ua Ia finagalo e te faia, o le a faatupulaia lou malosi e faalagologo ai ia te Ia ma o le a oo mai le taimi, o le a lofituina ai oe i le loto faafetai ina ua e iloa ua Ia faalagologoina oe.”

Peresitene Henry B. Eyring, Fesoasoani Muamua i le Au Peresitene Sili, “Faalagologo i le Atua Ona E Alu ai Lea,” *Liahona*, Nov. 2010, 70.

## 2 FAI

“Sa ou faia lenei mea ma au tulafono: *Pe a faatonuina ai e le Alii, ia faia loa*”

Aoaoga a Peresitene o le Ekalesia: Iosefa Samita (2007), 171.



## 3 UA POLOAI MAI LE ALII

“O poloaiiga uma a le Alii ua tuuina mai mo lo tatou atiina ae, alu alu i luma, ma le tuputupu a’e.”

Elder Robert D. Hales (1932–2017) o le Korama a Aposetolo e Toasefululua, “Afai e te Fia Oo i le Ola, Ia e Tausi i Poloaiiga,” *Liahona*, Iulai 1996, 42.

## 4 O LE A IA SAUNIA SE ALA

I le Feagaiga Tuai, o le saunia o se ala o lona uiga o le faatuina o se auala lelei, ma ua lelei ona faailogaina (tagai i le Teuteronome 19:3) po o le faamamaina o se ala i le aveeseina o mea faalavefau (tagai i le Isaia 40:3).

Pe a tuuina mai e le Alii ia i tatou se poloaiiga, o le a Ia saunia i taimi uma se ala mo i tatou pe afai ua tatou naunau e faatuatuaina o Ia ma usi-usitai. Ae faapei o Nifae, e tatau ona tatou faatinoina le faatuatua muamua; ona tuuina mai lea e le ala o ia lava, aua o le Alii “e galue o ia e ala i le mana, e tusa ma le faatuatua o le fanauga a tagata,” (Morona 10:7).

## 5 FAATAUNUU

”Afai e tusa lo outou faatuatua . . . e leai foi se mea tou te le mafaia.”

Mataio 17:20

Faamatalaga a le faatonu: O lenei itulau e le o se faamalamalama atoa o fuaitau o le Atamai i Aoaoga Faavae na filifilia ae ua na o se amataga mo au lava suesuega.

## E mafai faapefea ona ou fai atu i a'u uo e aua le talanoa ma le alofa po o le le talafeagai e uiga i isi?

**O** le faitala, upu le alofa, upu masoa—atonu na e faalogo i nei mea uma lava ao e savali i ala savali i le aoga. O nisi taimi o au uo o i latou na e faia lena mea, ma e te ono lagonaina le le mautonu ma le iloa pe faapefea ona tali atu, ae e mafai ona e faia se eseese e ala i le avea ma se faataitaiga lelei.

E ui lava e le o se mea malie le tetee atu i isi, ia manatua “O le palauvale, upu masoa, po o gagana ma taga e le tusa ai ma le vafealoai, faapea foi ma tala tausua i mea valea po o mea leaga, e faatiga ai le finagalo o le Alii faapea foi ma isi.”<sup>1</sup> E tusa lava pe a fai faamalie, o upu le alofa e tiga pea.

Afai e fai e au uo ni mea le talafeagai pe le alofa e uiga i isi, “ia fautuaina lelei ma le alofa i latou e filifili nisi upu e faaoga. Afai e faaauau pea ona latou faia, ia e savali ese ma le faaaloalo pe sui foi le mataupu e talanoaina.”<sup>2</sup> Faamatala atu e faapea e te talitonu o tagata uma lava o fanau a le Atua ma e tatau ai ona faaaloaloga. Filifili ia avea ma se uo e lagolago atu i tagata uma nai lo le avea ma se fili e faitioina ma tuua isi i lalo. O lau faataitaiga malosi o le a avea ma se faataitaiga aoga mo au uo.

Ua aoa mai le *Mo le Malosi o le Au Talavou* e faapea “o se gagana mama ma atamai o se faamaoniga lea o se mafaufau atamai ma le lelei.”<sup>3</sup> Ia atagia mai ia outou upu a outou talitonuga, ma o le a mafuta le Agaga ma outou e tuuina mai le taitaiga i nei tulaga faigata.

Ma ia tu atu ma le mautinoa—o uo moni o le a faaaloaloga oe ma lau filifiliga e faaoga gagana mama, ma lelei na e faaalai ai uiga lelei o isi.



### Fesoasoani i Isi ia Tumau le Mafaufau Lelei

Na matou maua ma au uo ni taulima, ma o taimi uma lava e fai ai e se tasi o i matou se mea le lelei e uiga i se tasi, o le a matou fikiina le taulima a lena tagata. O se faamanatu faifai pea lelei lea e faatumauna ai o matou manatu ma upu ia lelei.

*Caroline J., 18 tausaga, Luta, ISA*



### Ole atu mo le Fesoasoani a le Atua

O le tatalo o le a fesoasoani ia te oe e maua ai le malosi mai le Atua ina ia iloa ai le ala e talanoa atu ai i isi. Muamua, ole atu i le Atua ina ia iloa le tala e fai atu i au uo. Ia ole atu foi ia te Ia e fesoasoani i au uo ina ia malamalama i le taua o le vaai atu i tagata uma o ni fanau pele a le Tama Faalelagi. Faamamafa atu le taua o le vaai atu i mea e sili ona lelei i tagata ae le o le fai atu o mea leaga e uiga ia i latou.

*Victória Kércia M., age 19, Piauí, Pasila*

### Taliaina Eseese ma le Alofa

E tatau ona iloa e au uo, ona e eseese uma lava o matou malosiaga, e mafai ona matou faamanuiaina le tasi ma le isi. E ui lava i le le atoatoa o tagata, e tatau ona i ai pea lo tatou alofa sili atu mo i latou, ma e tatau foi ona tatou talitonu i le mana e sui ai lena mea o loo maua i le taulaga togiola a le Faaola.

*Esther M., 19 tausaga, Mbujimayi, Temokalasi Ripapelika o Congo*

## Ia Tautala Sao

E mafai ona e tau sao atu lava i au uo ma le agalelei, “E, tuu lena mea. Ou te le fiafia i ai,” po o le “Faamolemole aua le tautala faapena. E le faaaloalo.” I mea uma lava, o le tasi o poloaiga sili e lua o le “e te alofa atu i le lua te tuaoi ia pei o oe lava ia te oe” Mataio 22:39).

*Clayton P., 9 tausaga, Arisona, ISA*

## Sui La Latou Vaai

E mafai lava ona e tali faigofie atu ia i latou e faapea o le mea o loo latou faia e le sao ma e tataua ona latou taumafai ia faafia se isi nai lo le faanoanoa. E mafai foi ona e fesili atu ia i latou pe o le a so latou lagona pa afai o latou o loo taliaina upu le agalelei mai isi tagata. Fesoasoani ia i latou ia vaai i le tulaga mai se isi vaaiga. E ala i le fesoasoani i isi tagata ina ia lelei atili, o le a mafai ona e lagonaina e le aunoa le Agaga, ma o le a faamanuaina oe e le Alii mo au faatinoga amiotonu.

*Darren O., 15 tausaga, Iuta, ISA*



## Ia Mau le Lototele

E pei lava o Eseta, o Iosefa Samita, Iosefa o Aikupito, ma le tele lava o isi tagata o tusitusiga paia, e mafai ona e maua le lototoa e taofia ai au uo mai le tautatala le lelei e uiga i isi. Na ou i ai foi i lena tulaga lava e tasi, ma na ou maua le lototoa e talanoa ai i au uo i se auala agaalofa ma le malamalama. I le iuga, na latou taliaina ma malamalama i le taua tele o le faaaogaina o le gagana mama ma lelei! E ese mai le faitauina o tusitusiga paia ma le tatalo, e fesoasoani tele le anapogi i na tulaga. Tatalo ma ole atu i le faatuatua

e faapea o le a tuuina mai e le Tama Faalelagi ia te oe le lototoa e tautala atu ai ma pai atu i loto o au uo.

*Paola H., 17 tausaga, San Salvador, El Salvador*



## Avea ma se Faataitaiga

O le ala sili e fai ai lenei mea o le avea lea ma se faataitaiga lelei. Ia avea ma tagata muamua e fai atu tala lelei ma manaia e uiga i soo se tasi o loo talanoaina. O le a e ofo i le vave tele ona mafai ona suia le talanoaga.

*Elder Eads, 24 tausaga, Misiona o Korea Seoul i Sautē*

## Faamatala taunuuga o Manatu le Lelei

Tau atu i au uo le tele o aafiaga ma fegalegaleaiga lelei ma isi tagata o loo latou misia. Faamatala atu o le faia o upu palauvale e le lelei aua e te taumamao ai mai isi tagata ma palapala ai lou mafaufau. Ma le isi foi, e alofia oe e tagata lelei pe afai e te faaaogaina gagana leaga.

*Elisa Ferreira S., 16 tausaga, Minas Gerais, Pasila*



## E I AI LE MANA I UPU

“Ua i ai i upu se mana e ofo ai, e faafiafia ai isi ma faalotovaivaia ai foi. Atonu tatou te manatuaina uma lava ni upu lē lelei na faalotovaivaia ai i tatou ma isi upu na tautalagia i le alofa na matua faagaetia ai o tatou agaga. O le filifili e fai atu na o upu e lelei e uiga i isi—ma i—isi e siitia ma faamalosi ai i latou o siomiaina i tatou ma fesoasoani ai i isi ia mulimuli i le ala a le Faaola.”

*Jean B. Bingham, “O Le A Ou Aumaia le Malamalama o le Talalelei i totonu o Lou Aiga,” Liahona, Nov. 2016, 7*

## FAAMATALAGA

1. *Faamaoni i le Faatuatua: O Se Tusitaitala o le Talalelei* (2004), 173.
2. *Faamaoni i le Faatuatua* (2004), 173-74.
3. *Mo Le Malosi o le Aupalavou* (tamaitusi, 2011), 14.

## FESILI O LE A SOSOO MAI

“Sa ou tauivi foi ma na lava faaosoosoga mo se taimi umi lava. E faavaivailoto. E mafai faapefea ona ou see ese mai ai?”

Auina mai lau tali ma, afai e manaomia, o se ata manino lelei a o le'i oo i le aso 15 o Mati 2018, i le [liahona.lds.org/kiliki](http://liahona.lds.org/kiliki) le “Submit an Article or Feedback”).

E ono faapupuina tali mo le uumi po o le manino.

*“Ekalesia a Iesu Keriso, ua ou auai.” Ua ou iloa ai o le Atua. Ma Lana fuafuaga” (Tusipese a Tamaiti, 48).*

Ua faatoa uma lava le sauniga muamua a Easton i Siamani. Na ia manatu o le a matuai ese lava, ae na faapei lava o le lotu i le mea na ia nofo ai muamua i le Iunaite Setete. Ae pau le mea o iinei e tatau ona ia faia ni meafaalogo e faalogo ai i lauga ao faaliliuina i le Igilisi.

Na amata ona talanoa atu Tina ma Tama i le aiga o loo nonofo i tua o i latou. Na foliga mai na i ai se la atalii la te tausaga faatasi!

“O le au Finotto ia,” na tau atu ai e Tina ia Easton. “O le a i ai GianMarco i lau vasega i le aoga,”

“Manaia!” Sa ataata atu Easton ia GianMarco. O lona igoa na faaleoina e pei o le “John” ma “Mark” ua

## Tu Atu mo le Ekalesia

Saunia e Tracie Carter  
ma Maryssa Dennis

E faavae i se tala moni



tuufaatasi—faatasi ma se —“o” i le faaiuga. “O fea la tou te o mai ai?”

Sa ataata atu GianMarco. “Matou te o mai mai Italia. Ae faatoa matou siitia mai iinei mai Saina.”

“Auola!” na fai atu ai Easton. “Ou te lei alu muamua lava i Saina.”

O le aso na sosoo ai na alu ai Easton i lana aoga fou. Sa fai si ona popole laititi. Ae ona ia vaaia lea o GianMarco o talotalo atu ia te ia mai le isi itu o le potuaoga. O le mea sili o lea ua i ai sau uo. Na i ai i lana vasega tamaiti mai itu uma lava o le lalolagi. Atonu o le a ia fiafia i lana aoga.

“Talofa lava!” Na ataata atu le faiaoga i tamaiti uma lava. “O au o Ms. Albano. I le amataga, pe mafai ona tau mai ia te au e se tasi le uiga o le *faasinomaga*?”

Na sii le lima o se teine. “O lona uiga po o ai oe. O le a le mea e sili ona taua ia te oe.”

“Sao lelei!” na fai atu ai Ms. Albano. “Sei tatou faamasani la le tasi i le isi. O a nisi mea na e avea ma vaega o lou faasinomaga? O a ni mea ua avea ai oe ma oe?”

“Ou te fiafia i taaloga vitio!” na fai mai ai se teine i le laina i luma. Na ataata Ms. Albano ma tusi le *mea e fiafia i ai* i luga o le laupapa. “O le a ma le isi?”

Na sii le lima o GianMarco. “Ou te sau mai Italia.” Na luelue le ulu o Ms. Albano ma tusi i lalo *atunuu*.

Na tau mafaufau Easton i se mea fai atu. “Ou te alu i le lotu,” na fai mai ai se tama i le laina i tua.

“O se mea lelei lena!” Na mafaufau Easton. “Sa tatau ona ou fai atu lena mea.”

Na ata leotele se tasi. Ona talie lea o tamaiti e toatele. Na tilotilo atu Easton ia GianMarco, ua le mautonu. Na foliga le mautonu foi GianMarco. Aisea e latou te talie ai?

Ina ua ia oo atu i le fale, na tau atu e Easton ia Tina le mea na tupu.

Sa faanonou mata o Tina. “O nisi tagata e le mala-malama pe aisea e taua ai le lotu. Latou te manatu e faavalevalea.”

“Oi,” na fai atu ai Easton. E lei mafaufau muamua lava o ia e faavalevalea le lotu.

I ni nai vaiaso mulimuli ane, na fai atu ai Ms. Albano i tamaiti aoga e fai se lesona faatasi ma se matua e uiga i le faasinomaga o lo latou aiga.

“O le a la le ta galuega faatino o le a fai?” Na fesili atu ai Tina a o la faatulagaina le laulau mo le aiga o le afiafi.

Na mafaufau Easton i le ala na talie ai le vasega. “Ou te manatu e tatau ona ta faia e uiga i le Ekalesia,” o le tala lea a Easton.

Na ataata Tina. “O se manatu lelei lena.”

“Ma pe mafai ona tatou faia faatasi ma GianMarco ma Sister Finotto?”

“Manaia le manatu. O le a ou valaau ia i laua pe a maea le aiga o le afiafi.”

O le aso na sosoo ai na o mai ai GianMarco ma Sister Finotto. Na latou talanoa uma lava muamua i mea na sili ona taua e uiga i le Ekalesia. Na tusi i lalo e Tina o latou manatu uma lava i se api e tusi ai faamatalaga. Ona latou

aumaia lea o ni pepa lautele mo savali ma mauaina ata o Iesu ma perofeta ma malumalu e faapipii i ai.

Na iu loa ina oo mai le taimi mo le aoga. Na tutu Easton ma GianMarco ma o la tina i luma o le vasega. Sa manava loloa o ia.

“O i matou o tagata o Le Ekalesia a Iesu Keriso o le Au Paia o Aso e Gata Ai,” na ia amata ai. Na latou feauauai e faamatala atu mea e uiga i le Ekalesia. Na talanoa GianMarco e uiga i tusi-tusiga paia. Na talanoa Tina e uiga i perofeta. Na talanoa Sister Finotto e uiga

i afiafi faaleaiga. Na talanoa Easton e uiga i le papatisoga. Sa matuai manaia lava!

Na maua e Easton se lagona lelei tele ina ua uma la latou aoga. E leai se tasi na ata leotele—na foliga moni lava na fiafia i ai tamaiti! Na fiafia o ia na mafai ona ia faasoa atu se mea e matuai taua lava i lana vasega. Sa ataata o ia. Aua sa ia iloa lona faasinomaga. O ia o se atalii o le Atua! ■

*E alala tusitala i Baden-Württemberg, Siamani, ma Iuta, ISA.*

O a'u o se atalii o le Atua

Ou te talitonu ia Iesu Keriso

O au o se vaega o se aiga



#### FANAU A LE ATUA

“E faapefea ona e iloa ina lou *faasinomaga*? Muamua, manatua o outou o fanau a le Atua.”

Peresitene Russell M. Nelson, Peresitene o le Korama a Aposetolo e Toasefululua, “Identity, Priority, and Blessings,” *Ensign*, Nov. 2011, 17.

**Talofa!**

O lou igoa o Alice,  
ma ou te taumafai e  
FAASUSULU ATU LOU  
MALAMALAMA e ala i  
le FAAALIA O LE LOTO  
FAAFETA!

# Faasoaina Atu o Meaalofa

Mai se faatalanoaga ma Marissa Widdison,  
Mekasini o le Ekalesia



AIGA O LOO TUTU I LUMA O LE MALUMALU O SAO PAULO I PASILA

## 1. Taina o Viiga

Ou te nofo i Pasila faa-  
tasi ma ou matua ma  
se uso ma se tuagane.

O lou uso o Julia  
ma ou te taina le  
piano mo le sau-  
niga faamanatuga  
i la matou  
uarota.

### Lagona Fiafia

Pe a tatou faaalua le loto faafetai, e  
faamanuiaina i tatou e le Alii i lagona  
fiafia mai le Agaga Paia.



**2. O se Meaalofa e Lei Faamoemoeina**

I se tasi aso Sa, na tuuina mai ai e se tamaloa e igoa ia Brother Stahlke ia i maua se meaalofa. Na ia fai mai o se meaalofa e faafetaia ai i maua mo le musika na ma taina i aso Sa. Ina ua ma tatalaina le pusa, na ma maua ai se ituaiga faapitoa o le fuluti [flute] i totonu! Na ou tuu faatasia le fuluti [flute] ma amata ona feulaina. Na ou fiafia i le leo.



**4. O Se Miti Faapitoa**

Ina ua ou iliina mo Brother Stahlke, na fiafia tele o ia ma faagaetia. Na ia tau mai ia te au e faapea na ia faia se miti e uiga i lenei viiga i le po talu ai! Na ou lagonaina le alofa o le Atua mo ia e faapea foi ma au.

**3. Toe Tuuina Atu**

Na vave lava ona ou iliina viiga i le fuluti [flute]. Na ou manao e fai se mea e faafetai atu ai ia Brother Stahlke mo le meaalofa. O lea na ou faataitaia ai le viiga “Ma’eu le Poto ma le Alofa,” (Viiga, nu. 109). Na ou fai atu i lou tama e ave au i le fale o Brother Stahlke ina ia mafai ona ou faaali atu ia te ia e faapea o lana meaalofa na fesoasoani ia te au e maua ai se taleni fou.

**AUINA MAI IA I MATOU SE FETU!**

Tau mai ia i matou pe faapefea ona e susulu malosi! Oti se fetu ma tusi ai i luga e uiga i se taimi na avea ai oe o se faataitaiga lelei. Fai i se matua e imeli mai se ata o lau fetu, faatasi ma la latou faatagaga, i le [liahona@ldschurch.org](mailto:liahona@ldschurch.org).



**E MAFAI FAAPEFEA ONA E SUSULU ATU?**

Aoao e pese, taalo, pe taitai se viiga ma faasoa atu i se afaifi faaleaiga.


Faataitai se taleni ma faasoa atu i se tasi.

O lou manatu: \_\_\_\_\_



# O Le Fuafuaga o le FIAFIA

Valivali ata nei ia aoo ai e uiga i le fuafuaga o le fiafia a le Tama Faalelagi mo oe! E mafai foi ona e otiina, faapipii faatasi tua o ata, ma faapipii pito ia fai ai se tamaitusi.



Ae ou te lei fanau mai, sa ou nofo o se agaga faatasi ma ou Matua Faalelagi. Na tau mai e lou Tama Faalelagi ia te au na i ai Sana fuafuaga e fesoasoani ai ia te au e aoo ma tuputupu ae. Sa matuai o'u fiafia lava!

Na ofo mai lesu Keriso e avea ma o'u Faola. Na la afio mai i le lalolagi ma faia se faataitaiga atoatoa mo au. Na la totogina au agasala. Na te silafia pe faapei ou faafitauli ma e mafai ona fesoasoani mai ia te au. Ou te alofa ia lesu!



Na ou fanau mai i lenei lalolagi matagofie. Na maua sou tino! E galulue faatasi lou agaga ma le tino ao ou aoo. O aso uma lava, ou te taumafai ai e mulumuli ia lesu e ala i le agalelei.




Ou te mulimuli ia Iesu e ala i le papatisoina. Ou te folafola atu e tausi i poloaiga. Ua folafola mai e le Tama Faalelagi o le Agaga Paia o le a fesoasoani mai ia te au. Pe a ou sese, ou te salamo ma taumafai ia sili atu i le isi taimi. O le auala lenei ou te aao ai ma tuputupu ae ai!



E ui lava o loo ou mamao mai ou Matua Faalelagi ma Iesu Keriso, e mafai lava ona ou lagonaina le latalata atu ia i Latou. E mafai ona ou tatalo i le Tama Faalelagi i soo se taimi. E mafai ona ou faitau i tusitusiga paia. I se aso, e mafai ai ona ou alu i le malumalu, ina ia ou aao atili ai e uiga i le fuafuaga a le Atua mo au. O se nofoaga filemu, ma fiafia.



O le oti, ua na o se isi vaega o le olaga. Pe a ou oti, o lou tino o le a tumau pea i le lalolagi ma o le a alu atu lou agaga i le lalolagi o agaga. O le a ou faatasi ma lou aiga ma uo.



I se aso o le a tuu faatasi ai lou tino ma le agaga. O le a ou toe vaai ia Iesu! E mafai ona ou nofo faatasi ma lou aiga ma Matua Faalelagi e faavavau. Ou te matuai faafetai lava mo leni fuafuaga o le fiafia!





“O Iesu Keriso o le Alo Pele e Toatasi Na Fanaua e le Atua. O Ia o lo tatou Foafoa. O Ia o le Malamalama o le Lalolagi. O Ia o lo tatou Faaola mai le agasala ma le oti. O le malamalama aupito taua lenei i le lalolagi, ma e mafai ona e iloaina lenei mea mo oe lava, e pei ona ou iloaina foi mo a’u lava.”

**Saunia e Elder Dallin H. Oaks**

O Le Korama a Aposetolo e Toasefululua

*Mai “Aoaoga a Iesu,” Liahona, Nov. 2011, 90–93.*



Saunia e Elder  
Peter F. Meurs  
O Le Fitugafulu

# Taumafai Pea!

*“Afai latou te faalotomaulaloina i latou lava i ou luma, ma faatuatua mai ia te au, ona Ou faia lea o mea vai-vai ia avea ma mea malolosi ia te i latou” (Eteru 12:27).*

Sa auai ou matua i le Ekalesia ao ou laititi Sa matou i ai Si se tamai paranesi i Ausetalia. Na ta e lou tina le piano i le lotu. Ae na mafai ona ia taina na o ni nai viiga. Na ou aoao foi e ta le piano. Ina ua fitu ou tausaga, na fai mai le peresitene o le paranesi ia te au e ta le piano i le lotu.

Pe a ou taina le piano, na ou faia ni measese. Ae a ou faia se measese, e masani ona ou tagi. Sa ou fefe lava ma popole. Ae sa ou faaaauu pea ona aoao. Na ou manao e ta ia lelei ia viiga. O le taimi lenei ua ou fiafia lava e ta le piano! Ua mafai ona ou taina uma lava viiga. I lau misiona i Niu Sila, na ou auuana atu i se isi tamai paranesi. Na leai se isi e taina le piano. O lea na ou taina ai le piano mo le tausaga atoa. O le galue ai ia faatea ese lou fefe o se faamanuiaga mo au. Na faatagaina au e faamanuia ai isi.

Sa ou tauivi foi i le tautala ao ou tamaitiiti. Sa tau-toai lau tautala. Sa faigata ona faasoa atu lau molimau i luma o tagata uma. O nisi taimi pe a ou taumafai e tautala, e na ona maligi lava o ou loimata. Na fesoa-soani ia te a’u faamanuiaga o le perisitua. Sa matuai lagolagosua mai lou tina ma tama. Na iu lava ina faamanuiaina au ina ua sili atu ona manino ma lelei lau tautala.

O loo ou popole pea. O le savali atu i luma i le pule-laa e lauga i le konafesi aoao na taufaafefe! Ae na i ai se agaga na maoae naua iina. Na ou lagonaina le siitia ma le mafanafana. Sa ofoofogia lava.

Afai e te matamuli ma faigata ona tautala, taumafai pea. E tusa lava pe o loo e tauivi pea, matou te fia faalogo po o le a sau tala e fai mai. E mafai ona e faamanuiaina le tele o tagata i mea ua na o oe lava e mafai ona tau maia! ■

# Kata mo Konafesi

*O nisi nei o upusii e sili ona matou fiafia i ai mai le konafesi aoao ia Oketopa 2017!*

“E faatoilalo e le faatuatua i taimi uma le fefe.”



—Peresitene Henry B. Eyring,  
Fesoasoani Muamua i le Au Peresitene Sili


—Elder Ronald A. Rasband  
o le Korama a Aposetolo e Toasefululua

“E fiafia le Alii e mafuta ma i tatou.”



—Sharon Eubank,  
Fesoasoani Muamua i le Au Peresitene  
Aoao o le Aualofa

“Ua i ai i le Atua se galuega taua mo taitoatasi.”  
i tatou



—Elder John C. Pingree Jr.  
o le Fitugafulu

“Pe o le a e faasusulu atu lou malama-lama?”




# O LA TATOU ITULAU



O taimi uma lava ou te asiasi ai i le malumalu faatasi ma lo'u aiga, ou te lagonaina le malosi tele o le Agaga, e faapei o loo faatasi mai le Faola ma i matou. Ou te fiafia e alu i le malumalu.

**Alana L., 8 tausaga, Pasila**



Ou te mulimuli ia lesu pe a ou faalia le alofa mo au uo i le aoga ma faaloaloga i latou.

**Vianca V., 7 tausaga, Kolomupia**



Matou te iloaina e mafai ona fesoasoani mai le Tusi a Mamona ia i matou i o matou faafitauli, e pei lava ona mafaia e le tatalo. E fiafia lou tuagane laitiiti e tatalo.

**Benjamín M., 3 tausaga, ma Joaquín M., 8 tausaga, Chile**

Na ou lagonaina le Agaga ina ua ou papatiso. Na ou manao ai e filifili le mea sao. Na ou fiafia ina ua ou faia mea na aoao mai e lesu. Ina ua matou o i le malumalu ma lou tuafafine, lou tina, ma lou tama, na faamauina i matou ma na ou fiafia. O le a avea i matou o se aiga e faavavau pe afai matou te faia le mea sao.

**Manuel R., 9 tausaga, El Salvador**

# Atamu ma Eva


Saunia e Kim Webb Reid

Na foafoaina e le Tama  
Faalelagi ma Iesu Keriso le  
lalolagi. Na La faia le lau-  
eleele, sami, la, ma fetu.  
Na La faia laau ma manu.  
Ona saunia lea o le lalolagi  
mo fanau a le Tama  
Faalelagi. O ai o le a Ia  
auina atu e nofo muamua  
i le lalolagi?



Atamu ma Eva!

Na tuuina i laua e le Tama Faalelagi i le Faatoaga o Etena. Sa ola uma meai na la manaomia i le faatoaga. Sa le manaomia ona la galulue. Sa le mama'i i laua.



Na tau atu e le Tama Faalelagi ia Atamu ma Eva e faapea afai la te aai i ni fua o se tasi o laau, o le a tatau loa ona la tuua Etena. Na faaosoosoina e Satani Eva e ai le fua, ma na ia aia. Na ai foi Atamu.

O le la filifiliga e tuua  
 Etena sa o se vaega  
 o le fuafuaga a le  
 Tama Faalelagi.  
 Ina ua la tuua Etena, na  
 aoao Atamu ma Eva e  
 tatalo, salamo, ma maua le  
 faatuatua ia Iesu.  
 Na avea i laua ma matua  
 ma aoaoina a la fanau i le  
 talalelei. Sa sili ona faigata  
 le olaga i fafo atu o Etena,  
 ae sa la aoaoina ni mea  
 fou taua. Sa fiafia i laua.





E pei lava au o Atamu ma Eva. Na ou filifili e sau i le  
lalolagi ina ia mafai ai ona ou aoao, tuputupu ae, ma avea  
atili e faapei o ou matua Faalelagi. ■

# E Mafai ona Ou Faia ia Filifiliga Lelei





**Saunia e Peresitene  
Dieter F. Uchtdorf**  
Fesoasoani Lua i le Au  
Peresitene Sili

## O LE TALALELEI E AOFIA AI UPUMONI UMA

*O le laulaau o loo i o tatou luma ua na o se ata itiiti lava—se vaega o se togavao tele e le iu o le matagofie o le malamalama.*

**E**taua le talafaasolopito. Ma o le faatumauina o i tatou lava i lesona e aoaoina mai le talafaasolopito o le a mafai ai ona tatou mulimuli i le mea sili e ta'ua o le tagata.

O le tusitala fatu ua maliu o Michael Crichton na lipotia mai na saunoa e faapea, “Afa i te le iloaina le talafaasolopito, e te le iloaina la se mea. O oe o se laulaau lena e le iloaina o ia o se vaega o se laau.” Ua aoaoina i tatou e le talafaasolopito e le gata e uiga i laulaau o loo i ai; ae ua ia aoaoina foi e uiga i lala ninii, lala lapopoa, ogalaau, ma aa o le olaga. Ma o nei lesona e taua.

O se tasi o vaivaiga o i tatou o ni tagata soifua o le faapea lea o la tatou “laulaau” ua na o le pau a lena—e faapea o le upumoni ua tatou maua ua atoatoa ma ua i ai mea uma lava. O se faaupuga ua leva faalutaia e [faapea], “I se anufe i totonu o se lakisi, o le



lalolagi le lakisi.” Ou te fia faamamafaina atu e faapea o upumoni ua taliaina e Le Ekalesia a Iesu Keriso o le Au Paia o Aso e Gata Ai e oo i tua atu o laulaau ma e mautinoa lava i tua atu o le lakisi. E oo i tua atu o tapulaa o le taimi ma le lalolagi ma e aofia ai upumoni uma lava.

O le talalelei a Iesu Keriso e aofia ai e le gata o le upumoni o mea na i ai ma mea o i ai nei ae faapena foi upumoni o mea e mafai ona i ai ma o le a oo mai. O le mea lea ua sili ona sao i upumoni uma. Ua ia aoaoina le ala o le soo—o se ala lena e mafai ona aveina tagata masani, e le atoatoa ma suia i latou i ni tagata mamalu, faavavau, ma leai se iuga o e e i ai le malosiaga mamana e i tua atu o lo tatou mafaufau faatauva ma itiiti.

O lea la, o le upumoni sao lava lena. E le mafai ona tatou mafaufauina lona tau. O le upumoni i le tulaga aupito maualuga. O le sailia, mauaina, ma le faaaogaina o le upumoni o mea ia ua tatou i ai i lenei lalolagi ina ia mauaina. O le talalelei a Iesu Keriso e aofia ai upumoni uma lava, ma e taulai atu foi i le malamalama lena o le a sili atu le taua ia i tatou i lenei olaga ma i le faavavau atoa e oo mai.

Pe le o se lagona maoae ea le auai i se Ekalesia lena e taliaina le upumoni—po o le a lava le punaoa—ma ua aoaoina mai e faapea o loo i ai le tele o isi upumoni e oo mai, e faapea o le Atua o le a “faaali mai le tele o mea silisili ma le taua tau i le Malo o le Atua i le lumanai” [Mataupu Faavae o le Faatuatua 1:9]. O se taunuuga la, ua tatou lotomaulalalo ai e uiga i le upumoni ua tatou maua. Ua tatou iloaina o lo tatou malamalama o se galuega o loo faagasolo, o le laulaau o loo i o tatou luma ua na o se ata itiiti lava—se vaega o se togavao tele e le iu o le matagofie o le malamalama. ■

*Mai le “Seeing Beyond the Leaf,” Brigham Young University Church History Symposium i le Aai o Sate Leki, Iuta, ISA, i le aso 7 o Mati, 2014.*



**ATAMU MA EVA,  
FAATUFUGAGA O LAEI SAUNIA E INITIA  
CUNA, SAN BLAS ISLANDS, PANAMA**

*I le faaososoina e le tiapolo, na aai ai Atamu ma Eva i le fua faasaina ma na avea ai ma tagata faaletino. Na molimau mai Eva i faamanuiaga na oo mai ai: "Ana le seanoa la ta solitulafono, semanu ta te le maua ni fanau, ma le iloa le lelei mai le leaga, ma le olilo o le togioilaina o i taua, ma le ola e faavavau e tuuina mai e le Atua ia i latou uma o e usiuitai" (Mose 5:11).*

# E i Ai Foi i le Lomiga Lenei

## MO TALAVOU MATUTUA

### O Le a la Laveaiina i Tatou



Ina ua luluina la latou misiona e se mafuie matautia, na lagona e faife-autal'ai i lapani e faapea na taitaiina ma puipuia i latou e le Alii.


i. 44

## MO LE AUTALAVOU

i. 50

### O IESU KERISO *O La Tatou Punavai o le Filemu*

E pei lava ona la faafilemuina peau matautia o le Sami o Kalilaia, ua ofoina mai e le Faaola le faamoemoe o le filemu o le loto ia i tatou taitoatasi.



## MO TAMAITI



### Fuafuaga o le fiafia

Oti ese ma valivali lenei tamaitusi e aoao atili ai e uiga i le fuafuaga o le fiafia a le Tama Faalelagi!

i. 70



SAMOAN

O LE EKALESA A  
IESU KERISO  
O LE AU PAIA O ASO  
E GATA AI